

*ASO LUA, 25 MATI 2014*

*Na nofoia le Nofoa e le Fofoga Fetalai i le itula e 9.00 i le taeao.*

**Tatalo.**

**FOFOGA FEALAI:** E talitonu e ui lava ina louloua le tau i lenei taeao, ae e talitonu le faamoemoe e le o aveesea ai le alofa ma le agalelei o lo tatou Tapaaau Sili i le lagi i le alafai mai i faguga lelei aemaise le soifua manuia o lo tatou Maota i lenei vaega o lenei taeao fou. E le faaititia ai lava le agaga o le faafetai atu i le paia ma le mamalu o a tatou usugafono i lenei aso, ua malo le onosai mai. E talitonu le faamoemoe o lo o tele ma anoanoai tuatuano'a faale-aiga ma faale-itumalo aemaise o le tele ma anoanoai o o tatou faafitauli e le aunoa, a o lo o vaaia pea lo outou faataua o la tatou Fono i lenei aso. Ua tuu lava nisi o tuatuano'a ma faalavelave le maalofia ae ua tatou toe potopoto i lenei aso ona o le faaauauina o a tatou galuega.

E momoli atu le agaga faafetai tele i tulaga aloaia, e faafetai atu i lau Afioga i le Sui Palemia ma le mamalu o le Kapaneta, Afioga i Minisita Lagolago, Afioga i le Taitai o le Itu Agai ma lea tala-na-atoa o le tatou Maota, ua malo le onosai mai i lenei aso.

E avatu pea le talosaga ma le faamanatu a le Fofoga Fetalai ona ua maea ona faataatia le polokalame mo a tatou galuega. E i ai le agaga e tatalogo atu pea Masefau, e le toe aoaia e Laupua Tamafaiga i tulaga i lo tatou va nonofo ai i le tausisia o o tatou taimi amata aemaise o tatou taimi malolo ma taimi e tolopo ai le tatou Fono, o lo o i ina le uta a le faimea, tatou te faataua lo tatou valaaufina aemaise taimi faatulagaina o a tatou galuega. E ui o lea e faafetai i le Atua ona ua tatou toe faatasi i lenei aso. E i ai foi nisi o sui usufono o lo o agai mai pea ma taunu mai i lo tatou malae, agai maia o lea ua amata galuega o lenei aso ma le faamoemoe.

#### **TUUINA ATU O LIPOTI A KOMITI FILIFILIA**

*Na tolaulauina e le Failautusi Lipoti a Komiti Filifilia nei ua faataatia i luga o le Laulau a Fono e tusa ai ma T.T.51(5).*

1. P.P.2013/2014 Nu.134, Lipoti a le Komiti o Mataupu tau Aoga, Sainisi, Fesootaiga ma Faamatalaga Tekonolosi i le P.P.2012/2013 Nu.23, P.P.2012/2013 Nu.78 & P.P.2012/2013 Nu.79, Lipoti Faaletausaga a le Pulega o Fale Taalo ma Malae Taalo a Samoa mo le Tausaga 2008/2009, Tausaga 2009/2010 & Tausaga 2010/2011.

**Tuuina atu o Lipoti a Komiti Filifilia**

2. P.P.2013/2014 Nu.135, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2013/2014 Nu.25 & P.P.2013/2014 Nu.26, Lipoti Faaletausaga a le Ofisa o le Pule Faatonu mo le Tausaga faaiuina aso 30 Iuni 2009 ma le Tausaga faaiuina aso 30 Iuni 2010.

**ILOILOGA O LIPOTI A KOMITI FILIFILIA**

**P.P.2012/2013 NU.88, LIPOTI A LE KOMITI O GALUEGA,  
FELAUAIKA MA LE SIOSIOMAGA I LE P.P.2011/2012 NU.87,  
LIPOTI FAALETAUSAGA A LE MATAGALUEGA O PUNAOA  
FAALENATURA MA SIOSIOMAGA MO LE TAUSAGA  
2008-2009 - ILOILOGA**

**Tofa TUSA MISI TUPUOLA** (Taitaifono Komiti o Galuega, Felauaiga ma le Siosiomaga): E faatalofa atu i lau Afioga i le Fofoga Fetalai ma le mamalu o le Palemene i lenei taeao fou. Ua i luma foi o le Atua le tatou faafetai e pei ona siitia e lau Afioga i le Fofoga Fetalai ma o le agaga fiafia lea o lenei aso i le amataina o le Fonotaga a le Palemene.

Lau Afioga i le Fofoga Fetalai ou te tulai atu ma le faaaloalao tele ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA MA IUGAFONO.*

Ma le faaaloalo lava.

*Faaluaina e le sui usufono mo Palauli.*

**FOFOGA FETALAI:** Tulai mai lau Afioga i le Taitaifono mo le faitauga o Fautuaga ma Iugafono.

**Tofa TUSA MISI TUPUOLA:** Lau Afioga i le Fofoga Fetalai ma le mamalu o le Palemene, o Fautuaga nei ma Iugafono a le Komiti.

**“FAUTUAGA:**

I le maea o ana iloiloga e fautuaina e le Komiti le Malo ina ia:-

1. Silasila i se fofo o le faafitauli o lo o tulai mai i le nofoaga o lo o lafoai i ai le lapi i Tafaigata, ona o aafiaga o le auaigaluega i tagata o lo o uia faasolitulafono pea lea nofoaga mo le sailia o ni oloa tau lapi. Ua alagatatau foi ona fausia se pa e siomia ai lea nofoaga, faatasi ma le fausiaina o le auala o lo o avea pea ma faafitauli i le faatinoina o le auauanaga a le Matagaluega.

**P.P.2012/2013 Nu.88, Lipoti a le Komiti o Galuega, Felauaiga ma le  
Siosiomaga i le P.P.2011/2012 Nu.87, Lipoti Faaletausaga a le  
Matagaluega o Punaoa Faalenatura ma Siosiomaga mo le  
Tausaga 2008-2009 - Iloiloga**

2. Lagolagoina ma faamalosia polokalame o lo o uunaia e le Matagaluega mo le puipuia ma le faasaoina o le siosiomaga ma eleele faasao ma le toe atinaeina o eleele na aafia ona o afa ma galuega na faatinoina ai.
3. Faamalosia le galulue faatasi o le Matagaluega ma le Pulega o le Suavai mo le faasaoina o Eleele o lo o Pu'eina ai le suavai, ina ia mautinoa le lava o le suavai e tua i ai le Pulega o le Suavai, ona na matauina e le Komiti le tau faasoasoa o le suavai i vaitau mugala, ma ia taofia nei loa le toe uia ma le galueaina e tagata lautele o nei nofoaga taua.
4. Fautuaina le Matagaluega o Leoleo ma Falepuipui mo le vave tuuina atu i le Tulafono o le mataupu i le faaaoga seseina o vaegatupe na tuuina atu mo le Polokalame Faasao o Gataifale o Aleipata ma Safata. Matauina e le Komiti le aafia o le faaaauauina o nei polokalame taua, ona o le faaaoga faasolitulafono e Sui o nei Itumalo o ia fesoasoani tau tupe.
5. Fautuaina le Komisi o le Aufaigaluega o Galuega a le Malo (PSC) ma le Matagaluega ina ia toe Iloilo ma tapena ni taiala talafeagai o le faatinoina o poloketi i vaegatupe fesoasoani mai fafo, ina ia puipuia mai ai le igoa o Samoa ma le Matagaluega i le faaaoga sese o ia fesoasoani tau tupe i le lumanai.
6. Silasila totoa i faafitali o lo o tulai mai i eleele o le Malo o lo o faatino ai atinae ma polokalame a le Matagaluega i Savaii, ona ua faato'a ma galueaina faasolitulafono e nisi o afioaga mo a latou faatoaga ma atinae manu papalagi. Fautuaina le Malo ina ia vave faatino ni feutagaiga ma ia afioaga e soalaupule ai se fofo talafeagai o lenei mataupu, aemaise o le saogalemu o le soifua o le aufaigaluega.
7. Fautuaina le Matagaluega ina ia toe Iloilo ma faalelei le fuafuaga o le lapisi i Vaiaata, mo le malupuipuia o le suavai o lo o i le manava o le eleele. Na matauina e le Komiti i lana Asiasiga, le ono aafia o le suavai na maua i le suaina o le eleele pe a le lelei ona punitia le suavai leaga mai le lapisi i le goto atu i le manava o le eleele.

**P.P.2012/2013 Nu.88, Lipoti a le Komiti o Galuega, Felauaiga ma le Siosiomaga i le P.P.2011/2012 Nu.87, Lipoti Faaletausaga a le Matagaluega o Punaoa Faalenatura ma Siosiomaga mo le Tausaga 2008-2009 - Iloiloga**

8. Amanaia le faavaeina o se Ofisa o le Matagaluega faatasi ma se Tagata Faigaluega Tumau (permanent staff) mo le atinae o le Falelaau ma le Nofoaga e Pu'eina ai le suavai i Vaipouli, e lagolago ma fesoasoani ai i le Ofisa Autu o le Vaega o Vaomatua i Salafai ona o le taumamao o isi Vaega o le auaunaga o lo o ia vaaia e pei o Maota, Falelima ma Asau. Moomia foi le toe fia faaleleia o le pa o lo o siomia ai le Ofisa i Asau mo le malupuipua o ia aseta taugata a le Malo.
9. Ia tausisia pea e le Matagaluega aiaiga o le Tulafono mo le vave tuuina mai o ana Lipoti Faaletausaga i le Palemene mo le iloiloina.

**IUGAFONO:**

I le maea o iloiloga a le Komiti na faaiugafonoina ai e fautuaina le Fono Aoao,

Ina ia faamaonia le P.P.2011/2012 Nu.87, Lipoti Faaletausaga a le Matagaluega o Punaoa Faalenatura ma le Siosiomaga mo le Tausaga Faaletupe na faaiuina aso 30 Iuni 2009.”

**FOFOGA FETLAI:** Malo faafetai saunoa i lau Afioga i le Taitaifono o le Komiti. O le a tuu atu le avanoa i sui usufono mamalu i ni mataupu e fia laga mai i saunoaga.

Tulai mai le sui usufono mo Aleipata Itupa i Lalo.

**Afioga TAFUA MALUELUE TAFUA (Aleipata Itupa i Lalo):** Faafetai lava i lau Afioga i le Fofoga Fetalai. Faafetai ua maua le soifua manuia e lau Afioga i le Fofoga Fetalai ma e faatalofa atu i le paia ma le mamaulu o le au usufono aemaise lau Afioga i le Sui Palemia ma le Kapeneta, le mamaulu i Minisita Lagolago faapea le la Itu i le Afio o le Taitai o le Itu Agai ma le Sui Taitai aemaise o lena foi Itu Faaupufai o lo o agaia le Malo.

E faatalofa atu foi i le aufaigaluega a le Malo ma lau Afioga i le Failautusi o le Fono, le aufaigaluega aemaise o Faauluuluga o Matagaluega ma Faalapotopotoga Tumaoti a le Malo ua tatou faatasi ai i lenei taeao.

**P.P.2012/2013 Nu.88, Lipoti a le Komiti o Galuega, Felauaiga ma le  
Siosiomaga i le P.P.2011/2012 Nu.87, Lipoti Faaletausaga a le  
Matagaluega o Punaoa Faalenatura ma Siosiomaga mo le  
Tausaga 2008-2009 - Iloiloga**

Ua ou tulai atu ma le faaaloalo lau Afioga i le Fofoga Fatalai e fia fesiligia vaega ia e lua. O le Lipoti a le Matagaluega o Galuega: o le fautuaga muamua e uiga i le o atu o tagata ma lau ese lapisi, tulou. O lea ou te fesiligia pe aisea ua le faia ai se pa e puipuia ai lea vaega ona o lea e faigofie ona oo atu tagata i totolu o le lotoa lea?

O lona lua, o lea sa ou faalogo atu o taua le itumalo o Aleipata i le faaaoga sese o tupe. O lau fesili muamua la pe aisea ua le aveina ai le mataupu lea i leoleo pe afai ua faamaonia ua faaaoga sese tupe. O le isi itu, e lelei ona sailili po o ai tonu aua o lea e tau ai lo matou itumalo, ae po o ai tonu na faaaogaina lea tupe aua ailoga o ni tagata Aleipata, ae se i faamanino mai e se tasi ona e fia maua se tali o le fesili lea, po o ai tonu na faaaogaina le tupe lea, o fea ua fai i ai a o le a foi le tele o le tupe ma aisea ua tuai ai ona ave i le Ofisa o Leoleo?

Ma le faaaloalo lava.

**FOFOGA FETALAI:** Malo faafetai saunoa. Ua matau atu ona pau lea o le saunoaga, ae tulai mai lau Afioga i le Taitaifono. A i ai foi se faaopoopoga mai le Minisita e avanoa lava a o le i tuuina atu le fesili.

Tulai mai lau Afioga i le Taitaifono.

**Tofa TUSA MISI TUPUOLA:** Lau Afioa i le Fofoga Fatalai ou te tali atu ma le faaaloalo i le fesili a le Afioga i le sui usufono mamalu, Afioga i le Tuiatua Faanofonofo.

O le pa lea o lo o i ai i Tafaigata, a silasila foi i ai o le Lipoti o le 2008/2009. O le taimi o le asiasiga sa leai se pa, a o le taimi nei ua i ai le pa. O le tulaga sa vaaia e le Komiti lau Afioga i le Fofoga Fatalai, ona o le tele o tamaiti po o tagata e nonofo ma alaala i uta i le vaega lea, latou te o atu i totolu o le lotoa e saili ai oloa ia mai totolu o le lapisi. O le ala lena o le taumafai o le Komiti ma fautuaina ina ia fai loa se pa lelei atoa ai ma le auala mo le faaaogaina o lea nofoaga taua i totolu o le atunu.

O le tulaga e lua o le mataupu lea na laga ai le itumalo o Aleipata ma Safata. O lea lava foi e silafia lelei lava e i latou sa i ai i le Komiti lea sa faatuina – e pei lava o le tausaga lea e 1996. E pei o le taimi lena sa taumafai ai loa e faatino le Komiti lea, le Komiti o le polokalame lea o le Marine Protection. O lena la sa ave loa i ai le seleni lea e tusa ma le \$242,000 ina ua fai le latou Komiti ma fai a latou Faavae ma tulaga uma faapena. A o le faafitauli lau Afioga i le Fofoga Fatalai ma le mamalu o le Palemene aemaise ai o le fesili, o se tasi foi sa i ai i le aufaigaluega i le taimi lea a le MNRE, e pei la o ia lea ua osovale i totolu o Komiti nei, ae sa le i iloa lelei e le Matagaluega, a o le alii la lea e tusa ma le saunoaga a le Ofisa o Leoleo ua sola i fafo.

**P.P.2012/2013 Nu.88, Lipoti a le Komiti o Galuega, Felauaiga ma le Siosiomaga i le P.P.2011/2012 Nu.87, Lipoti Faaletausaga a le Matagaluega o Punaoa Faalenatura ma Siosiomaga mo le Tausaga 2008-2009 - Iloiloga**

O lea la o lo o ua i Niu Sila nei, a o lo o taumafai ni auala e toe aumai ai. Ou te le taua lona suafa lau Afioga i le Fofoga Fatalai, a o la lava ua silafia e le Komesina o Leoleo ma le Matagaluega o lo o faia le latou suesuega, ae e le i oo mai la po o le a se tulaga ua oo i ai le latou mataupu, a o le faamatalaga mulimuli lea lau Afioga i le Fofoga Fatalai ma le mamalu o le Palemene, o lo o taumafai ina ia saili mai le ua faamaonia ona ua maua molimau o ia lea na mafua ai ona faaaoga e Komiti lea seleni i le faatinoga o a latou feau ma galuega. A o popolega na o le Komiti lau Afioga i le Fofoga Fatalai ona o le aafia o le suafa o lo tatou Malo aemaise foi le Matagaluega o le Siosiomaga i le faatinoga o ana polokalame nei mai fafo i fesoasoani e auina mai fafo.

Ma le faaaloalo lava.

**Afioga Hon Palusalue Faapo II (Taitai o le Itu Agai): Lau Afioga i le Fofoga Fatalai o se mea e fia faasao leaga o lea e tau ai lou itumalo.**

**FOFOGA FETALAI:** Malie le sui usufono se i avatu le avanoa i le Taitai o le Itu Agai.

**Afioga Hon Palusalue Faapo II:** Lau Afioga i le Fofoga Fatalai, faafetai lava i le faamalamalamaga a le Afioga i le Taitaifono. Ona pau lava ou atugaluga ona o lea e foliga mai ua tuuaia le sui o lenei nuu po o le itumalo. Ia manatua o lenei mataupu o lo o i lima pea o leoleo ma e le mafai ona tau agasala se isi se i vagana ua aumai se faaiuga a le Faamasinoga. O le ala lea ou te tulai atu ai ina ia silasila totoa i ai lau Afioga i le Taitaifono aemaise le Malo leaga o tala e ave, e faaleagaina ai foi le suafa o lenei itumalo, a o le mataupu ia o lo o i lima o leoleo.

E pei o le mea lea o lea ou te tulai atu ai.

**FOFOGA FETALAI:** E pei o le mea lea e te tulai mai ai, o ai lea e aafia o lou itumalo le Taitai o le Itu Agai?

**Afioga Hon Palusalue Faapo II:** Leaga o lea e manino mai i le saunoaga a le Taitaifono. Ua sola i Niu Sila le tagata lea.

**FOFOGA FETALAI:** O ai le tagata lea?

**Afioga Hon Palusalue Faapo II:** Ou te le tau atua foi ona e le o manino.

**FOFOGA FETALAI:** O lea ua manino atugaluga o le sui usufono. O le tulaga foi e talafeagai ai ona o lea ua taua lou afioaga.

Tulai mai lau Afioga i le Minisita mo Punaoa Faalenatura ma le Siosiomaga.

**P.P.2012/2013 Nu.88, Lipoti a le Komiti o Galuega, Felauaiga ma le Siosiomaga i le P.P.2011/2012 Nu.87, Lipoti Faaletausaga a le Matagaluega o Punaoa Faalenatura ma Siosiomaga mo le Tausaga 2008-2009 - Iloiloga**

**Tofa Hon Faamoetauloa Lealaiauloto Ulaitino Faale Tumaalii (Minisita mo Punaoa Faalenatura ma le Siosiomaga):** Faafetai i lau Afioga i le Fofoga Fatalai mo le avanoa, ae ua ou tulai atu na ona avatu o se faamalamalamaga masani i le mataupu lea.

E moni le saunoaga o lea ua taoto i totonu o la e fai suesuega i ai i le tulaga lea, ae ona ua taua le Matagaluega, o le Matagaluega lava ia e le lavea foi ia o mea tau tuge, o le i ai o le sui e toatasi o le Matagaluega o le Board e tau o le ASMPA Trust po o le Aleipata Safata Marine Protected Area, ina ia faufautua i tulaga foi ia aua o lo o i ai le poto faapitoa i le tulaga foi ia mo faasao, pau lava lena, ae le lavea i totonu o se tulaga e lotea ia vaegatupe ia – ma o le Board lava ia of Trustees o latou ia e vaiaia ia le fund lea na tuu sao lava e le Conservation International le CI i ai i le Board lea, ma e toatolu sui o Aleipata, e toatolu sui o Safata ia ma le toatasi o le Trustee. Ia o le tulaga lena o lo o i ai. O lea ua frees uma lava accounts o le mea lea, a o fai suesuega, ma o lea foi la e toe sue mai tagata foi lea ina ia....ma e mama ia te au nei o le Minisita ma le tulaga lea, e pursue lava le case lea ina ia aumai e account ai, ma o lea la ua i ai ia feuiuiaiga foi a le Matagaluega ua toe aumai uma lava la i lalo o le Matagaluega aua o lea ua omai le Trustee faapea mai, e sili lava le toe avatu i lalo o le Matagaluega latou te pulea i lo le tuu i faalapotopotoga ia i tua. Pei o le faamalamalamaga lea o le mataupu.

**FOFOGA FETALAI:** Malo faafetai. E manatu ua manino ma malamalamala le mataupu pei ona i ai le atugaluga o le sui usufono. Ia sei tulai mai le Sui Taitaifono.

Afioga Afoafouvale John Moors (Sui Taitaifono Komiti o Mataupu tau Faamasinoga, Leoleo & Falepuipui ma Faamasinoga o Fanua ma Suafa): Faafetai i lau Afioga mo le avanoa. Leai na o sou manatu e ao ona faamalamalamala ne i meaane ua laaloa le tatou mataupu ae o lo o atugalu ia le sui usufono foi mo Safata e tusa ai ma lona manatu sa tuuina mai. Leai o le mataupu, e ala ona oo atu i le Tulafono e avatu ai tuuaiga, ae faatoa faamanino mai i le Tulafono po o le Faamasinoga ia moliaga nei, ae mafai ona tuu ai, ae seiloga e faamaonia mai e le....a o le mafuaaga tonu lena ua ala ai ona taua ona ua tuuaia, lea ua ala ai ona tuuina atu i le Komesina ma le latou Matagaluega. Ma lou faaaloalo lava.

**FOFOGA FETALAI:** Malo faafetai. O lea ua manino le fesili a le sui usufono mamalu, o lea foi ua tali manino le Afioga i le Taitaifono, o le tatou Lipoti lenei ia o le 2009/2010. Ia pei lava ona silafia e le tatou Maota, o tatou Lipoti nei o galuega tuua, ia e ese le mea lea sa i ai i le taimi na lipoti ai le Lipoti, o lea ua saunoa manino le Afioga i le Minisita, ia o lea ua taatia i le agatonu.

**25 MATI 2014**

**P.P. 2012/2013 Nu. 89, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.29, Lipoti Faaletausaga a le  
Faalapotopotoga Faavae Tau Fatugao a Samoa mo le  
Tausaga 2009/2010 – Iloiloga**

Sa fesiliglia e sui usufono mamalu mo Aleipata Lepa, o lea ua saunoa le Taitaifono, ia ua maea ona fausia Lepa. Sa fesiliglia foi atugaluga e uiga i le tupe sa maitauina ma ua i aao nei o leoleo ma e le tatau ona toe afeafea o lea ua i aao o le Faamasinoga ma taualumaga o le suesueina, ia o lo o tulituliloaina le tatou Matagaluega. Ma ou te talitonu ua manino ma malamalama tulaga pei ona saunoa i ai le Taitaifono.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia le Lipoti e le Fono Aoao.

**P.P. 2012/2013 NU. 89, LIPOTI A LE KOMITI O LE SOIFUA  
MALOLOINA, GALUEGA TAU LE VA FEALOAI, MATAUPU TAU  
LOTOIFALE MA ATINAE O AFIOAGA MA AGAFESOOTAI I LE  
P.P. 2011/2012 NU. 29, LIPOTI FAALETAUSAGA A LE  
FAALAPOTOPOTOGA FAAVAE TAU FATUGAO A SAMOA MO LE  
TAUSAGA 2009-2010 – ILOILOGA**

Afioga Hon GATOLOAIFAANA AMATAGA ALESANA GIDLLOW (Taitaifono Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioaga ma Agafesootai): Faafetai i lau Afioga i le Fofoga Fetalai ma e fia fono faapipii atu foi i le faafetai ua uma ona e siitia e tusa ai ma le alofa ma le agalelei o le Atua, ua taitai manuia mai ai le soifua o lau Afioga ma le mamalu o le Palemene i le afio o le Afioga i le Sui Palemia ma le Kabeneta, aemaise foi le Afioga i le Sui Taitai o le Itu Agai, aemaise o sui usufono mamalu uma o le tatou Palemene. E faapea foi ona faatalofa atu i le faafogafoga mai a le tatou atunuu mai lava i ona ao sei oo i se ua aupito iti.

Lau Afioga i le Fofoga Fetalai ua ou tulai atu ma le faaaloalo lava ou te faatu le lafo, *Ina ia faautagia ai e lenei Fono Aoao le Lipoti a le Komiti o lo o tuuina atu ai ana Saililiga, Fautuaga ma Jugafono.*

*Faaluaina e le sui usufono mo Alataua Sisifo.*

**FOFOGA FETALAI:** Tulai mai lau Afioga i le Taitaifono e saunoa e ala i Fautuaga ma Jugafono.

**25 MATI 2014**

**P.P. 2012/2013 Nu. 89, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.29, Lipoti Faaletausaga a le  
Faalapotopotoga Faavae Tau Fatugao a Samoa mo le  
Tausaga 2009/2010 – Iloiloga**

**Afioga Hon GATOLOAIFAANA AMATAGA ALESANA GIDLOW:**

**“FAUTUAGA:**

I le maea ai o ana iloiloga e fautuaina e le Komiti le Malo ina ia:

1. Silasila totoa ma faataua aiaiga mo puipuiga o gasegase o le suka ma le toto maualuga ona o lo o faatupulaia pea ma ia faatautaia ni polokalame faalauiloa tau puipuiga mo le silafia e le atunuu ina ia faaitiitia ai le faatupulaia o lenei gasegase.
2. Faaauau pea le Polokalame Faale-Soifua Maloloina mo nuu ma afioaga, ina ia fesoasoani ai i le sailia ma le vave puipuia o tagata lautele mai aafiaga o faamai aemaise lava i le mai suka ma le toto maualuga.
3. Toe iloilo ma faamalosia tulafono e tapu ai taumafa e afua mai ai gasegase ina ia faaitiitia ai Tupe Faaalu mo Togafitiga.
4. Ia faaauau pea le lagolago i le Faalapotopotoga e ala i vaegatupe faatatauina i tausaga faaletupe taitasi mo ana galuega faatino aemaise o ana fufauaga faataatitia mo le lumanaui manuia o le Faalapotopotoga.

**IUGAFONO:**

I le maea ai o iloiloga a le Komiti na faaiugafonoina ai e fautuaina le Fono Aoao:-

Ina ia faamaonia le P.P. 2011/2012 Nu. 29, Lipoti Faaletausaga a le Faalapotopotoga Faavae Tau Fatugao a Samoa mo le Tausaga Faaletupe na faaiuina aso 30 Iuni 2010.”

**Ma le faaaloalo lava lau Afioga i le Fofoga Fatalai.**

**FOFOGA FETALAI:** Faafetai saunoa i lau Afioga i le Taitaifono. O le avanoa lenei mo tatou sui usufono e fia faaalia finagalo e ala i lenei Lipoti taua tau Fatugao. Tulai mai le sui usufono mo Aana Alofi Nu. 3.

**Afioga TOEOLESULUSULU CEDRIC POSE SALESA SCHUSTER (Aana Alofi Nu. 3):** Faafetai i lau Afioga i le Fofoga Fatalai mo le avanoa, faafetai atu i le Taitaifono ma le mamalu o le Komiti i le Lipoti auiliili. E i ai nai faafesili lau Afioga i le Fofoga Fatalai.

**25 MATI 2014**

**P.P. 2012/2013 Nu. 89, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.29, Lipoti Faaletausaga a le  
Faalapotopotoga Faavae Tau Fatugao a Samoa mo le  
Tausaga 2009/2010 – Iloiloga**

Muamua i le iloiloga a le Komiti sa faapea ona latou iloiloina, ona o fautuaga o lo o tuuina mai e le o i ai se fautuaga e faatatau lea i le taumafai o le Faalapotopotoga po o le Foundation e sailia seleni, e maitau atu i faamaumauga, o le tele o le tupe o lo o faaaluina, o lo o avatu i grant a le Malo. Pei ona silafia e lau Afioga i le Fofoga Fetalai, o le tasi lea o auga o lou lea talitonuga i le faatuina o Faalapotopotoga Tutoatasi faapenei, foundation. Ia tele se sao o le Komiti Faafoe ma le Pulega e sailia seleni. Peitai ane lau Afioga a maitau atu i Tala o le Tupe i le 2009 ma le 2010, e \$25,000 le tupe e maua mai i donation. O le tausaga e 2010, e na o le \$73, 000. A faatususa lea i le \$4miliona ma ona tupu lea e maua atu e le Malo, e i ai se talitonuga lau Afioga atonu e le o faatauaina lea vaega o le galuega. Peitai ane, o le tele o Faalapotopotoga e le gata i totonu o Samoa a o fafo atu o Samoa e mafai e ao ona savalia ma sailia seleni, ina ia faateleina le seleni e fesoasoani o galuega, o le taua foi lea e faaitiitia ai le seleni e tuuina atu e le tatou Malo. Afai e i ai se naunautaiga ia faatino lava lenei Faalapotopotoga e le gata i lea o nisi o Faalapotopotoga ua taua o Foundation, o le main avenues e ao ona sailia seleni e mai i a latou fundraising po o sailiga seleni. Peitai ane lau Afioga, o le vaega lea. O lea e faafesiligia ai, pe na afea i le suesuega a le Komiti, ae pe aisea foi ua le fai ai se latou fautuaga ina ia taumafai e faaalualu i luma le seleni e sailia mai e lenei Komiti. Ona e maitauina foi lau Afioga, afai e silia ma le \$150,000 lea e faalu i le Komiti Faafoe, ae le o tele se seleni e mafai ona sailia mai i le faatinoina o a tatou galuega, faafetai.

**FOFOGA FETALAI:** Malo. Ia tulai mai le sui usufono mo Faleata Sisifo.

**Tofa LEALAILEPULE RIMONI AIAFI** (Faleata Sisifo): Faafetai i lau Afioga mo le avanoa, faafetai i le Komiti mo lenei sailiga i lenei foi Matagaluega. Pau lava le mea e fia fesili, ou te fia fesili tuu sao lava i fautuaga.

Muamua, o le fautuaga lona lua lau Afioga i le Taitaifono, o le faaauauina pea o Polokalame Faale-Soifua Maloloina i nuu ma afioaga. Ou te fia mailoa tonu, po o a tonu lava ia polokalame? Po o a ituaiga polokalame a o fea foi e agai i ai?

Lona lua i le fautuaga tolu, ina ia faamalosia tulafono e tapu ai taumafa. O lea ua uma ona tatou pasia le tulafono e tapu ai le taumafa i isi meaai foi na faasa ona aumai, a o lea ua toe tatala. O lea la ou te fia malamalama ai po o fea tonu o vaega nei e aoga fautuaga ae pe faapefea ona faatino?

**P.P. 2012/2013 Nu. 89, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.29, Lipoti Faaletausaga a le  
Faalapotopotoga Faavae Tau Fatugao a Samoa mo le  
Tausaga 2009/2010 – Ilologa**

O le faatinoga le mea lea e tulituliloa atu i taumafa ia e tuuina mai, aemaise sa lelei lava le mea lea sa fai i le isi vaitaimi foi lele i le faiga o kuka Samoa foi ia sa fai atu i le TV pe tai tolu tai fa i le vайасо. O le mea lea e tupu, e le o lava awareness programs e faalaui loa i tagata, mea e tatau ona fai ma mea e le faia, aua e le o faasasaina o meaai, a o auala e kuka ai ma auala e faaaoga ai ma mea faapena. O le mea lena o lea e fia malamalama ai e tusa ai o a outou fautuaga ia na tuuina mai. Ma le faaaloalo lava faafetai.

**FOFOGA FETALAI:** Malo faafetai. Ia tulai mai lau Afioga i le Taitaifono, e manatu e pau lea o manatu faaalia a sui usufono mamalu.

**Afioga Hon GATOLOAIFAANA AMATAGA ALESANA GIDLOW:** Faafetai i lau Afioga i le Fofoga Fetalai, faafetai foi i sui usufono mamalu mo faafesili. E lelei foi le faafesili e atili malamalama ai se mataupu.

I le faafesili muamua a le sui usufono mo Aana Alofi Nu. 3, po o i ai ni taumafaiga a le Faalapotopotoga e sailia ai seleni?

O le vaega muamua o lo o faafeagai pea e le o muta le taumafaiga a le Pulega ma le Faalapotopotoga i auala e mafai ai ona sailia seleni. O le mea muamua lava, o le taumafai i a latou polokalame ia o lo o o ai i tua i Matagaluega ma Faalapotopotoga a le Malo ia o nisi foi o Eklesia e le gata la i le avatu o le latou auaunaga foi lea e sailia ai ia tulaga o lo o i ai le soifua maloloina o i latou foi, ae taumafai foi lea e avea lea ma auala e maua mai ai seleni, aua o le tele lava o Faalapotopotoga ma Matagaluega, ia e ave a latou tupe ina ia maua ai le auaunaga, ia o tupe na o lea o lo o auala mai ai ni sailiga tupe a le Faalapotopotoga.

Lona lua, e i ai foi le polokalame masalo ailoga o silafia e le tele o le mamalu o le tatou Palemene. Ae o le polokalame ua leva ona faataatia e taumafai ai e tipi mai le \$1 mai le tagata lava ia ua i ai lona loto fuatia ifo na te fia lagolagoina le tatou Faalapotopotoga Faamamatoto, aua foi le tagatagai i le lumanai, aua tatou te le iloa pe tatou iu uma foi i lea Faalapotopotoga. Ae pei o le isi la auala o lo o latou faia, e \$1 mai i tusitupe aemaise lava i le aufaigaluega a le Malo, ua uma foi la ona fautuaina, e tulituliloa pea lea mea ae aumai ni pepa e saini uma ai ia sui usufono mamalu o le Palemene, aua ou te lagona lava e lagolagoina uma e sui usufono mamalu o le Palemene lea ituaiga suega tupe.

O le isi foi tulaga, o lena o lo o outou silafia lava i le amataga lava sa faia lava ia leitiofoni a le Faalapotopotoga, ia ua alu alu foi ua pei ua le o toe taulia tele foi i le faafogoa mai a Samoa, pei ua le tele se fesoasoani e auala mai ai, ou te lagona lava e tele foi tuatuagia o lo o faafeagai ma o tatou tagata.

**P.P. 2012/2013 Nu. 89, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.29, Lipoti Faaletausaga a le  
Faalapotopotoga Faavae Tau Fatugao a Samoa mo le  
Tausaga 2009/2010 – Ilologa**

Ae o lo o faia lava le tuitui atu i ekalesia, aemaise lava le Ekalesia Faapotopotoga Kerisiano Samoa, e tele fesoasoani o lo o maua mai ai i tausaga taitasi, a le \$1milliona pe \$50,000 lava e maua mai ai i le EFKS i tausaga taitasi, e faapena foi isi Ekalesia e pei o le Metotisi faapea foi le Mamona. E eseese lava, pe le foai tupe, ae o foai tau masini e fai ai togafitiga. O lo o faapea foi ona faia fesootaiga ma atunu i fafo. Sa i ai foi fesootaiga sa maua mai ai le auala faapea o le a fausia ai se fale fou, ae peitai, o tulaga lava e alu alu lava tei ua toe mou atu ae lei i ai se faatinoga. A o lo o le mapu lava le Pulega ma le Faalapotopotoga e tuitui pea i auala e mafai ai ona fesoasoani i le tatou Malo i le faatupeina o lea auaua naga taua mo Samoa.

O le fesili lona lua a le sui usufono mo Faleata Sisifo, po o le a le polokalame lea i nuu ma afioaga. I le tausaga lea pe a outou silasila i ai, o le tausaga 2009-2010 le Lipoti lenei, o le tausaga lena sa i ai le polokalame lea a le Matagaluega o le Soifua Maloloina e o ai i tua i nuu, e ave uma i tua alii fomai ma tamaitai tausisoifua ma vaega eseese e o atu e saili le toto ma le suka o tagata, ma faalauiola foi le gaoioi ma taumafa lelei e fesoasoani lava i lenei mea o le prevention po o le puipua o tatou tagata mai gasegase. Ae peitai ane, pei la o le fautuaga i le tausaga lea sa manatu o le a faaauauina pea, ae peitai e lagona lava ona o mea tau seleni aua o le polokalame lea e faatupe mai fafo, ona e le o toe gafatia e le tatou Malo po o le tatou Matagaluega lea vaega. A o le fautuaga lava ia e tuusao i mea sa i ai i le tausaga ma avatu i ai le fautuaga.

Po o a taumafa o lo o tapu. O le faataitaiga lava lea e oo mai nei i lou mafaufau, o le tulaga faigofie lava o masima aua e i ai lava masima na e lelei ua i ai le oxidize salt, o lena e silafia e... e sili atu le silafia e alii fomai ia te au, o le aoga o lena masima, e faapena foi falaoamata, ua i ai lava le mea lena e fesoasoani atili ai i le lelei o le falaoamata aua e tele falaoamata e faaoga e o tatou tagata, ae mafai lava ona faaulufale mai falaoamata na nai lo falaoamata lea tatou te faaaogaina nei e leai se aoga tele ia i tatou. Ia, a tatou tagatagai foi lava, o lea sa tatou faamutaina le siusiupipi, ae talu ai ona o tulaga lava o tatou feutagaiga faafetauaiga i atunu i fafo lea ua le mafai ai ona atoatoa le faamutaina o le tatou aumaia o siusiupipi i totonu.

O auala la o lea e avatu ai le fautuaga a le Komiti, ina ia tagatagai pea le Malo po o le a nisi auala e faigofie ona tatou faia e aunoa ma le aafia ai o tatou feutanaiga faafetauaiga ma atunu i fafo.

Lau Afioga i le Fofoga Fetalai, ou te talitonu o le tali atu lena i fesili e pei ona faatulai mai. Faafetai lava mo le avanoa.

**FOFOGA FETALAI:** Malo faafetai, faafetai lava i lau Afioga i le Taitaifono o le Komiti.

**P.P. 2012/2013 Nu. 89, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.29, Lipoti Faaletausaga a le  
Faalapotopotoga Faavae Tau Fatugao a Samoa mo le  
Tausaga 2009/2010 – Ilologa**

**Afioga Toeolesulusulu Cedric Pose Salesa Schuster: Lau Afioga i le Fofoga Fetalai....**

**FOFOGA FETALAI:** Ia, tulai mai le sui usufono mo Aana Alofi Nu.3.

**Afioga Toeolesulusulu Cedric Pose Salesa Schuster:** Faafetai i lau Afioga i le Fofoga Fetalai mo le faamalamalamaga a le Afioga i le Taitaifono. Na pau lava si tuualalo lau Afioga i le Fofoga Fetalai ona o lea o le tele o vaega lea o lo o faapea ona afea i le saunoaga a le Taitaifono e le o mafai ona maua i totonu o le tatou Lipoti. Atonu o le tuualalo i se isi Lipoti i luma mai, ia mafai ona faaoo ina ia mafai ona maua se malamalamaaga i galuega faatino, aemaise lava i le sailiga o seleni.

O le isi lau Afioga ona ua maua ua loa foi tausaga o lenei vaega, a i ai se isi Lipoti i luma mai pe talosagaina pe mafai ona Ilolio po o a ni fautuaga ina ia mafai lava ona uunaia Faalapotopotoga ina ia faateleina seleni latou te sailia. O le naunautaiga lava lea ina ia mafai, ona o lea e maitau atu o le tasi o aafiaga tele o lo o faapea ona faailoa mai totonu o le Lipoti, o le le lava o seleni. E le mafai la i lou talitonuga, e taua le faatinoina o lea galuega, a ia mafai ona maua se fesoasoani mo i latou i totonu o le Komiti Faafoe.

**FOFOGA FETALAI:** Malie le sui usufono o lo o saunoa sei tuu atu le avanoa i le Afioga i le Sui Palemia.

**Tofa Hon Fonotoe Nuafesili Pierre Lauofo (Sui Palemia):** Lau Afioga i le Fofoga Fetalai, e taua tele le tatou falemai lea faamamatoto, ma e taua tele foi le mataupu pei ona laga e sui usufono mamalu. O lea foi ua saunoa le Afioga i le Taitaifono o le Komiti e ou le Lipoti, a o lo o i ai si vaega lea e na ona faatepa i ai le Maota. O le tausaga o le Lipoti lea e talanoaina o le 2009-2010. O le tausaga la lea, e \$4,376,000 le foai mai le Malo mo le tausaga faletupe lea e talanoaina i totonu o le Lipoti lenei, e tusa lea ma le \$967,486 sa maualalo ai pe a fua i le \$5,343,486 sa tuuina mai mo le tausaga e 2008 i le 2009. A o lo o manino la le Lipoti Autu o lo o faapea mai, e ui i lea faaititiga, ae sa mafai lava ona faatino galuega a le Faalapotopotoga ma ausia ai foi se faasiliga o tupe maua nai lo tupe faaalu e \$1,078,144. Ia o lea e i ai tupe faasili lau Afioga mo le tausaga faletupe lea. O isi vaegatupe na maua, na maitauina ai se siitaga mai le \$330,814 i le \$294,141. O lea la e maua lava tupe faasili, o lea foi e alualu i luma tupe maua a le Faalapotopotoga e faatino ai le tatou falemai faamamatoto.

Ia e pei o le toe fesoasoani atu lea lau Afioga i le Fofoga Fetalai.

**25 MATI 2014**

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

**FOFOGA FETALAI:** Malo faafetai. O lea ua maua le tali manino a le Malo e ala i le faatupulaia o tatou tupe maua ma tupe faasaoina. O lea foi ua manino le tali malamalama a lau Afioga i le Taitaifono, ua manino foi le tuualalo a le sui usufono mamalu. Ou te manatu ona o lea lava sa ou taoama, e faamanatu atu i a outou Afioga o le tatou Lipoti lenei, o le 2009-2010. Ou te faamaonia i nisi Lipoti o mulimuli mai o lea e taea ai le mea lea e te saunoa i ai, ina ia faatupulaia pea le galuega a le Komiti aemaise le Matagaluega, ina ia sailia pea seleni ia lava.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti filifilia ia le silia le 90 aso talu ona faamaonia e le Fono Aoao le Lipoti.

**P.P.2012/2013 NU.90, LIPOTI A LE KOMITI O LE SOIFUA  
MALOLOINA, GALUEGA TAU LE VA FEALOAI, MATAUPU TAU  
LOTOIFALE MA ATINAE O AFIOAGA MA AGAFESOOTAI I LE  
P.P.2011/2012 NU.33, FAAMATALAGA O SINI AUTU A LE  
FAAPUTUGATUPE MO LE LUMANAI MANUIA O TAGATA MO  
TAUSAGA 2012-2014 - ILOILOGA**

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILILIGA, FAUTUAGA ma IUGAFONO.*

*Faaluaina e le Sui Fofoga Fetalai, se tasi o sui usufono mo le Au Palota Taitoatasi, Susuga Hon Papaliitele Niko Lee Hang ma le sui usufono mo Sagaga le Usoga.*

**FOFOGA FETALAI:** Tulai mai lau Afioga i le Taitaifono o le Komiti e saunoa i Fautuaga ma Iugafono.

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai;-

**“FAUTUAGA:**

**I le maea ai o ana iloiloga e fautuaina e le Komiti le Malo ina ia:**

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

1. Silasila pea le Faaputugatupe i le faaleleia atili o le puleaina o ana tupe teu faafagaluega mo le siitia o ana tupe maua aua ni tupe faasili ma faamanuiaga mo Sui Faisaofaga aemaise o le lagolagoina o le tamaoaiga o le atunuu.
2. Silasila i nisi auala e siitia ai pasene o faamanuiaga (ponesi) e tuuina atu i le aufaisaofaga i tausaga taitasi.
3. Faaauau aoaoga ma tulituliloa avanoa e siitia ai le tomai manaomia o le aufaigaluega aua le faatinoina atoatoa o le auauanaga.

#### IUGAFONO:

I le maea ai o iloiloga a le Komiti na faaiugafonoina ai e fautuaina le Fono Aoao:

Ina ia faamaonia le P.P.2011/2012 Nu.33, Faamatalaga o Sini Autu a le Faaputugatupe mo le Lumanai Manuia o Tagata mo le Vaitaimi 2012-2014.”

Ma le faaaloalo lava lau Afioga i le Fofoga Fetalai.

**FOFOGA FETALAI:** Malo faafetai saunoa i lau Afioga i le Taitaifono.  
Ia, tulai maia le sui usufono mamalu mo Faasaleleaga Nu.2.

Susuga PAPALII LIO FAAVAIVAIOMANU TAEU MASIPAU (Faasaleleaga Nu.2): Faafetai i lau Afioga i le Fofoga Fetalai faapea foi le paia o le Maota. Malo faafetai. E momoli atu le agaga faafetai i le Afioga i le Taitaifono e tusa ai ma Sailiiliga ma Fautuaga a le Komiti e pei ona tuuina mai i luma o le Laulau a Fono a le Palestene. E taua lava i le faitau atu foi i le Lipoti, faafetai lava i le manino o Sailiiliga a le Komiti ma le faamatalaina o tupe maua a le Faaputugatupe a le NPF.

I le maitau atu i Sailiiliga a le Komiti, o lo o i ai le \$25milliona o le tupe mama e maua mai tului o nonogatupe a le aufaisaofaga. Ou te iloa o se tupe tele tele ma le maoae. Faafetai foi i le aufaisaofaga, le mamalu o le atunuu i lo latou sao foi i le faaputugatupe a le NPF i lenei seleni tele, e \$25milliona lea e faafogafoga mai le aufaisaofaga, o lea e maua mai tului o nonogatupe. A o le tatalo a lenei sui usufono, e talitonu o lea e faafogafoga mai le Afioga i le Minisita ma le faaputugatupe, po o le a se silasila i le tulaga o ponesi a le aufaisaofaga, po o maua sina fesoasoani.

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

Aua o lea e maitau atu, o lea foi e tele lo latou sao. Pe maua sina fesoasoani mo le aufaisaofaga i nai ponesi faasili po o nai fuafuaga foi lea mo latou nogatupe, pe i ai se taimi e faapau ai le pasene o a latou nonogatupe i lea tausaga ma lea tausaga. O lea e maitau atu ua tele lava le sao o le aufaisaofaga, aemaise o a latou nonogatupe lea e aumai o lea foi e maua ai le tului ua maua ai lenei tupe faasili. E pei o le agaga lea o lenei itumalo, ma le faaaloalo.

**FOFOGA FETALAI:** Tulai mai lau Afioga i se tasi o sui usufono mo Salega, Afioga Afualo Wood Utu Salele, ona tuu atu lea o le avanoa i lea Itu o le Maota.

**Afioga AFUALO WOOD UTU SALELE (Salega):** Faafetai i lau Afioga i le Fofoga Fetalai mo le avanoa. Faafetai foi i le Taitaifono o le Komiti aemaise foi le Faaputugatupe mo le Lumanai Manuia o Samoa ona o lea ua oo mai i le 2012-2014. Faafetai tele lava mo le tapenaina o lenei Lipoti. O le mea muamua lava lau Afioga i le Taitaifono, ona sa faapea lava au ia o le a tele nisi fautuaga malolosi e aumai, ae aua o le Faalapotopotoga lenei o le Faaputugatupe mo le Lumanai Manuia o Samoa. O i o le faataimuga lea o le atinae o le atunu. E moni lava o lea e faisaofaga uma i ai le aufaigaluega, a o atinae tetele uma lava o lea ua uma ona veloaso i ai le Faalapotopotoga, e tatau lava ona taimua latou i le tele o atinae, ae ou te le i faalogologo atu lava e i ai se fautuaga e agai i le tupe tului lea e nono agai i tua e le Faaputugatupe mo atinae. Aua o le upu moni lava, o lea e nono agai i le tele o isi faletupe, e aofia ai ma le Faletupe o le Atinae, ona toe tuu lea i ai ma le tupe tului a ia foi faletupe, ona o lea e galueaiina o lea e faafaigaluega le tupe, e oo i le taimi e oo mai ai le tupe lea e aumai tua e galueaiina i le atinae, ua matua tele lava le avega lea e amo e le aufaipisinisi, aemaise foi o e o lo o nafa tonu ma le tapenaina o le atinae o le atunu. A oo ina silasila totoa i ai lau Afioga, aemaise foi o lea e faafogafoga mai le Minisita o Tupe, e taua tele, ona e tatau lava ona faataavale ma minoi le tamaoaiga o le atunu, aemaise lava o lenei vaitau, aua e moni lava o isi Faalapotopotoga uma, a o i lea e i ai uma le tamaoaiga. E le mafai ona faatuputupulia isi faaputugatupe lea e i ai ma isi Matagaluega, aemaise foi o isi totino o le Malo po o Faalapotopotoga foi ma pisinisi tumaoti i le tamaoaiga lea e i le NPF. Ou te masalo foi ua afea i se finagalo o le Afioga i le Minisita o Tupe, ae na ona toe soso atu lava ina ia toe silasila totoa pea i ai, ina ia tau tuutuu mai laitiiti i lalo i se auala. Aua a fua i ai e \$25 miliona le tupe lea na aoina mai tupe tului, o le matua tele lava.

**25 MATI 2014**

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

**Ae ina ia mautinoa lelei, ua mafai ona i ai se isi laasaga e vave ai foi ona faataamilo le tamaoaiga lea mo le galueaiina o le tatou atinae, aemaise lava le tele o pisinisi ma a latou fuafuaga mo le lumanai. Faafetai i lau Afioga.**

**FOFOGA FETALAI:** Malo faafetai. Malie le sui usufono mo Faleata Sisifo, sei avatu le avanoa i lea itu o le Maota.

Tulai mai se tasi usufono mo Palota Taitoatasi, Susuga Hon Papaliitele Niko Lee Hang.

**Susuga Hon PAPALIITELE NIKO LEE HANG (Palota Taitoatasi):** E faafetai i lau Afioga i le Fofoga Fetalai mo le avanoa. E fia faamauina foi le agaga faafetai i le Afioga i le Taitaifono aemaise o sui usufono mamalu o le Komiti i le Lipoti ua i lumamea nei. Ona o lea e taua i le fautuaga lau Afioga le numera tolu, le faaaauauina o aoaoga ma tuu atu le avanoa e siitia ai le tomai manaomia o le aufaigaluega, ae lau Afioga i le Fofoga Fetalai, e taua ia te au le avanoa lea o se tagata poto faapitoa e taua o le Actuary tagata lea e mafai ona asiaasia le tulaga o lo o agai i ai Faalapotopotoga faapenei. Ae o le fesili lau Afioga i le Taitaifono, pe na agai se fesili po o se fautuaga i le tulaga lea, ona o ituaiga poto faapitoa e fai lava sina taugata pe a faaaauauina pea le auina mai o Consultant mai fafo e faataunuina lea tulaga, ae taua tele le avanoa lea mo se Faalapotopotoga faapea aemaise foi le Kamupani Insure a le SLAC? Pei o le fesili lea lau Afioga, ma le faaaloalo lava.

**FOFOGA FETALAI:** Malo faafetai. Tulai mai lau Afioga i le sui usufono mo Faleata Sisifo.

**Tofa LEALAILYEPULE RIMONI AIAFI:** Faafetai i lau Afioga i le avanoa, faafetai i le Komiti ona o lenei Lipoti, ae faafetai faapitoa foi i le Matagaluega ma le Afioga i le Minisita o le Matagaluega i le faafoeina o le tatou NPF o le paia ma le mamalu o le atunuu, aua o tatou ua le o toe lavea i le vaega lea aua ua ese tatou scheme.

O fautuaga ia e tuuina mai, ia e momoli le faafetai i le Komiti, ae sa faapea e faamuamua mai e faamamafa i a outou fautuaga le mea lea o le tului, le interest rates, o mea lava ia o lea tatou te laga pea i le tele o tausaga, ina ia fesoasoani i o tatou tagata faigaluega.....e \$2miliona e maua mai i tului o nonogatupe i le tausaga e tasi, e le o se tupe laitiiti lea tipe, o se tupe tele tele.

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

O le pogesi foi lea e pay i o tatou tagata e 7% i le tausaga, ia faafetai, o lea e maua lea e taumafai e Matagaluega e maua. Ae o tului ia e totogi i a tatou nonogatupe, ia e leai se tului i lalo o le 8% pe 10%, o lea tatou te vaavaai i luga i tului, 10%, 12%, 13% e oo i le 14%. E le afaina la pisinisi foi lele aua e....ae o nai tagata taitoatasi o personal loans a nai tagata foi ia aemaise lava i le vaitau lea o le tausaga o lo o talavou le tagata o lo o tele ina faaaoga a latou fanau ma fai mea faale-aiga ma faale-nuu, o le taimi tonu lea e moomia ai le tupe, e tatau la ona fetuunai. I lo ta ita lava tagata, e sili ai le leai o sa ta ponesi e maua pe laitiiti la ta ponesi, ae ia laitiiti le interest le tului la e totogi i la ta loan, o le mea lea e alu pea i vaiaso uma vaiaso uma. Aua o le mea lea e i ai tatou, e amata loa le tausaga e loan loa, amata lava i le pili o le aoga, sosoo atu ai ma le Eseta, alu atu ai ma le...e faasolosolo lava, e oo atu i le Lotu Tamaiti, oo atu i.....e leai se vaitaimi o le tausaga e te le loan ai. Ia o lona uiga, a o i i lava lea tatou te sulu i ai i se fesoasoani. O le fautuaga lea i le Afioaga i le Minisita ma le Matagaluega, sei tagai ifo i vaega nei, aemaise foi nai faipisinisi. Aua a pau la ta tului i lalo, maua le tele o galuega, tupu pisinisi, tele galuega toe tele tagata toe tele foi le aufaisaofaga, ia ma siitia ai pea a latou tupe e maua.

O le Lipoti lea e tuuina mai i i fale ia i Ausetalia ma Niu Sila a le Malo, o lea e faatupe e le NPF, e 30 tausaga ia e ave e pay pay mai ai. A o le toatele o tatou ia e fia fai ni nonogatupe, e le mafai ona maua i se 20 tausaga pe 15 tausaga, aua afai foi ona spread out faapea, ia e laitiiti foi le tupe e totogi. Afai la o lea ua ave i le Malo le 30 tausaga, ia ae mafai e le Malo ona totogi, e tatau foi ona tagai i ni penefiti faapea e fesoasoani i o tatou tagata faipisinisi ma tatou foi lele ia mafai ona tuutuu ia umi le tausaga e pay pay ai ia tulaga faapea. Aua o le mea moni lava i Faletupe uma ia e i totonu o Samoa, na o le NPF lava ma le ACC o le vaega lea e control ina uma Banks nei i tupe ia i totonu. O lona uiga, e tele foi le latou pool i mea o interest rates o tului foi lele i investment, e fuafua i le vaega lea. O lona uiga, a fai foi la ni a latou faiga faavae fuafua ina ia penefiti ma spread atu le....ma avatu le....ina ia faasoal e avega foi ma le tamaoaiga i le lautele o le atunu aemaise o le aufaigaluega, e faigofie foi pe a tuu i le aotelega. O lea ua faatu e le Malo le mea foi lele le UTOS, pau la lea o le vaega o lea ou te tilotilo o lea ua sau ai i lalo le tului, ae le o mafai ona agavaa mo tatou nei e faigaluega, a o le au SOEs a le Malo ma nisi, ae maimau pe ana mafai ona oo mai i tagata faigaluega, ae mafai e le NPF ona o se faamama avega mo tatou. O la foi e fai le galuega a le NPF ina ia lelei ma tutupu pea a latou tupe maua ma faasoal mai i ponesi nei, a o lau lava tatalo, a mafai ona tuutuu i lalo ia tului aemaise lava i personal loans a nai tagata.

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

Ia o se faamama avega sili lea mo o tatou tagata lautele, aemaise foi se faamama avega i le aufaipisinisi, ina ia tumau pea le taumafaiga o a latou pisinisi aua galuega e maua ia ma tutupu ai foi a latou tagata fai lafoga. Ma le faaaloalo lava faafetai.

**FOFOGA FETALAI:** Malo faafetai. Tulai maia, o le a avatu le avanoa mulimuli le sui usufono mo Falelata ma Samatau. Tulai mai le sui usufono.

**Afioga TAEFU LEMI (Falelatai ma Samatau):** Malo faafetai i lau Afioga i le Fofoga Fetalai, e momoli atu foi le faafetai i le Taitaifono ma le Komiti o le Soifua Maloloina e tusa ai foi o le Lipoti a le Soifua Maloloina o le tatou NPF.

Lau Afioga i le Fofoga Fetalai, e manaia ia nai manatu ia ua saunoa i ai isi sui usufono a o le agaga foi lea e tasi, ua ttau e nisi ia le interest lea i luga o loans, a o lau lava tatalo, le interest i luga o le loan a le tagata faisaofaga i luga o lana saofaga, e tatau lava ona i ai sina faamama avega laitiiti, tuu ia ia investment foi nei aua o lea e fai le loan lapoa e fai ai le fale ma fanua ma tulaga faapena. Ou te iloa foi lava o le tatou NPF, e le faailoga lanu i le tagata o lo o faisaofaga ma le tagata o la e le o faisaofaga ae alu atu e saili loan i o i le NPF, ia ona ave lava lea i ai e tutusa lelei lava le aiatatau a le aufaifaofaga ma le tagata faipisinisi e loan mai ai i le NPF. Ua malosi tele tatou i le saili seleni, ae o lea ua tatou vaai atu nei, ua tele lava lenei tupe maua a le NPF e maua mai i a tatou tului. A o le tatalo lava ia a le tagata faisaofaga, e leai sina faamama avega laitiiti i interests mo le faisaofaga, pe a loan mai i luga lava o lana ia seleni lena e i totonu o le NPF? Pei o lau mataupu muamua lea lau Afioga.

Ae o le lua o mataupu mulimuli foi e fia talanoa ai, e fesili atu lava i le Taitaifono ma le Komiti, aua o i lea e i ai le tatou Scheme foi lenei a le Palemene, o lea e i le vaega lea i le NPF, i fuafuaga vaai mamao la fuafuaga faataatitia a le Faalapotopotoga, po o i ai sina mea o afea ai le tatou vaega? E manatua foi o le tupe lea Penisone a le Palemene, e ese le vaega sa i ai, Betham and Company, ia o si na vaega, na o le tuu sao lava i le faletupe fix deposit ai, o le pasene lava e maua o le pasene foi lena tatou te maua. O i i le vaega lea is an investment portfolio, e saili tupe, pei ona tatou maitau i interest ia lea ua faailoa mai. O le tatalo la, e leai lava sina vaega mo le Palemene ma lana Penisone e fesoasoani i nai toeaiina tatou investment portfolio, e tatau foi ona autilotilo i le lumanai manuia. E le o se fault o tatou le na o le toa 49 ma laitiiti a tatou saofaga.

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

A o le silasila lautele a le Faalapotopotoga, e tatau ona maua ai sina manuia a ia foi faisaofaga, e ui lava e ese foi si a latou vaega. Ia o le tatalo lea lau Afioga i le Fofoga Fatalai.

**FOFOGA FETALAI:** Malo faafetai i le saunoaga a le sui usufono mamalu. Ia tulai mai lau Afioga i le Taitaifono e talifuaitau i nisi o finagalo.

**Afioga Hon GATOLOAIFAANA AMATAGA ALESANA GIDLOW:** Faafetai tele lava lau Afioga i le Fofoga Fatalai, ou te faafetai atu lava i sui usufono mamalu mo mataupu laga. E taua tele ma ou te lagona foi o lo o faafogafoga aemaise lava le Afioga i le Minisita, e faapea foi le Matagaluega i concerns po o nisi foi o finagalo faaalia. Ae o lau faalogologo atu lava lau Afioga i le Fofoga Fatalai, e tele mai lava i le tulaga lea o tului ina ia faaitiitia tului o nonogatupe mo le aufaisaofaga, e le gata i lea, ina ia siitia tului i luga o tupe e teu a le aufaisaofaga.

Lau Afioga i le Fofoga Fatalai, po o so o se pisinisi lava e ao lava ona lava seleni e faataavale ina ia maintain ma ia aua ne i i ai i se taimi ua oo mai faapea ua gau le pisinisi po o ua le lelei le faafoeina. Ou te lagona o mea uma lava na o lo o mataitu e le tatou Faalapotopotoga, ina ia aua ne i alu alu tu mai ua le \$25miliona e faaopoopo ae ua \$25miliona ua tuuese. E le o faigofie foi la le agaga mataitu o lo o i ai i le tatou Pulega ma le latou galuega, ou te lagona foi lava o se Faalapotopotoga lea o lo o lelei le faafoeina ma le tagatagai i auala eseese aemaise a tatou investment i fafo ina ia tele mai se seleni e maua mai, ia o mea la e le faaiu ai o se galuega, e toe foi mai lava i le aufaisaofaga aemaise o tatou tagata taitoatas.

Faafetai tele lava mo le fautuaga pei ona saunoa foi i ai se tasi o sui usufono mamalu mo Palota Taitoatas, Susuga Hon Papaliitele Niko Lee Hang, ia o le a faapea foi ona note ina aua se fautuaga e toe tuuina atu i le Faalapotopotoga.

O le isi faafesili mai lea lau Afioga i le tulaga lea o Penisione o le Palemene, ou te faamalulu atu lava i le sui usufono mamalu mo Falelatai ma Samatau, ia e le o le Komiti lenei latou te iloiloina le Penisione lea a le Palemene, e ese le Komiti latou te iloiloina.

Ae ou te lagona o mea uma na na lagaina mai e sui usufono mamalu lau Afioga.

**FOFOGA FETALAI:** Ia e i ai se isi mataupu le sui usufono mo Faleata Sisifo?

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

**Tofa LEALAILEPULE RIMONI AIAFI:** Lau Afioga i le Fofoga Fetralai, faafetai i lau Afioga i le Taitaifono, o lou lava manatu e le pei o finagalo o nai isi sui usufono, o lou manatu, aua o le tali a le Matagaluega, e ala ona faatetele ia tului interest, ina ia meet pea le...i le ponesi lea e pay mai ia tatou i tausaga taitasi. O lea na fai atu o lou lava manatu, e le mafai ona alu i luga le ponesi pe a alu i lalo le tului. O lona uiga la, a faapea e alu i lalo le tului, o le tele lena o le faamama avega, o la foi ua justify le pau i lalo o le ponesi e le toatele o tagata foi lea i lou talitonuga. Ae o lea ua tatou vaavaai i le faamama avega lea ua fai nei e le Malo i atinae, o lea lava e mafai ona tuu i lalo tului i lalo o le 3% pe a oo ina loto ina ia toe atinae Samoa. Ae o lona uiga, ou te le o fai atu la e tuu tele i lalo i le 3%, ae leai se mea e mafai, e mafai lava ona tuu i lalo, e le faapea foi o nonogatupe uma, o nonogatupe lava lea e patino i ai lou talanoa atu mo small loans a nai tagata foi ia lea e moomia e fai pea fai pea le au vaivai, a o le au malolosi ia, o la e tele avanoa i isi faletupe. A o le aufaisaofaga lava, o le autu o le teugatupe, ia manuia le aufaisaofaga. A tatou tilotilo i ai mo tagata lautele nei, o le fautuaga lena ma le faaaloalo lava.

**FOFOGA FETALAI:** Malo faafetai. O le a tali le Minisita leaga o lea na maua faapea e manino ma malamalama le folasaga a le Taitaifono. Tuu atu le avanoa lau Afioga i le Minisita o Tupe.

**Afioga Hon FAUMUINA TIATIA FAAOLATANE LIUGA (Minisita o Tupe):** Lau Afioga i le Fofoga Fetralai, e muamua ona ou faafetai atu i le Taitaifono ma le Komiti sa latou lauliliuina lenei Lipoti, ma o lenei Lipoti o se Lipoti taua foi mo galuega fai, aemaise o sini na ausia i lea foi Lipoti. Pei o le mea lea e atugalu i ai sui usufono, o tului i luga o faaunegatupe. E eseese uma levels o tului i luga o faaunegatupe e fua i le aufaisaofaga ma i latou o lo o faia ia aitalafu, ia e oo foi ia i latou e le o ni aufaisaofaga po o pisinisi tumaoti.

Lau Afioga i le Fofoga Fetralai, afaia lava o ni aitalafu mo faalavelave faale-aiga, e faapena foi ona i ai le tului po o le 10% ia po o le 11% po o lalo ifo. O lea foi sa taua e nisi o sui usufono le tulaga i mea o ponesi po o dividends.

I le tausaga lea na tea nei, e 1% na faaopoopo i le 7% masani ona maua ai lea o le dividends a le NPF mo le aufaisaofaga. O le aufaisaofaga a le NPF i le taimi lenei, e 29,000 le aufaisaofaga, afaia la e toaono pe toafitu tagata o le aiga o le aufaisaofaga, o lea tatou te talanoa i le 200,000 tagata e afaina i le vaega o tupe nei e faamanuiaina ai le tatou atunu. Na saunoa foi i le tulaga lava lea, e le tasi se Faalapotopotoga tatou te vaai i ai.

**P.P.2012/2013 Nu.90, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.33, Faamatalaga o Sini Autu a le  
Faaputugatupe mo le Lumanai Manuia o Tagata mo  
Tausaga 2012-2014 - Iloiloga**

A tatou vaavaai loa i le tulaga faa-maketi, e tatau ona develop le maketi ia toatele tagata e tauva ai, lea na taua le Faletupe o Atinae, lea na taua le UTOS, lea na taua le Faletupe o Fefaaatauaiga. O lou taua o le maketi, e omai ai i lalo tului i lalo ae o i luga tului o tupe teu. E le mafai e se Faalapotopotoga tau tupe ona pull down pe uunai, sei vagana ua toatele tagata tauva, ma o le mafuaaga lena o lea e galulue ai. O lea ua faataatia foi le re-profile ina o le Development Bank ina ia mafai ai ona fesoasoani i pisinisi tumaoti, ina ia tuu mai ai i lalo tului ma toso mai ai foi ma isi i lalo. E otometi lava le o i lalo o mea ia pe a e set ina le benchmark e tauva ai. Ma o le tulaga foi lena o lea e i ai.

Na saunoa le Afioga i se tasi o sui usufono mo le Au Palota Taitoatasi, Susuga Hon Papaliitele Niko Lee Hang, actuary, e matua sao lelei. Ma o le faamoemoe foi lena o le NPF ina ia aoao se tagata o tatou lava tagata ina ia mafai ona tauaveina le poto faapitoa lea. E faigata e le faigofie, ma e taugata a o lea ua agia i ai le Faalapotopotoga ina ia mafai e so tatou lava tagata ona faia le galuega lea e aunoa ma le toe faalagolago i tagata mai fafo.

Na laga foi ou te iloa ua kava uma atu i i, o lea sa i ai le mea lea sa taua e le sui usufono mo Falelatai ma Samatau. Ou te iloa mo le faafofogaaga a le tatou Palemene, ua uma ona faamaonia e le Kapaneta le fautuaga a le Board a le NPF lea e vaia le tatou penisione, e 5% le dividend lea ua tuu i totonu o le tou savings, mai le Aso 1 Iulai 2013. O lea o le a atoa le tausaga. Afai lava la e finagalo le sui usufono ia e alu e tala mai si ana mea lena, e mafai ona tala. E faataga e le Tulafono o le Penisione a le Palemene ona e aumaia au tupe ia i fafo e aunoa ma le taofiofi. Ma e pei o se agaga fiafia foi lena, o lea ua tuuina a tatou tupe foi nei tailua terms ona tatou entitle lea i totonu o le UTOS. O i la lea e maua ai le tatou 6% e faaopoopo i a tatou tupe maua, leaga sa maualalo le mea sa teu ai i isi faletupe, a o lea ua tuu i le UTOS, e le gata ina faamalumalu e le Malo, ae 6% si a tatou mea e maua ai. Ma lou faaaloalo lava.

**FOFOGA FETALAI:** Malo.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga ma tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

25 MATI 2014

P.P.2012/2013 NU.94, LIPOTI A LE KOMITI O LE SOIFUA  
 MALOLOINA, GALUEGA TAU LE VA FEALOAI, MATAUPU TAU  
 LOTOIFALE MA ATINAE O AFIOAGA MA AGAFESOOTAI I LE

P.P.2011/2012 NU.66, LIPOTI O LE FAAFOEGA MA  
 FAAMATALAGA TAU TUPE A LE FAAPUTUGATUPE MO  
 FAAMANUIAGA A TAGATANUU MATUTUA O SAMOA 2010/2011  
 MA LE P.P.2012/2013 NU.59, FAAMATALAGA O GALUEGA MA  
 TALA O LE TUPE A LE FAAPUTUGATUPE O FAAMANUIAGA MO  
 TAGATANUU MATUTUA O SAMOA 2011/2012 - ILOILOGA

**Afioga Hon GATOLOAIFAANA AMATAGA ALESANA GIDLOW:**  
 Lau Afioga i le Fofoga Fatalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA MA IUGAFONO.*

Faafetai lava.

*Faaluaina e le Sui Fofoga Fatalai, se tasi o sui usufono mo le Au Palota Taitoatasi, Susuga Hon Papaliitele Niko Lee Hang ma le sui usufono mo Sagga le Usoga.*

**FOFOGA FETALAI:** Tulai mai lau Afioga i le Taitaifono.

**Afioga Hon GATOLOAIFAANA AMATAGA ALESANA GIDLOW:**  
 Lau Afioga i le Fofoga Fatalai;-

**“FAUTUAGA:**

I le maea ai o ana iloiloga, e fautuaina e le Komiti le Malo ina ia:-

1. Fautuaina le Faaputugatupe ina ia faaauauina pea ona mataitu taiala ma mulimilitaia ina ia siitia ai pea auaunaga.
2. Ina ia galalue faatasi le Faaputugatupe ma isi Matagaluega a le Malo i le aoina mai o faamatalaga moomia e foia ai le tala faasolitulafono o saofaga a i latou ua maliliu ma malaga atu i atunu i fafo e nofomau ai.

**IUGAFONO:**

I le maea ai o iloiloga a le Komiti na faaiugafonoina ai e fautuaina le Fono Aoao:-

Ina ia taliaina le P.P.2011/2012 Nu.66, Lipoti o le Faafotega ma Faamatalaga tau Tupe a le Faaputugatupe mo Faamanuiaga a Tagatanuu Matutua o Samoa 2010/2011 ma le P.P.2012/2013 Nu.59, Faamatalaga o Galuega ma Tala o le Tupe a le Faaputugatupe o Faamanuiaga mo Tagatanuu Matutua o Samoa 2011/2012.”

**25 MATI 2014**

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafoga ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

**Ma le faaaloalo lava lau Afioga i le Fofoga Fatalai.**

**FOFOGA FETALAI:** Malo saunoa i lau Afioga i le Taitaifono, e manatu foi ua malamalama le Maota o lea e taufai tofu Lipoti uma i lenei taeao.

Ia, o le a avatu pea le avanoa lau Afioga i le sui usufono mo Faasaleleaga Nu.2.

**Susuga PAPALII LIO FAAVAIAVOMANU TAEU MASIPAU:** Lau Afioga i le Fofoga Fatalai, e leai o le agaga lava ia e fia fai foi se manatu ona o le taua foi o le Lipoti ma le galuega foi sa lauiliuina e le Afioga i le Taitaifono faapea foi le latou Komiti. E taua foi le mea lea ua maua i a latou sailiiliga, o le mea lava lea o fesootaiga faaneionapo o le vaega lea o penisione ma isi Matagaluega a le Malo, aemaise lava uiga ia faasolitulafono pei ona taua mai e le Taitaifono ua le maua ai e ua.... vaeatu foi lava le faafogoga mai a le atunu, e ua maliliu po o e ua malaga i fafo. E mafua mai ona o le le lelei o fesootaiga faaneionapo. Ae pei lava ona saunoa le Afioga i le Minisita, e tele tupe a le faaputugatupe lea e maua, e tatau ona aua le manatu mama i le tulaga lea, e tatau lava ona lava tapena le faaputugatupe ma ave foi le faamuamua ina ia lelei fesootaiga ia tau laveai mai a tatou seleni. E talitonu lava o le agaga lena o lea e taumafai atu, faafetai lava i sailiiliga a le Taitaifono ma le Komiti, leaga e tatau lava ona ave le faamuamua i fesootaiga faaneionapo ina ia laitiiti foi galuega faatino ma galuega foi nei, aua le sailiiliga o tupe alu. A o le isi foi pito e silasila i ai, manatua foi o le tele lava o le aumatutua foi e tuumalo ma maliliu, e tele lava ina le silafia e Matagaluega, po o le a se auala e silasila i ai pe ave ni laptop a pulenuu i tua e fesoottai mai ai i uiga foi nei faaneionapo aua o le mea tonu lava e tele ina maua ifo ua fai si pasi atu, ae pei o le agaga lena, o le taua o fesootaiga. ina ia tuuititia ai galuega, aemaise foi o tupe alu, leaga o lea ua fautua mai, e pei o ni uiga faasolitulafono, ae leai e le o ni uiga faasolitulafono, o le faatamala o le tatou faaputugatupe ma auala faaneionapo e tatau ona faatino ina ia laveai mai ai tulaga o mea faapea. A o le agaga lena, e tatau lava ona i ai ni a tatou fesootaiga vave.

O le isi itu, leaga o lea lava e faafogoga mai le aumatutua e masani ona talosaga mai ia te au i lou nei sui usufono i le mea foi lele a malaga loa i fafo ua motusia, a o la e malaga pe na o le tolu lava masina e malaga ai nai toeaiina ma nai olomatutua toe omai, ae omai ua faapena ona tipi.

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

O le fesili, pe a foi mai la, mo se faataitaiga o le tolu masina, pe foi mai la toe maua? E pei o atunu i fafo, a omai lava Niu Sila ma Ausetalia i inei e tiga ona o ese ma Niu Sila ma Ausetalia, a o la e maua lava a latou faamanuiaga. Po o le a se silasila a lau Afioga i le Minisita ma le tatou Faaputugatupe i lea tulaga i nai o tatou tagata. E le afaina tagata foi nei ua o nofomau, a o nai matua foi nei e o e asiasi i nai fanau i o ma toe foi mai, o le uiga tonu lena o le faafesili. O lea foi e faafofoga ma ii latou e masani ona fesili mai, ina ia maua ai se fesili mo i latou. Ma le faaaloalo.

**FOFOGA FETALAI:** Ia, o le a avatu le avanoa mulimuli i le Afioga i le Tuiatua Faanofono ma le sui usufono mo Aana Alofi Nu.3, ona tali ai lea o le Afioga i le Taitaifono.

Tulai mai le sui usufono mo Aleipata Itupa i Lalo.

**Afioga TAFUA MALUELUE TAFUA:** Lau Afioga i le Fofoga Fetalai, e puupuu lava si au mataupu ma le faaaloalo. Faafetai lava i le Taitaifono o le Komiti, e ese le taua o le mataupu lea sa saunoa i ai le sui usufono mo Faasaleleaga Nu.2, ma ou te matua lagolagoina malosi le tulaga lea. Na o le lua lava mataupu e pei ona ou taua lau Afioga i le Fofoga Fetalai, muamua, o le vaega foi lea e malaga i fafo a o lea e maua le latou penisione. Out e masalo ua leva ona alagatatau ona fesootai le Matagaluega o le Immigration faapena ma le vaega lea e talaina le tatou penisione e pei o atunu i fafo, e te malaga loa e fesootai uma lava Matagaluega nei. Ua leva ona computerize tatou Matagaluega, ae lagona lava le faanoanoa o lea e lei i ai se fesootaiga i mataupu ia. O le faatusa a faapea e malaga le penisione i fafo, o lona uiga e malaga loa trigger loa i le taimi o la e kiliki ai lona passport i le malae vaalele, logo e le vaega lena le vaega lea e aafia i le penisione, ae le gata i lena o le Matagaluega o lo o latou talaina le penisione.

O le isi mataupu lau Afioga, ua tatau ona silasila totola le Komiti ma le Matagaluega lea e feagai ma le penisione, ua tatau ona faataga le tagata e alu e tafao up to six months, e pei foi o isi atunu e pei o Niu Sila ma Ausetalia pe a malaga mai le tagata penisione i inei, o lo o faataga lava ona koleti ma maua le penisione a nai tagata a o lae malaga i fafo e tafafao. E foi mai, o lae i ai se seleni e tua i ai lona aiga.

O lona lua, o le mataupu lea na saunoa i ai le sui usufono mo Faasaleleaga Nu.2 i le penisione ae malii, e tatau foi ona faataga pe tasi le masina e grace, one month grace mo le tagata ua malii. O lona uiga o le responsibility ua tatau ona uunai agai i le pulenuu, so o se malii lava i lona nuu po o lea itumalo.

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

O le responsibility lea a le pulenuu o le lipoti mai i le Matagaluega a le NPF lea e maua ai le penisione, ona faamau loa lea e latou. Ae ana faapea la pei ona saunoa le sui usufono mo Faasaleleaga Nu.2 e i ai ni computer a pulenuu, ia na ona oomi lava o le button trigger loa lea e le Matagaluega.

O le isi mea, e tatau foi ona i ai ni a tatou faasilasilaga po o ni faailoilo e ave i fale maliu, po o ai lava maliu e aumai o penisione, ia fesoasoani latou e resitala le maliu ma logo e latou le Matagaluega lea e tala mai ai le penisione a latou, ae faataga le masina e tasi po o le grace period lena e faamuta ai le penisione a le tagata matua. Ma le faaaloalo lau Afioga i le Fofoga Fatalai.

**FOFOGA FATALAI:** Malo. Ia, tulai mai le sui usufono mo Aana Alofi Nu.3.

**Afioga TOEOLLESULUSULU CEDRIC POSE SALESA SCHUSTER:** Faafetai i lau Afioga i le Fofoga Fatalai. E tulai atu e faamauina le lagolagoina o manatu sa faaalia e nisi o sui usufono i tagata matutua. E faaopoopo atu ail au Afioga ona e maitauina foi ma faailoa mai e nisi o le au penisione i totolu o le masina. A alu e tasi pe lua aso e alu a ii fafo ae toe foi mai ua misi atoa le penisione o le masina. E avatu ai foi le fautuaga ina ia mafai ona tagatagai i ai, aemaise lava i latou o lo o o e le gata o faalavelave a o tuatuagia foi faaleaiga, ae mafai pea ona maua le avanoa mo i latou e maua a latou penisione. Faafetai.

**FOFOGA FATALAI:** Ia saunoa ia le sui usufono mo Faleata Sisifo.

**Tofa LEALAILEPULE RIMONI AIAFI:** Faafetai mo le avanoa i lau Afioga i le Fofoga Fatalai. E taua tele le mataupu lea lau Afioga, leaga ana le tupu foi ia te au ou te le iloa i se tasi o tina o le matou aiga. E foi mai, e lua masina o faatalitali si tina e le o maua sana tupe. Ona ma o loa lea asi ae fai mai o lea sa malaga. O le mea la lea e tupu, o la e maua records a le vaega i le taimi e alu ese ai le tagata aua o la e aumai le malae vaalele. Sa ou fai atu loa lea i ai, afai e i ai ni tou records e record ai le taimi e o ese ai tagata, e tatau foi la ona outou record le taimi e toe foi mai ai tagata, ia otometi le alu o payments aua o nai isi tagata nei e le o malamalamo i a outou Tulafono, aemaise lava o tagata matutua. O le isi mea lea e tupu ne ii Ausetalia ma Niu Sila, e i ai latou tagata ia e omai i inei, sa tolu masina, a o lea ua ono masina e mafai ai ona o ese mai Ausetalia, ae maua lava.

**P.P.2012/2013 Nu.94, Lipoti a le Komiti o le Soifua Maloloina, Galuega**  
**Tau le Va Fealoai, Mataupu Tau Lotoifale ma Atinae o Afioaga ma**  
**Agafesootai i le P.P.2011/2012 Nu.66, Lipoti a le Faafaoega ma**  
**Faamatalaga Tau Tupe a le Faaputugatupe mo Faamanuiaga a**  
**Tagatanuu Matutua o Samoa 2010/2011 ma le P.P.2012/2013 Nu.59,**  
**Faamatalaga o Galuega ma Tala o le Tupe a le Faaputugatupe o**  
**Faamanuiaga mo Tagatanuu Matutua o Samoa 2011/2012 - Iloiloga**

A o le mea lea e i ai tatou lau Afioga i le Minisita ma le Matagaluega, o nai tagata matutua, ua tatau ona tilotilo i se piriota faapena e o ai tagata e tafafao, aua a o foi nai tagata matutua e le o toe o umi, ae o e tafafao pe lua masina pe tai masina, a ia maua pea a latou tupe. E leai se tupe tele e alu ai, pe taitolu masina e o ai toe omai, sei outou vaai i le tou manuia, e saga faamanuia ia te outou, ae sili ai le matou manuia lea e taumafai atu i le mea e tatau ona fai, aua o mea nei, e matuai taua tele le vaai a nai tagata matutua i tupe nei. E le gata ina ua tatau ona sii le latou ponesi i se siitaga aloaia ma le tele, ae ave i ai faamanuiaga nei i le taimi e malaga ai nai tagata i fafo.

O le isi vaega lau Afioga toe tasi lava, o le taimi lea e atoa ai, aua e tele foi lavelave e fai ma tulaga faapena, sei tau fesoasoani i nai tagata ma a latou mea e fai, aemaise o faiga sa fai ai muamua sei tatou tagatagai i ai. Ma le faaaloalo lava faafetai.

**FOFOGA FETALAI:** O le avanoa mulimuli lenei mo le sui usufono mo Falelatai ma Samatau - tulai mai.

**Afioga TAEFU LEMI (Falelatai ma Samatau):** Faafetai i lau Afioga i le Fofoga Fetalai, faafetai o lea ua tatou oo i le isi Lipoti lea a le Komiti ma o se matafaioi foi o lo o gafa ma le Faalapotopotoga lea faatoa uma nei ona talanoa po o le NPF.

Lau Afioga i le Fofoga Fetalai ona pau lava le itu na ou manatu ai e fia fai atu le faamatalaga lea na fai atu muamua i le penisione lea a le Palemene, leaga o le NPF a tatou uma, tatou te le o talanoa i se Lipoti faaletausaga, a o lea tatou te talanoa i corporate objective a le organisation. O lona uiga e broad le mea lena. E tatau foi ona i ai se mea i le penisione a tagata matutua ma se vaega i le penisione a le Palemene. Anyway, o lea o le a fai atu se manatu lau Afioga i le Fofoga Fetalai i le mafuaaga na manaomia ai se avanoa.

O le mea ou te faafetai ai ona o le Komiti lava lea e gafa ma le vaega foi lea o Tina ma Tamaitai, Atinae o Nuu ma Afioaga ma Agafesootai aua tasi lea itutino lau Afioga i le Fofoga Fetalai o le aufaigaluega a le Malo e le o iloga lava ona faaaoga lelei, o Pulenuu. O le loomatua ma le toeaina ua valaau i ai le Atua e tatau lava ona mafai ona confirm e Sui o le Malo po o Pulenuu foi e pei ona masani ai, ona galulue ai loa lea o tatou. Ona pau lava lea o le vaivaiga e le i iloga lava ona malosi a tatou, o le fesootaiga po o le network mai le isi Matagaluega i le isi Matagaluega po o le isi Faalapotopotoga i le isi Faalapotopotoga.

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

E pei o le uiga lea o le talosaga lau Afioga i le Fofoga Fatalai ina ia uunaia ma faaleleia le communication ma network a le aufaigaluega, aemaise foi o le faigofie ona iloa ua maliu se isi.

O le manatu lona lua faamolemole, o le totogiina lea o le penisione a nai tagata matutua e \$5 e tipi e le tele o faletupe o lo o totogi ai, a o le talosaga se i toe silasila i ai aua e le o se tupe tele o lo o maua e nai toeaiina ma nai loomatutua. A aveese foi lena tupe mai le faletupe, e pei lava ua tele se vaega ua toese, a o le tatalo e lelei pe a toe silasila i ai i lea vaega o le auaunaga ina ia maua e le toeaina ma le loomatua si tamai mea lava lea tatou te tuuina atu aua foi lo latou soifua i lea aso ma lea aso.

**FOFOGA FATALAI:** Tulai mai lau Afioga i le.....

**Afioga Hon Palusalue Faapo II:** Lau Afioga i le Fofoga Fatalai, sa ou matauina lava ma le totoa pe laga e le sui usufono lea faatoa maea atu nei le mataupu lea.....

**FOFOGA FATALAI:** Ua e faafogofa mai o lea ua fai lau faaiuga o le avanoa mulimuli lea, po o ua faaosofia lou fia lauga i saunoaga a sui usufono lea ua e toe tulai mai ai?

**Afioga Hon Palusalue Faapo II:** E leai, ana taua i se sui usufono, ou te le toe tulai.

**FOFOGA FATALAI:** Ia fai pea lau faataua aua o lea ua maua ou finagalo i manatu o sui usufono, a o le a avatu pea le avanoa ona e faaaloalo atu.

**Afioga Hon PALUSALUE FAAPO II:** Faafetai lava ae malie foi lau Afioga i le Fofoga Fatalai pe afai ua ou le usitai e tusa ai ma lau faatonuga.

O le mea foi e faamamafa i saunoaga a sui usufono, o le silasila totoa i nai o tatou tagata matutua aua o le faa-Samoa lava lea, ia ave le faamuamua i o tatou tagata matutua. O lea ua saunoa nisi i le penisione a nai tagata matutua aemaise le latou siitaga lea na fai mulimuli nei, o le matua faanoanoa o lou nei sui usufono. O le upu moni lau Afioga i le Fofoga Fatalai a tulai mai le Tautua e faaluaina ma e tailua vaiaso ma maua. O la e faafogafoga mai le aufai penisione po o tagata matutua.

O le isi mea lau Afioga i le Fofoga Fatalai.....

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

**FOFOGA FETALAI:** Silasila foi o lea sei fai atu lau tala lea. O le mea tonu lava lea na ou popole ai e tuu atu le avanoa i lau Afioga i le Taitai o le Itu Agai. Se o le a tatou le tulituliaupu i lou finagalo e tusa ma lou manatu faaalia. A tatou o nei e tulituliaupu folasaga nei ua maumau i le Maota, ona ou manatu lea e alofa atu. E le mafai ona tatou toe foi i tua i le mea ua uma ona pasia. O lea foi ua e toe oo i le tulaga i le siitaga. E mafai ona faamalamalama e le Malo le tulaga lea i le siitaga, a o lea foi o le a e manao e toe toso foi i tua. Ua uma ona faamalamalama ma faamalulu i le atunuu e le uma le fai aso o le Alii. O se mea ua maua i lea vaitaimi, tatou te alo i le faasoaa, le faasoaa tatau, le faasoaa lelei ma le faasoaa talafeagai. O lea foi o le a e toe tulai mai e eliei lea mea ae e le o le mea lena o lea e fautua ai le Komiti.

Malie le Taitai o le Itu Agai, o lea foi o le a momono mai ai i totonu ma lau tautinoga pe a e tulai mai. E mafai ona e faia lea mea? O le agaga lea na fai atu ai e tuusao.

**Afioga Hon PALUSALUE FAAPO II:** E mafai, e mafai pe a ou taitaia le Malo. E leai se faigata o lena mea.

**FOFOGA FETALAI:** O lea ou te fai atu tatou o i tautinoga. E lele lava le faalele a o lea e matau tagata. E le toe olegia le atunuu, a o le agaga ma le faamoemoe, ia tuusao lau fautuaga o lea ua manino fautuaga a le Komiti, ae aua ne i tatou toe afea nisi mea e agai ai ina tatou toe faasolo i tua e toe talanoa le tulaga ua uma ona tatou asaina.

O lea ua fautua le Komiti, silasila foi, silasila totoa le Malo i fautuaga ia e lua. E lua lava atugaluga ia na tuu mai. Ia fai le mea lelei mo tagata matutua ma le fautuaga i mea ia e tulai mai. O le Lipoti lea ua fa i le lima tausaga talu ona maea, ae toe tulai mai le isi Lipoti lea ua mulimuli mai o le tele ia o suiga ua uma ona fai. E le mafai ona tatou feosofai faapea aua o lona uiga e tulai mai ai ua tatou alo i luma ma alo i tua, ae agai mai le saunoaga o lea na ou avatua le avanoa e le faapea o se isi tulaga, ae malie fesoasoani mai i le tatou galuega.

**Afioga Hon PALUSALUE FAAPO II:** E leai e le o se toe oo i tua, o le faamanatu leaga o la e oi lo tatou atunuu.

O le isi mea lau Afioga i le Fofoga Fetalai o lea o le a ou me'i ese. O pili ia e tipi mai i penisione a nai tagata. Pe \$2, \$3 pe \$1 ua le atoa lava le tupe lea na fai e fesoasoani ai i nai tagata. O lea e tatalo atu ai i le Malo ina ia fai se fuafuaga, leaga e oo mai tama ma tina matutua e o atu e tala mai a latou tupe ua avaeese le tai \$2 ma le tai \$1 i isi faletupe.

**P.P.2012/2013 Nu.94, Lipoti a le Komiti o le Soifua Maloloina, Galuega**

**Tau le Va Fealoai, Mataupu Tau Lotoifale ma Atinae o Afioaga ma**

**Agafesootai i le P.P.2011/2012 Nu.66, Lipoti a le Faafaoega ma**

**Faamatalaga Tau Tupe a le Faaputugatupe mo Faamanuiaga a**

**Tagatanuu Matutua o Samoa 2010/2011 ma le P.P.2012/2013 Nu.59,**

**Faamatalaga o Galuega ma Tala o le Tupe a le Faaputugatupe o**

**Faamanuiaga mo Tagatanuu Matutua o Samoa 2011/2012 - Iloiloga**

E i ai lou talitonuga e tatau ona tauave e le Malo pili ia aua e le o ni pili tetele, ae ia faamalie. A malie le tagata matua, ou te fai atu pe laitiiti le siitaga pe na o le \$5, e malie lava. Ona pau lava lea o le mea a silasila loa le tagata matua ua tipi le \$2, e tainane lava na o le \$2 ae lagona lava le faanoanoa. O le a le aoga o le \$5 na sii ai nei ae tipi le \$2?

E pei o le mea lena leaga ou te le i faalogo atu lava i se sui usufono i le tulaga lea, ae ou te tatalo atu i le Malo ina ia silasila i ai ia tauave e le Malo le pili lea. E le tele se pili na o le tai \$2, \$1 pe tai \$3 ae ia maua uma lea seleni na outou siitia nei na o le \$5. E pei o le mea lea na ou tulai atu ai nei lau Afioaga i le Fofoga Fatalai.

**FOFOGA FATALAI:** O lea ua maua atu lou finagalo le Taitai o le Itu Agai. O lenei lava ou te tuu atu le avanoa. O le mataupu foi lea ua uma ona laga i le isi a tatou fono. E eseese uma lava faletupe o lea e agai i ai tupe nei a tagata matutua ma o lo o i ai faletupe e leai ni a latou charge i tupe nei. Ua uma foi ona tatou tautalagia aua o lea ou te faamaumauina uma a tatou fono mai le tausaga le la ma le tausaga i ona tua atu, ua uma ona tatou tautalagia atugaluga ia, sei vagana e filifili le tagata penisione i le faletupe e agai i ai lana tupe, a o lo o i ai faletupe o lo o ofo fua le latou service.

O le agaga lea ou te avatua ia aua ne i tatou asa le ogasami ua uma ona asa. O lea ou te faamauina o au lea ou te faasoasoatua le tatou fono, ua matua maea lelei ona faamalamalama le mataupu lenei. E filifili le tagata o lo o maua lana penisione i le ituaiga avanoa e avatu ai lana tupe, a o la e talia. E fai fua la service a bank? O lo outou finagalo lena? Aua tatou te faamamafaina le mea mama, ou te iloa o la e silafia e i latou o lo o faafoeina penisione nei mo tagata matutua.

O le a avatua le avanoa i le fesoasoani a le Minisita o Tupe.

**Afioga Hon PALUSALUE FAAPO II:** Toe tasi lava sau tala.

**FOFOGA FATALAI:** Ina faauma maia o lea lava ou te apoapoai atu a o lena lava e te.....

**Afioga Hon PALUSALUE FAAPO II:** Leaga o lea ua e saunoa e aua le toe asa i tua saunoaga. Se ou te faanoanoa tele i lea mea. O le a le toe asa i tua o le Lipoti lea e tasi? Afai ua tatou asa e faamanatu pea e le Itu Agai le tulaga o i ai.

**P.P.2012/2013 Nu.94, Lipoti a le Komiti o le Soifua Maloloina, Galuega**  
**Tau le Va Fealoai, Mataupu Tau Lotoifale ma Atinae o Afioaga ma**  
**Agafesootai i le P.P.2011/2012 Nu.66, Lipoti a le Faafaoega ma**  
**Faamatalaga Tau Tupe a le Faaputugatupe mo Faamanuiaga a**  
**Tagatanuu Matutua o Samoa 2010/2011 ma le P.P.2012/2013 Nu.59,**  
**Faamatalaga o Galuega ma Tala o le Tupe a le Faaputugatupe o**  
**Faamanuiaga mo Tagatanuu Matutua o Samoa 2011/2012 - Iloiloga**

**FOFOGA FETALAI:** O lea ou te faamanatu atu, o le Lipoti lea tatou te talanoaina nei o le lua i le tolu tausaga talu ai. O lea ou te faamanatu atu o lea e i ai isi Lipoti fou ia e mulimuli mai, ua matua maea ma manino le mataupu. O le ala lea o lea ou te faamanatu atu ai i a outou tuleiga ma saunoaga, ua uma ua tautuaupega a tatou Lipoti ae ua tele ma anoanoai galuega ua fai. O la e faafogofa mai Matagaluega ma Faauluuluga. Ne i meaane ua tatou toe agai foi i tua, ona tatou toe agai foi lea i le square one ma umi le tatou fono.

E i ai se mea sa finagalo ai lau Afioga i le Minisita o Tupe?

**Afioga Hon FAUMUINA TIATIA FAAOLATANE LIUGA:** Lau Afioga i le Fofoga Fatalai e fia fesoasoani atu foi i lau Afioga aemaise o le Taitaifono o le Komiti sa latou lauliliuina lenei Lipoti.

E leai e saolele lava lau saunoaga i le tulaga lea i tau e faaaoga e faletupe. O le Westpac e leai se tau, o lea foi na talosaga le sui usufono mo Faasaleleaga Nu.2 i le tulaga lea i le faamama avega i nai tama ma tina matutua. Ua uma foi ona ou talaoa i le Westpac ia increase a latou instore banking i fafo atu aemaise lava o le motu i Salafai ona na o le ono instore banking o lo o i ai. La faatele ina ia mafai ai e tagata ona aumai a latou tupe e aunoa ma se tau ma ua malie foi i ai le Pule Sili o le Faletupe o le Westpac.

O services ia e taua e \$2 o le Samoa Commercial ma le National Bank, o le ANZ ma le Western Union e tai \$5. O le filifiliga lea a le tagata lava ia, a o le Samoa Post sa \$1.50 a o lea ua tuu i luga i le \$2 mo le faamoemoe lava ia maua ni tupe e faagaoioi ai a tatou Faalapotopotoga.

O le tulaga lea e pei ona silafia e lenei Maota, o le taimi lea e i ai le Lipoti lea na o le 8,500 le au matutua sa i ai. O le taimi lenei ua latalata i le 10,000. O le tupe lea e le o se tupe mai totonu o le NPF, o le tupe o lea e avatu i inei i le Tala o le Tupe ona ave lea i le NPF e totogi ai penisione a le au matutua. E le o se tupe la a le NPF a o le tupe a le Malo lea e totogi ai.

E taua tele le mea e pei ona laga le tulaga lea o le toesea mai o o tatou tagata. O le tulaga lea lau Afioga i le Fofoga Fatalai, e tele foi tagata e omai i fafo e o atu ia te au ina ia mafai ona tatou fesoasoani atu ina ia totogi a latou tupe a o i inei. E i ai foi cases e le o mafai ai ona totogi e Niu Sila po o Ausetalia penisione pe a malaga ese, ae taua tele le finagalo e pei ona faaalia ma le fautuaga ina ia silasila le Malo aemaise o le Pulega a le NPF i le tulaga lea o le toesea o tagata i se taimi puupuu, ae a silia loa i le tolu masina aua ao le Tulafono lava na pasia atu i totonu o lenei Maota lea o lo o faatino ai galuega a le NPF.

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

**Ma lou faaaloalo lava.**

**FOFOGA FETALAI:** Malo faafetai. Malilie sui usufono sei tuu atu le avanoa sei faauma tali a le Malo ona tuu atu lea o le avanoa le Taitai o le Itu Agai.

O le a tuu atu muamua le avanoa i le Afioga i le Minisita mo Fesootaiga ma Faamatalaga Tekonolosi.

**Afioga Hon Tuisugaletaua Sofara Aveau:** Faafetai mo le avanoa. E leai o lea ua manatu o le avanoa taua lea e faamalamalama atu ai se vaega lea sa laga e isi sui usufono mamalu aemaise o le Tuiatua Faanofofono i le vaega lea i le fesootaiga o Matagaluega ina ia silafia i le taimi e malaga ai le tagata matua i fafo ma faapena ona fai i ai le fuafuaga talafeagai.

O le isi aoga tele lava lena i le mataupu lea i alaleo lautetele ia le Samoa National Broadband o le a tatala i le masina fou pe a faapea e talafeagai. O le tasi lena faaaogaina e taufai omai uma ai i luga Matagaluega ma Faalapotopotoga i le mea e manaomia ai aua o la ua latou iloa e faapea ma faapea, post e latou i luga ona o atu lea o isi Matagaluega ma latou faigofie ona silafia ai le vaega lea e tupu i le taimi nei ma faafitauli ia e tutupu nei ona o lea ua saunoa mai agai i le Malo i le faaleleiga o le mea lea, o lea ua ou faamatalaina atu o le isi application lea o le faamoemoe lea o le tatou Samoa National Broadband.

**FOFOGA FETALAI:** Malo faafetai fesoasoani mai lau Afioga i le Minisita mo Fesootaiga ma Faamatalaga Tekonolosi.

Tulai mai lau Afioga i le Sui Fofoga Fetalai.

**Tofa Agafili Patisela Eteuati Tolovaa:** Faafetai mo le avanoa lau Afioga i le Fofoga Fetalai. O se mea e fia faamalamalama ona o lea e faafogafoga mai Pulenuu i se faamatalaga e faapea o latou e faamauina mai maliu.

O aiaiga ua i ai le Ofisa mo le faamauina o pepe e fananau mai, tagata maliliu ma faaipoipoga, o le galuega lea ua loa talu ona tuu atu i le Aufaigaluega a le Atua po o Faafeagaiga. O le mafuaaga ua ala ai ona tuu atu i Faifeau le galuega lea o le faamauina o maliu ona o maliu uma lava e faatino e Faifeau toe sauniga, ae i ai maliu e le mafai ona auai Pulenuu ona o lo o malaga po o tuatuagia.

**P.P.2012/2013 Nu.94, Lipoti a le Komiti o le Soifua Maloloina, Galuega**  
**Tau le Va Fealoai, Mataupu Tau Lotoifale ma Atinae o Afioaga ma**  
**Agafesootai i le P.P.2011/2012 Nu.66, Lipoti a le Faafoga ma**  
**Faamatalaga Tau Tupe a le Faaputugatupe mo Faamanuiaga a**  
**Tagatanuu Matutua o Samoa 2010/2011 ma le P.P.2012/2013 Nu.59,**  
**Faamatalaga o Galuega ma Tala o le Tupe a le Faaputugatupe o**  
**Faamanuiaga mo Tagatanuu Matutua o Samoa 2011/2012 - Iloiloga**

O le mafuaaga lena ua tuu uma atu ai i le Aufaigaluega a le Atua latou te faamauina mai maliu. Ua tufa atu foi tusi resitala mo le faamauina o maliu e tofu lava le Faifeau ma lana tusi resitala na te faamauina mai ai le maliu i lana aulotu. E fa aso e tatau ona faaooina mai ai i totonu o le Ofisa lea pepa resitala ua faamauina ai le maliu o lea tagata ma lea tagata.

O le faamalamalamaga lea leaga o lea e faafogaga mai Pulenuu ma le faaaloalo lava.

**FOFOGA FETALAI:** O le a tuu atu le avanoa, tulai mai le sui usufono mo Siumu.

**Tofa Hon Tuuu Anasii Leota (Siumu):** Faafetai i lau Afioga i le Fofoga Fetalai. E leai o lau fesili ou te fia malamalamama ai. Ou te fia fesili i le Afioga i le Taitai o le Itu Agai po o afea lea e fuafua na te taitaina ai le Malo, po o le tausaga nei, le tausaga fou po o le tausaga o Apipa?

Ma lou faaaloalo lava.

**Afioga Hon Palusalue Faapo II:** Lau Afioga i le Fofoga Fetalai, e manaia le fesili aua o lea ua matou sauni i le tulaga lea ua i ai le Vaega le la, ioe, o le upu moni lava lea lau Afioga i le Fofoga Fetalai, e le o se upu lava e avane ai le upu lea e fai atu ai, o lea ua sauni le Itu lenei, aua ua tele le faaletonu ua tu i lena Vaega.

Ae ua ou toe tulai atu lau Afioga, o lea la ua saunoa manino le Afioga i le Minisita o Tupe i le tupe lea ua tipi a nai tagata, se vaai i ai, \$5, \$2, \$1. O le mea lea lau Afioga i le Fofoga Fetalai, o lou ai lea lau Afioga i le Minisita o Tupe pe a e aveesea le mea lea, sei vaai na o le 10,000 tagata, pe na o se \$30,000 e alu ai a le Malo? Ia faasao tupe a nai tagata e le o ni tupe tetele.

O lau talosaga lea ma le faaaloalo, pe fai soo pe fai soo a matou talosaga atu, e tuitui atu lava. O le a le isi tala a le Afioga i le Palemia e masani ona fai? Tuitui, e tatalaina mai ai, a? Lau Afioga i le Minisita o Tupe ma le Malo, silasila i ai i le mea lea, leaga e tele ia tagata matutua o lo o faitio mai i le pili lea e tipi e le bank. Ma lou faaaloalo lava. O le a le mea e le avea uma ai i le Westpac fai foi lea fai fua?

**FOFOGA FETALAI:** O lea ua maua le finagalo le Taitai o le Itu Agai, na o ni mea lava e fia faamalamalamama.

Tulai mai lau Afioga i le Sui Palemia.

**25 MATI 2014**

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

**Tofa Hon Fonotoe Nuafesili Pierre Lauofo:** Lau Afioga i le Fofoga Fetalai, ae lei tali le Taitafono o le Komiti, na ona faaopoopo atu isi vaega lea. O le Itu lenei, e matuai maopoopo lelei, leai se mea o faaletonu, ioe, leai ma se mea o faaletonu, ae na ona pau lava le mea lea na tau faaletonu i nai vaiaso ua tuanai, ua tau taitai e le sui usufono mo Siumu le Taitai o le Itu Agai, ioe, o lea na maimoa i ai, ua le iloa po o fea ua maea lea vaega.

**Afioga Hon Palusalue Faapo II:** Lau Afioga i le Fofoga Fetalai o se mea e fia faasao.

**Tofa Hon Fonotoe Nuafesili Pierre Lauofo:** Ia o mea na na aumai i le Pepa.

**Afioga Hon Palusalue Faapo II:** Po o talitonu le atunuu ia oe, na e pepelo nei e le o ma'i le Palemia? O lea foi ua e toe pepelo mai e le o faaletonu lena Vaega?

**Tofa Hon Fonotoe Nuafesili Pierre Lauofo:** E leai se pepelo.

**FOFOGA FETALAI:** Le Taitai o le Itu Agai, Palu, Palu, e ese lou soli fono, e te tuu ae lava i luga fai oe.

**Tofa Hon Fonotoe Nuafesili Pierre Lauofo:** Soli fono soo.

**FOFOGA FETALAI:** Ia.

**Tofa Hon Fonotoe Nuafesili Pierre Lauofo:** O le tulaga lea, sei toe faamanatu lava si mea lea lau Afioga, o lea o le a ou see ese ma lena mataupu. E faamanatu lava si vaega sia, o le Penisone a Tagata Matutua, na amata i le \$50, ioe. Ua a nei la, o le a le tulaga lea ua i ai? O lea lava ua siisii lava i luga, siisii i luga. O galuega lelei ia ma fesoasoani a le Malo, lea e fai mo tama ma tina matutua o le atunuu. Ia silasila, o le 2011, e 9,325 tama ma tina matutua o le atunuu sa agavaa i le polokalame lea. 2012 siitia i luga i le 9,526 faaopoopo le 200 tagata matutua, tina ma tama ua agavaai luga o le polokalame lea, faaaluina ai le \$15 miliona. Silasila la i lenei tupe tele lea e alu mo le fesoasoani i le tausiga o tatou tama ma tina matutua?

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

E maoae lenei tupe e \$15miliona i le tausaga, ioe, e miliona \$300,000 e alu i tupe na e totogi i fomai pe a o e fai a latou talavai ma vaai fomai, e i ai fomai o le tatou Maota e agai i ai nai tagata matutua nei nai o tatou tama ma tina matutua. E le o ni tupe itiiti nei tupe. Ae silasila la e tasi le tausaga ae faaopoopo le 200 o tama ma tina i luga o le polokalame mai le 2011 i le 2012, 200 tagata matutua e faaopoopo i luga o le polokalame. Aisea? O lea e gafatia lava e le tatou Faalapotopotoga a le NPF. Ae mafua aisea? Ua umi le soifua, ua soifua umi tagata. Ae mafua aisea? E mafua ua lelei le tulaga o le soifuaga. O tulaga na o lea ua i ai, ioe, silasila la i ai. Ae mafua aisea ona lelei le tulaga o le soifuaga? Mafua i atinae lelei a le Malo lea e fai ma o lo o faaauau pea, ioe o lea e galulue ai i aso uma aso uma aso uma, ioe. Ia o le Aso Tofi foi o le vaisaso lenei e agai foi le Malo le Afioaga i le Minisita mo Punaoa Faalenatura ma le Siosiomaga e tatala le polokalame o le suavai i Asau. E faaauau pea ia atinae ma polokalame e le tuua, e le malolo e le nofonofo le Malo. A o lenei fesoasoani tele, o le matua tele o lenei fesoasoani. O le mea la lea, e leai se mea o le a tau sau ai fua e taitai le Malo o lea lava matou te iloa fai.

**FOFOGA FETALAI:** Ia ona ua tatou taunu i le tatou taimi malolo, o le a fai se tatou koma. O le a faataatia ese Taualumaga a le Fono Aoao mo lana malologa masani o le taeao.

*Na faataatia ese Taualumaga a le Fono Aoao mo lana malologa masani i le itula e 10.48 i le taeao ma toe faaauau i le itula e 11.24 i le taeao.*

**FOFOGA FETALAI:** Ou te faasilasila atu ua toe amatalia nei Taualumaga a le Fono Aoao Faitulafono.

E momoli le agaga faafetai i lenei vaega o le aso, e manatu o lea ua tatou taunu mai i le vaega lona lua o le tatou polokalame faataatia mo le taualumaga o lenei aso ma Taualumaga o le tatou Fono, e momoli atu ai le faafetai tele i le faamalolosi mai o le paia o sui usufono mamalu o le Maota.

E talitonu foi ua maua la outou faamalositino e ala i le tatou malologa, aemaise foi le taliina o la outou sua.

E faia le tatou malologa ua maea ona talifuitau le Malo aemaise foi o finagalo na faaalia e sui usufono mamalu. E fesili atu i le Taitaifono pe i ai se isi mea faasili ae o le a avatu loa le tatou fesili? Tulai mai lau Afioaga i le Taitaifono.

**25 MATI 2014**

**P.P.2012/2013 Nu.94, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.66, Lipoti a le Faafaoega ma  
Faamatalaga Tau Tupe a le Faaputugatupe mo Faamanuiaga a  
Tagatanuu Matutua o Samoa 2010/2011 ma le P.P.2012/2013 Nu.59,  
Faamatalaga o Galuega ma Tala o le Tupe a le Faaputugatupe o  
Faamanuiaga mo Tagatanuu Matutua o Samoa 2011/2012 - Iloiloga**

**Afioga Hon Palusalue Faapo II:** Lau Afioga i le Fofoga Fetalai, na o nai mea e faamalamalama lava e pei ona saunoa le Afioga i le Sui Palemia, o la e faafogafoga mai i mataupu sa ou laga lau Afioga.

**FOFOGA FETALAI: O le a se mea e toe faamalamalama?**

**Afioga Hon Palusalue Faapo II: O le mea lea na toe faamatala ai le \$50 o le penisione i aso la 20 tausaga talu ai.** Ae na ona faamanatu atu i le Afioga i le Sui Palemia, o le taimi lena e lei oo se tau o le falaoa i se \$1, o le taimi na e lei oo se tau o le eleni i se \$2, o le taimi na e lei oo le tau o le pepa susu i se \$2, a o le taimi la lenei, o le a se silasila i ai? Ua i luga tau ae laitiiti ai i lalo penisione. Pei o le mea lena e faamalamalama atu ai i lau Afioga i le Sui Palemia.....

**FOFOGA FETALAI: Ia o lea ua maua le finagalo i le.....**

**Afioga Hon Palusalue Faapo II: E ese lava le tau o mea i le 20 tausaga talu ai lea na fai ai le Tulafono lea mai le \$50 na maua e le au penisione, ae ese la le taimi lenei i le tau o mea ia pei ona ou tolaulau atu.**

**FOFOGA FETALAI: Ia sei tulai mai pea la le Afioga i le Sui Palemia.**

**Tofa Hon Fonotoe Nuafesili Pierre Lauofo:** Lau Afioga i le Fofoga Fetalai, e le o maua mai e le Taitai o le Itu Agai le uiga ma le aano tonu o le mataupu na ou talanoa i ai. Ua faaopoopo le 200 o tama ma tina matutua mai le 2011 i le 2012, o lea ua agavaa i luga o le polokalame. Aisea? Lelei le soifua, soifua lelei. Ae mafua mai fea? Mafua mai i le lelei o le tulaga o le soifuaga. O atinae a le Malo lea e mafua ai, ioe, o le tulaga lena, lea na ona toe faamanatu atu ma faamanino atu.

**Afioga Hon Palusalue Faapo II: Lau Afioga i le Fofoga Fetalai, e eseese mamao lava le mea lea e saunoa i ai.**

**FOFOGA FETALAI: Ia e manatu le Taitai o le Itu Agai, malie o lea ua maua lou finagalo, e taua lou finagalo i le mea lea e te saunoa mai i ai ona e talafeauga le \$50 i lena vaitau ma le tulaga sa i ai le tamaoaiga i lena vaitaimi.**

**P.P.2012/2013 Nu.94, Lipoti a le Komiti o le Soifua Maloloina, Galuega**

**Tau le Va Fealoai, Mataupu Tau Lotoifale ma Atinae o Afioaga ma**

**Agafesootai i le P.P.2011/2012 Nu.66, Lipoti a le Faafaoega ma**

**Faamatalaga Tau Tupe a le Faaputugatupe mo Faamanuiaga a**

**Tagatanuu Matutua o Samoa 2010/2011 ma le P.P.2012/2013 Nu.59,**

**Faamatalaga o Galuega ma Tala o le Tupe a le Faaputugatupe o**

**Faamanuiaga mo Tagatanuu Matutua o Samoa 2011/2012 - Iloiloga**

O le mea lea sa taumafai e faamalamalama le atugaluga sa i ai, o le charge lea o le avega o tupe i tua o tagata, o lea foi ua saunoa malamalama le Minisita o Tupe e a ia le Tulafono, silasila foi, o le amataga o le tufaga o penisione sa tufa fua e leai se tupe, sa o le aufaigaluega faateutusi ma tufa i fale o faifeau ma latou maua tupe e leai se bank charge. A o faafitauli foi na tulai mai, ua outou silafia lea na matua tele le gaoiina lea na tupu mai? Ua o tagata, tulou le mamalu o le aufaigaluega, ia ma lepetia, e fia sefulu afe ma afe tupe na alu i le mea lena. Ia o le manatu la o le Malo, fai se isi faiga e sefe ai tupe, e le toe tago tagata i se tupe pe cash tupe, ae tuu sao i faletupe e a ia ia account a tagata taitoatasi, ui o lea, o lea ua manino lou finagalo le Taitai o le Itu Agai, o lea ua manino lou finagalo. O le taumafai mai o le Sui Palemia e faamalamalama, ia ona o le tulaga e le o se atinae na tago faatumutumulima i ai, o le \$50 o lea ua \$165, o lona uiga, onosai le aufai penisione, e le toulu mai i le lagi mea ia e fai ai le penisione, e sau i le tatou Tala o le Tupe. A o le agaga ma le faamoemoe, o lea ua manino lou atugaluga i le faamalamalamaga i mea na felafoai ai o oulua finagalo, ae ou te talitonu ua taatia i le agatonu.

Ia tulai maia lau Afioaga i le Minisita mo Galuega, Felauaiga ma Atinae Eseese e fesoasoani mai ona avatu ai lea o le avanoa i le Taitaifono.

**Afioaga Hon Manualesagalala Enokati Posala (Minisita mo Galuega, Felauaiga ma Atinae Eseese):** Lau Afioaga i le Fofoga Fetalai, pau lava sina vaega lea na pau ona o vaega ia e feoai i vaa, o le tasi lena vaega o lo o totogi foi e le Malo ia pasese o le au penisione e feoai i le va o Upolu ma Savaii e faapena foi le agai i Tutuila, mo le silafia, ma le faaaloalo.

**FOFOGA FETALAI:** Malo faafetai fesoasoani mai. Tulai mai lau Afioaga i le Taitaifono.

**Afioaga Hon GATOLOAIFAANA AMATAGA ALESANA GIDLOW:** Faafetai i lau Afioaga i le Fofoga Fetalai, ou te talitonu lava ua tele ia fesili foi fautuaina ma fia malamalama ai le mamalu o le Palemene ua saunoa i ai ia Afioaga i Minisita, ia ae i ai lava nai mea laiti ia e toe fia faaopoopo ai ina ia atoatoa le tali atu foi a le Komiti.

Lau Afioaga i le Fofoga Fetalai o le mea muamua lava, o le tulaga lava lea o lo o faapopolevaleina ai o tatou tagata o le talaina faasolitulafono lea po o le talaina o penisione o e ua maliliu. Ia o le mea muamua lava ua i ai gaoioiga a le Faalapotopotoga ina ia foia ai lenei mataupu.

**P.P.2012/2013 Nu.94, Lipoti a le Komiti o le Soifua Maloloina, Galuega**

**Tau le Va Fealoai, Mataupu Tau Lotoifale ma Atinae o Afioaga ma**

**Agafesootai i le P.P.2011/2012 Nu.66, Lipoti a le Faafaoega ma**

**Faamatalaga Tau Tupe a le Faaputugatupe mo Faamanuiaga a**

**Tagatanuu Matutua o Samoa 2010/2011 ma le P.P.2012/2013 Nu.59,**

**Faamatalaga o Galuega ma Tala o le Tupe a le Faaputugatupe o**

**Faamanuiaga mo Tagatanuu Matutua o Samoa 2011/2012 - Iloiloga**

O le taimi lenei ua tasi le tausaga e valid ai le pepa penisone, o le agaga e uma le tausaga lena toe faafou, ia silafia ai foi e latou po o soifua pea pe leai le o lo o penisione.

O le isi tulaga lea e saunoa i ai le Afioga i le Minisita mo Fesooataiga ma Faamatalaga Tekonolosi le Broadband ma le taumafai i le E-Government lea ina ia fesoottai uma vaega a le tatou Malo e aafia i tulaga faapea. Ia ae po o a lava lau Afioga e talitonu lava o le mea taua lava ma le faamaoni, aua e muamua lava ona iloa e tagata o aiga ua maliliu o latou tama ma tina matutua. O lea e saunoa ia le sui usufono mamalu mo Faasaleleaga Nu. 2, e le o le soligatulafono pe a tala le tupe ae ua maliu, e leai, e talitonu o le soligatulafono matuia lea, o la e silafia lava e le o sana tupe ae tala lava i tua ae ua maliu le e ona le penisione. O le agaga lava ia ina ia mafai ona galulue faatasi uma, ae mulimuli atu nisi gaoioiga, ae ia galulue faatasi o tatou aiga ma le tatou atunu ma le tatou Malo i le taumafaiga ina ia faatumauina lea foi faamanuiaga mo tagata matutua.

O le isi tulaga lau Afioga ou te fia talanoa i ai, a faapea ua malaga i fafo se penisone i tulaga la lea po o le gasegase, ia e mafai lava ona toe susu mai ma sona pepa foi lea e faamaonia ai na sii mai i fafo, ona toe back date lava lea po o le a le umi lea na afio ai i fafo, ia e mafai lava ona toe back date lea ma toe maua lana penisione. O le isi lena vaega o lo o tagai i ai ma fai ai suiga a le tatou Faalapotopotoga.

O le tulaga lea i charges a banks, ia o lena ua e saunoa lau Afioga i le Fofoga Fetalai e toe fesoasoani ai i le tulaga sa i ai, sa taumafai pea lo tatou Malo ina ia oo atu i tua le auaunaga ina ia aua ne i afea tulaga lea o faletupe ma afaina ai i totonu o faletupe, ae peitai, ia o lena ua e saunoa lau Afioga tulaga sa tulai mai ai faafitauli sa aafia ai. Ia o lo o saili lava le tatou Faalapotopotoga ina ia taumafai e faasaosao ia seleni mo nai o tatou tagata matutua.

E faamalulu atu i le sui usufono mamalu mo Falelatai ma Samatau i le lē atoatoa o se tali atu, o lena e te silafia lava e tofu lava komiti foi ma vaega o le auaunaga o lo o latou iloiloina, lena sa le atoatoa ai se tali atu, sa matou fia fesili foi i ai i le tulaga o Penisione a le Palemene, ae peitai e le o aafia ai tagata o lo o latou loteina lea mataupu – ma o lena foi ua uma ona saunoa atu le Minisita ma faamalamalama nisi tulaga na e finagalo ai.

Lau Afioga i le Fofoga Fetalai, o le tali atu lea a le Komiti ma le faaaloalo lava.

**FOFOGA FETALAI:** Malie....tulai mai le sui usufono mamalu mo Faasaleleaga Nu. 2.

**25 MATI 2014**

**P.P.2012/2013 Nu.94, Lipoti a le Komiti o le Soifua Maloloina, Galuega**  
**Tau le Va Fealoai, Mataupu Tau Lotoifale ma Atinae o Afioaga ma**  
**Agafesootai i le P.P.2011/2012 Nu.66, Lipoti a le Faafaoega ma**  
**Faamatalaga Tau Tupe a le Faaputugatupe mo Faamanuiaga a**  
**Tagatanuu Matutua o Samoa 2010/2011 ma le P.P.2012/2013 Nu.59,**  
**Faamatalaga o Galuega ma Tala o le Tupe a le Faaputugatupe o**  
**Faamanuiaga mo Tagatanuu Matutua o Samoa 2011/2012 - Iloiloga**

**Susuga Papalii Lio Faavaivaiomanu Taeu Masipau:** Lau Afioga i le Fofoga Fetalai, ona o lea ua saunoa le Afioga i le Minisita mo Galuega, Felauaiga ma Atinae Eseee o lo o aafia foi ma le pasese i Tutuila. Po o sao lea mea po o....leaga o lea e faafogafoga mai le atunu i le au penisione?

**FOFOGA FETALAI:** Sei tulai atu le Minisita o Tupe e faamalamalama.

**Afioga Hon Faumuina Tiatia Faaolatane Liuga:** Lau Afioga i le Fofoga Fetalai faafetai i le fesili. E le aofia ai le o i Tutuila, o Tutuila e international le....a totogi loa le alu i Tutuila, totogi foi lea o Niu Sila, Ausetalia ma Amerika. O le mea lena e le o aofia ai le o i Tutuila, ma lou faaaloalo lava.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaona e le Fono Aoao le Lipoti.

**P.P.2012/2013 NU.95, LIPOTI A LE KOMITI O LE SOIFUA  
 MALOLOINA, GALUEGA TAU LE VA FEALOAI, MATAUPU TAU  
 LOTOIFALE MA ATINAE O AFIOAGA MA AGAFESOOTAI I LE  
 P.P.2011/2012 NU.94, LIPOTI A LE MATAGALUEGA A LE SOIFUA  
 MALOLOINA MO LE TAUSAGA FAALETUPE 2009-2010  
 – ILOILOGA**

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te tulai atu e faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana Sailüliga, Fautuaga ma Iugafono.*

*Faaluaina e se tasi o sui usufono mo le Au Palota Taitoatasi, Susuga Hon Papaliitele Niko Lee Hang ma le Afioga i le sui usufono mo Sagaga le Usoga.*

**P.P.2012/2013 Nu.95, Lipoti a le Komiti o le Soifua Maloloina, Galuega**  
**Tau le Va Fealoai, Mataupu Tau Lotoifale ma Atinae o Afioaga ma**  
**Agafesootai i le P.P.2011/2012 Nu.94, Lipoti a le Matagaluega a le Soifua**  
**Maloloina mo le Tausaga Faaletupe 2009-2010 - Iloiloga**

**FOFOGA FETALAI:** Tulai mai lau Afioga i le Taitaifono o le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioaga ma Agafesootai.

**Afioga Hon GATOLOAIFAANA AMATAGA ALESANA GIDLOW:**  
**Lau Afioga i le Fofoga Fatalai:-**

**“FAUTUAGA:**

**I le maea ai o ana iloiloga, e fautuaina ai e Komiti le Malo ina ia:-**

1. Atili uunaia polokalame faalauiroa e faaitiitia ai le tele o tupe faaalu mo togafitiga e le gata i totonu o Samoa ae faapea ai ma atunuu i fafo.
2. Unaia malosi le galulue faatasi ma fomai tumaoti ma isi Matagaluega e fesootai le auaunaga ma tulaga tau soifua maloloina, ina ia vave ona faatino le polokalame mo le tuufatasia o faamatalaga ma faamaumauga tau soifua maloloina mo gaoioiga talafeagai e tuliloaina ai le soifua maloloina o tagata lautele.
3. Silasila pea i faafitauli pei ona faitioina ai nisi o le atunuu o lo o faaaogaina auaunaga tau soifua maloloina ia le auaunaga a alii ma tamaitai fomai ina ia vave ona foia ma faamalamalama ina ia aua nei soona tuuaia ai le galuega fita o lo o feagai ma alii ma tamaitai fomai.

**IUGAFONO:**

**I le maea ai o iloiloga a le Komiti na faaiugafonoina ai e fautuaina le Fono Aoao;**  
**Ina ia faamaonia le P.P.2011/2012 Nu.94, Lipoti Faaletausaga a le Matagaluega o le Soifua Maloloina mo le tausaga faaletupe na faaiuina i le aso 30 Iuni 2010.”**

**Ma le faaaloalo lava lau Afioga i le Fofoga Fatalai.**

**FOFOGA FETALAI:** Malo. Faafetai saunoa ma faamalamalama lau Afioga i le Taitaifono. Ia, ua avanoa le Maota mo a tatou felafolafoaiga. Tulai mai le sui usufono mo Faleata Sisifo.

**P.P.2012/2013 Nu.95, Lipoti a le Komiti o le Soifua Maloloina, Galuega  
Tau le Va Fealoai, Mataupu Tau Lotoifale ma Atinae o Afioaga ma  
Agafesootai i le P.P.2011/2012 Nu.94, Lipoti a le Matagaluega a le Soifua  
Maloloina mo le Tausaga Faaletupe 2009-2010 - Iloiloga**

**Tofa LEALAILYEPULE RIMONI AIAFI:** Faafetai lava i lau Afioaga. E puupuu foi se manatu i lenei Lipoti ona e taua tele le Matagaluega. Faafetai foi i le Komiti. Muamua, faafetai o lea ua faamanino mai i le Lipoti a le Komiti le le lava o polokalame faalauiloa mo le silafia e le atunuu o tulaga lea ua i ai le mai ogaoga i le tulaga o faafitauli i le soifua maloloina. Sa ou taua foi i le vaiaso lea na tea nei le tulaga lea i le heart foundation lea sa fai muamua po o fea ua fai i ai, po o le a sou silasila i ai po o fea ua oo i ai, aua o i lea e tele ina mafua mai ai le tele o gasegase lea e i ai nei. O le faalauiloa foi lea lau Afioaga, e tasi lava le taimi lea na sau ai le faamatalaga i le faamai mata. O le mea la lea ua tupu, o lea ua malolo aoga a le Malo, faafetai, a o lo o faaauau pea aoga tumaoti. Sa ou talanoa la i le faiaoga lea ananafi lea e aoga ai se tasi o ou atalii, pe aisea ua le malolo ai le latou aiga, ae faapea mai, e lei i ai se faasilasilaga mai le falema, faapea o latou ia e avatua national directives ia e faapea e malolo aoga. Ia, ae ou talanoa i se tasi o sui o le falemai, fai mai o la e faatali le latou a ea, ma nisi o fuainumera. Ona ou fai atu lea i ai, "O a na mea tou te faatali i ai o lea ua o atu i faetalavai ua leai ni vai e tului ai mata? Tou te faatali o le a ae le aumai se faasalalauga, aemaise lava i aoga?" E pei la o le mea lena o lea ua faamanino mai e le Lipoti, ae pei e leai se coordination lelei i le va o Matagaluega nei e lua, aemaise i tai i le Ministry ma uta i le National Health Services, aua e le tau sueina ni fuainumera o lena e maua uma i ina fuainumera. Ae sa tatau ona tagai ina ia vave foia le faafitauli, ina ia ogatasi se latou faasalalauga, e le gata i aoga a le Malo, a o aoga foi tumaoti ona o lea e le o po se lilo i le tulaga faaletonu o lo o i ai le...

O le uiga la o lau faamatalaga i le vaega lea, o lea tatou te lauga pea i le faalauiloa o le polokalame lea i tua, ae o lea ua oo tonu mai lava i le taimi sa tatau ona faalauiloa ai se polokalame faifaipea o lea e tupu le tulaga ogaoga i le faamai mata, ae le o lava foi ma lelei le coordinate ina o le faatinoga o lea mea laitiiti.

O le mea la lena o lea e avatu ai le fautuaga i le Matagaluega, sei tagai lelei i le vaega lenei, aemaise o itutino nei o lea e faaoso e lelei tele mea e faamafua ai, e le umi e toe sue atu ua leai, ua le faaauauina, ae o lo o latou faia ni auauanga taua tele mo le soifua maloloina o le atunuu atoa.

O le isi vaega lea e taua ma ii le Vaega 2, ina ia uunaia malosi le galulue faatasi ma fomai tumaoti. O lona uiga e le o galulue faatasi i lenei taimi? O se suesuega lea a le Komiti e fia malamalamama i ai, aua o mea lava ia e muamua ona vaavaai i ai, ia galulue faatasi le falemai ma latou paaga, stakeholders ina ia lelei le auauanga faafomai. O le mea la lena o lea e faapopoleina ai lou nei sui usufono, o lea ua fautua mai le Komiti, po o le mea e le o galulue po o i ai se faaletonu i le taimi nei. Ia, o nai fesili ia lau Afioaga ma le faaaloalo lava.

**P.P.2012/2013 Nu.95, Lipoti a le Komiti o le Soifua Maloloina, Galuega**  
**Tau le Va Fealoai, Mataupu Tau Lotoifale ma Atinae o Afioaga ma**  
**Agafesootai i le P.P.2011/2012 Nu.94, Lipoti a le Matagaluega a le Soifua**  
**Maloloina mo le Tausaga Faaletupe 2009-2010 - Iloiloga**

**FOFOGA FETALAI:** Faafetai saunoa i le sui usufono mamalu.  
 Ia, tulai mai lau Afioga i le Taitaifono, masalo na pau lea o le finagalo...

**Afioga Hon GATOLOAIFAANA AMATAGA ALESANA GIDLOW:**  
 Faafetai i lau Afioga i le Fofoga Fetalai, faafetai foi i le sui usufono mamalu mo Faleata Sisifo mo le fautuaga po o nisi foi o finagalo faaalia. A o le mea muamua lava, o lena ua e fesili lava e sao lau saunoaga. E le taitai ona lava a tatou polokalame faalauiloa, e le taitai ona lava. Ae peitai, tatou te fuafua lava i a tatou seleni e mafai ona faatino ai a tatou polokalame. Ae pei foi ona e saunoa i tulaga o lo o i ai nei, o a gasegase o tulai mai e pei foi o le faamai fofoga lena na e saunoa i ai, tatou te silafaina uma lava ana atoatoa foi puipuiga ailoga e sosolo tele. Peitai ane, o lena foi e faafogafoga mai le Matagaluega e galulue agai i ai.

A o le tulaga lea pei ona e fesiligia ai le Fautauga Lona Lua pe le o galulue faatasi vaega ia o le Matagaluega – o le agaga lena e tuu atu ina ia – o lo o i ai nei le latou system lea e tau o le patient information e mafai ona... ae le o atoatoa. Sa oo i ai se fesili, a o le faamatalaga, e le faigofie, e le taugofie foi. Ma o lo o latou taumafai pea e sailiili auala ina ia mafai ai ona fesoottai itu uma ia, e mafai ai lava i se taimi o lumanaia na o le... po o Savaii e vaai ai le gasegase atu i Upolu, na o le oomi lava oso ae i luga ona faamatalaga uma lava e fesoasoani a ii le alii po o le tamaitai fomai o lo o faafeagai foi ma le togafitiga o le gasegase. Po o fea lava le mea e i ai le Samoa, a o la e ua i totonus o le system lea. Peitai, o lena ua faamatala atu lau Afioga i le Fofoga Fetalai, e le taugofie e le faigofie le faatinoga, o lo o mataitu pea ma tausaili i ai le tatou Matagaluega ii a vaega.

Lau Afioga i le Fofoga Fetalai o lo o fesiligia le Heart Promotion Foundation po o fea, o lena lava e silafia lau Afioga i le Fofoga Fetalai o lo o i ai i totonus o tatou galuega e faasolosolo mai ai, masalo o lea e i luga o le tulaga lea o le second reading, ona tatou agai atu lea i le tatou Tulafono lea.

O le faamatalaga lea i lau Afioga, faafetai lava mo le avanoa.

*Na faamaonia le Lipoti.*

**FOFOGA FETALAI:** E tusa ai ma le Tulafono 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti filifilia ia le silia le 90 aso talu ona faamaonia e le Fono Aoao le Lipoti.

P.P.2012/2013 NU.96, LIPOTI A LE KOMITI O LE SOIFUA  
 MALOLOINA, GALUEGA TAU LE VA FEALOAI, MATAUPU TAU  
 LOTOIFALE MA ATINAE O AFIOAGA MA AGAFESOOTAI I LE  
 P.P.2011/2012 NU.64, LIPOTI FAALETAUSAGA A LE  
 FAAPUTUGATUPE MO LE LUMANAI MANUIA O TAGATA (NPF)  
 MO LE TAUSAGA 2011 – ILOILOGA

**FOFOGA FETALAI:** Tulai mai lau Afioga i le Taitaifono o le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioaga ma Agafesootai.

Afioga Hon GATOLOAIFAANA AMATAGA ALESANA GIDLOW:  
 Lau Afioga i le Fofoga Fetalai, ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA ma IUGAFONO.*

*Faaluaina e le Sui Fofoga Fetalai ma se tasi o sui usufono mo le Au Palota Taitoatasi, Susuga Papalii Niko Lee Hang.*

**FOFOGA FETALAI:** Tulai mai lau Afioga i le Taitaifono o le Komiti mo le faitauina o Fautuaga ma Iugafono.

Afioga Hon GATOLOAIFAANA AMATAGA ALESANA GIDLOW:  
 Lau Afioga i le Fofoga Fetalai;

#### “FAUTUAGA:

I le maea ai o ana iloiloga e fautuaina e le Komiti le Malo ina ia:

1. Fautuaina le Faaputugatupe ina ia silasila totoa i le lumanai o pisinisi ma kamupani ua fuafua e tuuina atu i ai ana tupe po o sea mo le faafaigaluegaina e faaititia ai tupe gau a le Faaputugatupe.
2. Fautuaina le Faaputugatupe ina ia faaopoopoina ana tupe faafaigaluega i atunu mamao o lo o lelei le tamaoaiga ina ia maua mai ai se faasiliga lelei mo le aufaisaofaga.

#### IUGAFONO:

I le maea ai o iloiloga a le Komiti na faaiugafonoina ai e fautuaina le Fono Aoao:-

*Ina ia faamaonia le P.P.2011/2012 Nu.64, Lipoti Faaletausaga a le Faaputugatupe mo le Lumanai Manuia o Tagata (NPF) mo le tausaga 2011.”*

**25 MATI 2014**

**P.P.2013/2014 Nu.18, Lipoti a le Komiti o Mataupu Tau Faamasinoga,  
Leoleo ma Falepuipui ma Faamasinoga o Fanua ma Suafa i le  
P.P.2012/2013 Nu.43, Lipoti Faaletausaga a le Komisi o le Toefuataiga o  
Tulafono a Samoa mo le Tausaga Faaletupe 2010/2011 - Iloiloga**

**FOFOGA FETALAI:** Malo faafetai saunoa i lau Afioga i le Taitaifono. E manatu foi ua matua manino ma taua fautuaga ua tuuina mai e le tatou Komiti. E pei lava o lea ua tatou faasolosolo mai i Lipoti Taitasi, o lea foi ua manaia ia Fautuaga e agai ina ia lelei vaega e ave i ai a tatou tuge e invest ai. Ae lafo atu pea le avanoa, a leai, o le a tuuina atu le tatou Fesili.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina ma ii le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti filifilia ia le silia le 90 aso talu ona faamaonia e le Fono Aoao le Lipoti.

**P.P.2013/2014 NU.18, LIPOTI A LE KOMITI O MATAUPU TAU  
FAAMASINOGA, LEOLEO MA FALEPUIPUI MA FAAMASINOGA  
O FANUA MA SUAFA I LE P.P.2012/2013 NU.43, LIPOTI  
FAALETAUSAGA A LE KOMISI O LE TOEFUATAIGA O  
TULAFONO A SAMOA MO LE TAUSAGA FAALETUPE 2010/2011  
– ILOILOGA**

Tofa TUISA TASI PATEA (Taitaifono, Komiti o Mataupu tau Faamasinoga, Leoleo ma Falepuipui ma Faamasinoga o Fanua ma Suafa): Faafetai atu i lau Afioga i le Fofoga Fatalai mo le avanoa.

Lau Afioga i le Fofoga Fatalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA ma IUGAFONO.*

*Faaluaina e le sui usufono mo Alataua Sisifo, sui usufono mo Gagairomaga Nu.2, sui usufono mo Palauli ma le sui usufono mo Falelatai ma Samatau.*

**FOFOGA FETALAI:** Tulai maia lau Afioga i le Taitaifono mo le tolaulauina o Fautuaga ma Iugafono.

**Tofa TUISA TASI PATEA:** Lau Afioga i le Fofoga Fatalai;

**“FAUTUAGA:**

**I le faia i luga o ana Sailiiliga, e fautuaina ai e le Komiti le Malo:-**

P.P.2013/2014 Nu.18, Lipoti a le Komiti o Mataupu Tau Faamasinoga,  
 Leoleo ma Falepuipui ma Faamasinoga o Fanua ma Suafa i le  
 P.P.2012/2013 Nu.43, Lipoti Faaletausaga a le Komisi o le Toefuataiga o  
 Tulafono a Samoa mo le Tausaga Faaletupe 2010/2011 - Iloiloga

1. Ina ia faatatauina ai vaega talafeagai mo le Komiti o le Toefuataiga o Tulafono a Samoa, ina gafatia ai le faatautaia o nisi polokalame faalauiloa a le Pulega, e ala i faasalalauga faalauaitele i le taua o le sao ma finagalo faalia o le atunu lautele aua le toe iloiloina ma le toefuataiga lea o Tulafono tuai a Samoa ina ia amanaiaina ai o suiga fou o lo o i ai i le taimi nei ma atagia ai ma tausia a ii tulafono o tu ma aganuu a Samoa.
2. Ina ia faatatauina mo le Komisi se avanoa faaopoopo ina ia i ai se avanoa e faafaigaluegaina ai tagata faaopoopo.

#### IUGAFONO:

I le maea ai o iloiloga a le Komiti, na faaiugafonoina ai e fautuaina le Fono Aoao:

Ina ia faamaonia le P.P.2012/2013 Nu.43, Lipoti Faaletausaga a le Komisi o le Toefuataiga o Tulafono a Samoa Iulai 2010-Iuni 2011.”

**FOFOGA FETALAI:** Malo, faafetai saunoa faamalamalama i lau Afiofa i le Taitaifono. O le taimi lenei o felafolafoaiga, ua tatala atu le avanoa. Tulai mai le sui usufono mo Aana Alofi Nu 3.

**Afiofa TOEOLLESULUSULU CEDRIC POSE SALESA SCHUSTER:** Faafetai i lau Afiofa i le Fofoga Fetalai mo le avanoa. E faafetai atu i le Taitaifono aemaise le Komiti sa iloiloina lenei Lipoti.

E tasi lava lau fesili fia malamalamama ona o lea e maua i le fautuaga a le Komiti le toe faaopoopoina ona e le o lava seleni po o vaegatupe o lo o tuuina atu mo lenei Komisi. I le iloiloga a le Komiti, o a tonu ni vaega po o le a foi se tele o se seleni o lo o manaomia ina ia mafai ona faatinoina ai galuega a lenei Komisi? Faafetai lava i lau Afiofa i le Fofoga Fetalai mo le avanoa.

**FOFOGA FETALAI:** E manatu ona pau lea o se finagalo, ae tulai mai lau Afiofa i le Taitaifono pe fia le tupe lea e manaomia i le fautuaga.

**Tofa TUISA TASI PATEA:** Faafetai atu mo le fesili. E pei ona silafia o le Komisi mo le Toefuataiga o Tulafono e le i leva ona faamatuu ese mai ma le Ofisa o le Loia Sili e pei ona faatinoina i le 2011 ma e fou. O lo o manaomia la ni tagata faigaluega faaopoopo e faatoatele ai le latou aufaigaluega aua ua faatupulaia le tele o galuega e faatino.

**25 MATI 2014**

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaletausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

A faapea e faatupulaia le tele o galuega e faatino, ua toatele foi le aufaigaluega e manaomia e faaopoopo i ai faatasi ai ma ni ofisa e fia faaopoopo aua le faatinoina o galuega. Ou te talitonu o lo o feutagai lava le tatou Komisi ma i latou o lo o vaaia lea tulaga mo ni seleni o lo o manaomia, ae e le o mafai ona tauina atu i le taimi nei. Faafetai.

**FOFOGA FETALAI:** Malo faafetai.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga ua tuuina mai i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

**P.P. 2013/2014 NU.19, LIPOTI A LE KOMITI O OLOA GAOSIA  
TULAGA MUAMUA, MATAUPU TAU PISINISI, ALAMANUIA MA  
LEIPA I LE P.P. 2012/2013 NU.3, LIPOTI FAALETAUSAGA A LE  
PULEGA O TAGATA TAFAFAO MAIMOA MAI FAFO MO LE  
TAUSAGA FAAIUINA ASO 30 IUNI 2011 –ILOILOGA**

Afioga Hon LEAUEPEPE TOLEAFOA APULU FAAFISI (Taitaifono Komiti o Oloa Gaosia Tulaga Muamua, Mataupu tau Pisini, Alamanuia ma Leipa): Lau Afioga i le Fofoga Fetalai ma le mamalu o lenei Palemene ou te tulai atu e faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai Sailiiliga, Fautuaga ma Iugafono.*

*Faaluaina e le sui usufono mo Siumu ma le sui usufono mo Aana Alofi Nu 3.*

**FOFOGA FETALAI:** Tulai mai lau Afioga i le Taitaifono mo le faitauina o Fautuaga ma Iugafono.

**Afioga Hon LEAUEPEPE TOLEAFOA APULU FAAFISI:** I le maea ai o Sailiiliga a le Komiti ua fautuina ai le Malo e faapea:

**“FAUTUAGA:**

1. Silasila le Pulega i auala e saga atinae ma faaleleia atili ai lana Upega Tafailagi mo le faalauiloaina o Samoa ma le Atinae o Tagata Tafafao Maimoa i le lalolagi.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

2. Ia faaauau pea Asiasiga a le Pulega i Atinae tau Tagata Tafafao Maimoa taitasi, ina ia mautinoai o lo o ogatasi pea le tau o auauanaga o lo o faatino ai, ma Faamatalaga o lo o i luga o le Upega Tafailagi.
3. Faatino ni Polokalame Faalauiloa e taofia ai le aafia o Tagata Tafafao Maimoa mai le soona sii o totogi o isi taavale laiti laupasese pe a faimalaga ai mo maimoaga.
4. Fautuaina le Pulega ina ia faatino ni Faalauiloa mo afioaga o le atunu o lo o tele ai mataaga tau Tala Faasolopito e pei o Falealupo, mo le saga faatosinaina mai o tagata Tafafao Maimoa.
5. Tatau i le Pulega ona Faasalalau faaluaitele ana Polokalame o lo o faagaso i le Nofoaga o lo o Faalauiloa ai Tu ma Aganuu a Samoa, mo le silafia e Tagata Tafafao Maimoa aemaise o le atunu atoa.
6. Tatau i le Pulega ona toe silasila i se isi Fuafuaga Fou mo le toe faatulagaina lelei o le Nofoaga o lo o faalauiloa ai Tu ma Aganuu a Samoa i le lumanai i se isi Nofoaga Talafeagai ao tapena le fausiaina o le Faletalimalo (Five Star Hotel) lea e aofia uma ai ma le fanua o lo o i ai nei le Ofisa Autu o le Pulega i le Eleele fou.

#### IUGAFONO:

I le maea ai o iloiloga a le Komiti, na faaiugafonoina ai e fautuaina le Fono Aoao.

Ina ia faamaonia le P.P.2012/2013 Nu 3, Lipoti Faaleausaga a le Pulega o Tagata Tafafao Maimoa mo le Tausaga Faaleetupe na faaiuina i le aso 30 Iuni 2011.”

**Ma le faaaloalo.**

**FOFOGA FETALAI:** Malo, faafetai saunoa faamalamalama i lau Afioa i le Taitaifono. Ua tatala atu foi le avanoa mo felafolafoaiga. Tulai mai lau Afioa i le sui usufono mo Faleata Sisifo.

**Tofa LEALALEPULE RIMONI AIAFI:** Faafetai i lau Afioa i le Fofoga Fetalai mo le avanoa, e faafetai foi i le Taitaifono mo le Lipoti.

E taua tele le sao o le Matagaluega lenei aemaise le tapenaga i le fonotaga e le gata i le fonotaga a o le faamoemoe ua leva ona laulauvivilu i ai le Palemene lenei ma Samoa; o le tasi lea ivitu o le tamaoaiga o le atunu.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

A o le i oo la sau faamatalaga i le vaega lea, o le tatou fonotaga ia Ianuari sa ou faamamafaina ai le tulaga o lo o i ai le taulaga i Apia. Muamua, o taifau e oo mai i le aso e le i i ai se fofo o lea faafitauli ma ua faatupulaia pea taifau i vaega uma o le taulaga.

O lona lua, o moli auala: o moli ia sa i ai i aso ia o la e tutu lava le tele o moli e leai ma se moli o toe ola. O moli ia e faasolo mai i le sea-wall sau ai i Mulinuu i luma ole fale lea e i ai le Maota o le Minisita mo Faatoaga ma Faigafaiva agai ai i tai i le sea-wall. Sa fai ma savalivali agai i tai i aso ia faatoa uma i po a o ola uma moli i ina ona e le gata ina sa saogalemu, ae fiafia ai nai tagata ona o le matagofie o le taulaga i le afiafi. Sa faamamafa atu i le taimi lea e oo mai i le aso, e leai ma se moli o nei moli o ola. O le vao e moa isi vaega ae le moaina isi vaega. A outou o atu nei i Apia i le ala laupapa lea e i Mulivai lea tatou te oso ai i aso uma i le fue toeitiiti oo mai i le auala. Ua ola faasolo atoa le fue toeitiiti sosolo mai i luga o le auala le fue lena e i ina. O lea ou te fia malamalama po o fea tonu mea ia lea e..... o vaega taua nei aua e silasila pea i a ii aso uma aso uma.

**FOFOGA FETALAI:** Malie le sui usufono o saunoa, sei tuu atu le avanoa.

O le a le faaui lavae le sui usufono mo Faasaleleaga Nu 4?

**Afioga PESETA VAIFOU TEVAGA (Faasaleleaga Nu. 4):** Lau Afioga i le Fofoga Fetalai, ona o lea ua taua e le sui mamalu le tulaga i taifau. Mo le silafia e lau Afioga i le Fofoga Fetalai leaga o maua ma le Afioga i le sui usufono mo Aleipata Itupa i Lalo o lea e lavea i le polokalame lea e aafia tonu ai lava i le saunoaga a le sui usufono. Ona e le o afio mai le Afioaga i le Palemia, ae e pei o le mataupu lea sa fono ai le matou Komiti. Na o le fia faamalamalama atu lava o le tulaga lea ina ia malamalama le sui usufono mamalu. O le tulaga lea ua tuai ai ona faatino le mea lea o le faalaloina o taifau ona o lo o oka i fafo laau malolosi e faapitoa i taifau ona talu ai sa i ai nisi o laau sa faaaoga, ae peitai o ituaiga laau faapitoa. E moni na ona fana lavea le manu ae le pe, ae na oo i le taimi e o atu ai i latou nei e aumai e ave e lafoai, ae toe ola mai le manu. O lea la ua mafua ai ona i ai le fuafuaga lea a le matou Komiti, o lea ua oka faapitoa lava laau faapitoa e le gata i le fana pe, ae faatoa toe ola lava ina ua i lalo o le pu.

Ma le faaaloalo lava.

**Tofa LEALAILEPULE RIMONI AIAFI:** Lau Afioga i le Palemia Lagolago, o le faafitauli i taifau e le o se mea fou, e le o se mea foi ananafi ae ua au tausaga ona tatou taumafai i lea faafitauli ae o lo o tupu mai pea ma e faateleina pea.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

Afai ua toe tagofia e le Komiti a Tagata Asiasi Maimoa Mai Fafo, ia talosia ia tatou vaai i se fofo lata mai. Afai o lea ua aumai laau malosi faapitoa ia, ia e fetaui lava i le Minisita Lagolago, tuu i ai e alu e faataitai aua e le o se mea fou le mea lenei. Ua ala ona tau lagalaga atu ona o lo o tupu pea.

Lau Afiofa i le Fofoga Fetalai, i le afiafi a nanei pe a tusa ai ma lou finagalo ae se i tatou tietie tatou te matamata i Apia i le taulaga lea ou te talanoa atu ai i le tele o le faaletonu, a o lea e matagofie le faaputulaia o nai o tatou aiga ma tagata e fia omai e matamata ma malolo i le Eleelefou i afiafi. O se mea lelei, ae ua leiloa e nai tagata po o fea a o e tafafao ai i le afiafi. Aua ana faamama atu ai ma tua o le fale o le Malo, faamama faamatagofie ma fai ai ma ni moli, o le tasi lena mea matagofie e aumai nai o tatou tagata e faamatamata ai aua o le tatou taulaga. O a tatou mea lava ia e fai i a tatou malo pe a omai mai fafo, na ona omai lava i Mulinuu alu atu taamilo i Matautu toe o i le fale; o le mea e aupito sili lea ona taua.

O tagata foi mai fafo, o le tele o tagata ia e omai e ala loa i le taeao savavali po o le afiafi. E le mafai ona toe faia mea nei pe afai e lamatia le soifua e le gata i le leai o ni moli a o le tele o taifau.

O le isi galuega lea ua faatino nei e le Malo i le matafaga fou lea ua fai i Vaisigano. O se mea matagofie ua fou foi le vaai i lea matafaga, a o le mea aupito sili ona le lelei o le otaota la e i ai, po o ai la e faamamaina. Ou te ofo foi pe afai e leai se Matagaluega a le Malo e gafa ma nei mea i aso uma. A tagai i ai e manaia le matafaga ae le mafai ona savalivali ai i le tele o le otaota ma le ogalaau la e paepae ai. O lona uiga e pei e fai nei mea ae le o lelei ona mataitau ma fai ia lelei ma matagofie. O mea lelei ae e le o mafai ona faatino i se tulaga atoatoa aua ou te talitonu, ua faatupulaia le tele o tagata faigaluega a le Malo, faatupulaia le tele o resources o taavale ma mea uma ua faatupulaia ai le tele o konekarate e faia galuega nei, a o lea e pei e alu solomuli i tua tatou, a o lea e faamamafa i aso uma le tatou turisi. O lea la ua tatou faiatou nei i nusipepa i lea vайaso ma lenei vайaso, e tele foi le toatuga la e i totonu o le Matagaluega. O le mafuaaga lea, po o le a le tulaga o i ai le Matagaluega, alolofa galulue faatasi ma tagata ia e i tua o faia turisi. O tatou ia o le mea lea e ala ai ona fai Matagaluega a le Malo tatou te o e ave le lagolago i tua ma faamuamua tagata nei. E le faamuamua e tatou i tatou, a o le mea lena e ala ai ona faafraigaluega oe e le Malo ma totogi oe i tupe ina ia ave le fesoasoani i tua i tagata nei. O tagata nei o lo o tigaina e fai aitalafu e fai ai mea nei aua e le mafai ona faatinoina e le Malo mea uma.

O le fautuaga lea ma le faaaloalo lava.

**FOFOGA FETALAI:** Malo, o le a tuu atu le avanoa i lea Itu o le Maota.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

**Afioga TAFUA MALUELUE TAFUA:** Faafetai i lau Afioga i le Fofoga o le Fono mo le avanoa. Na o le lua mataupu ia na laga e tusa ma le fautuaga a le Komiti, o le siitia lea o totogi o taavale lau pasese pe a omai meli pe a feoai ma tagata mai fafo.

O le fesili faamolemole lau Afioga i le Fofoga o le Fono pe faamata ua i ai se fuafuaga a le Komiti faapena foi ma le LTA e faatatau i taavale lau pasese ia po o pasi foi ina ia faaitiitia ai le vaega lea o le overcharge o tagata turisi pe a tafafao mai fafo? O le uiga o le fesili faamolemole pe ua fuafua le LTA po o le Komiti e fai se fautuaga i le LTA e tusa ma le mitaina o taavale lau papasese ina ia faaitiitia ai le soona sii o totogi o taavale lau pasese?

O lona lua o au fesili, po o fea le ogaeleele lea ua filifilia e le Komiti e siitia i ai le vaega lea o le turisi? A o ou tulai atu i lenei taimi lau Afioga i le Fofoga Fetalai, pe mafai ona tuuina mai se avanoa se i fai ai sina faamalamalamaga puupuu e tusa ma le saunoaga a le sui usufono faatoa mavae, si au ue le sui usufono mo Faleata Sisifo. O le tulaga i moli ma taligalu, e saolele le saunoaga sa feutagai le Komiti lea o Apitaga mo tapenaga mo le fono a Malo Aufaatasi. Na feiloai ma le Komiti, sa fesiligia ai lava le vaega a le EPC ma o le tali a le vaega lea, o lea o le a tapena e fai uma moli ia e i luga o le taligalu. Ua leva ona faaali atugaluga o nisi o le fonotaga lea i le vaega o accommodation mo le SIDS.

O le tulaga i Vaisigano sa talanoaina foi i le fonotaga lea sa ou auai, ma o le tulaga lea ua i ai o lea o le a fai au ma sui o le Komiti a le Afioga i le sui usufono mo Aana Alofi Nu 1, o lea ua uma ona talosaga mai le MNRE o le latou matafaioi lea ma o le a tapena e latou le vaega lea. Ma le faaaloalo.

**FOFOGA FETALAI:** O le avanoa mulimuli lenei, tulai mai le sui usufono mo Aana Alofi Nu.3. Faafetai fesoasoani mai i le sui usufono mo Aleipata Itupa i Lalo i le tatou mataupu.

**Afioga TOEOLLESULUSULU CEDRIC POSE SALESA SCHUSTER:** Faafetai lava i lau Afioga i le Fofoga Fetalai mo le avanoa. E muamua foi ona faafetai i le Afioga i le Taitaifono ma le Komiti sa lauliuina ma momoli mai fautuaga e tusa ai o le Lipoti a le Pulega o Tagata Tafafao Asiasi Mai Fafo.

Lau Afioga i le Fofoga Fetalai, a o le i oo atu se vaivaiga i ni manatu e fia faailoa e tusa o fautuaga a le Komiti, ou te fia tuuina atu foi se lagolago i se finagalo o se tasi o sui usufono sa faapea ona faaoo atu. Ou te talitonu o le faanaunautaiga e pei ona i ai lo tatou Malo i tapenaga ia mo le SIDS.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaletausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

E fia faaopoopo atu foi se manatu agai i le Beautification Committee po o i latou o le a feagai ma le faamamaina o le taulaga ona e le gata o le matafaga lea e i luma o Aggie ma faasolo mai ai, a o le sau lea mai le maketi agai i le taulaga, e matua tele le lapisi ua lafoai e le gata o tagata feoai, a o laau ma le tele o le otaota i tafatafa o le waterfront. E pei ona saunoa nisi o sui usufono, o le tele o tagata maimoa ma tagata tafafao mai aemaise i latou o le a omai i le fono e savalia lea auala. E avatu ai le tuualalo i le Matagaluega o lo o feagai ai ina ia mafai ona faatauaina le faamamaina o ia vaega o eleele ona e le matagofie.

Lau Afioga i le Fofoga Fetalai ona ou oo mai lea i fautuaga. O le fautuaga muamua a le Komiti lau Afioga i le Fofoga Fetalai e fia maua ai sina malamalamaga ona na faaoo mai foi nisi o atugaluga a nisi o kamupani o lo o latou faatinoina lea galuega o le faia o bookings i luga o websites. O le latou tuualalo na tuu mai e pei o lea ua compete le website a le Pulega o Tagata Asiasi Maimoa Mai ma a latou foi taumafaiga. Pe mafai ona silasila i ai e pei ona saunoa nisi sui usufono, o le naunautaiga ia mafai ona ola nei pisini ae aua ne i faatauva le faiga o bookings mai fafo e alu i le website ma le Pulega o Tagata Asiasi Maimoa Mai, ae ia maua se avanoa mo ia kamupani e mafai ona latou faatinoina ai ma maua ai foi nai a latou seleni.

Lau Afioga i le Fofoga Fetalai, ona ou see mai ai lea i le fautuaga lona fa. E taua le fautuaga lea o le faalauiloa, peitai ane lau Afioga i le Fofoga Fetalai e fia tuuina atu foi se tuualalo ona o se itu na ou vaai i ai i le 20 tausaga talu ai, ua tele ina lauiloa. O faafanua foi po o tourist map ia e faaaoga e le Pulega o Tagata Asiasi Maimoa Mai ma faalauiloa atu i atunu i fafo, o lo o i ai uma sites. O le mea lea e tupu, o le tele o nei mataaga po o vavau taua a lo tatou atunu e faaono mafai ona maua ai seleni, e le o lelei ona teuteuina e i latou. O le mea foi lea e faalauiloa ai e lua pe tolu masina pe tasi foi le tausaga ae ua le mafai ona toe afea e tagata asiasi maimoa mai ona e le o mafai ona faatinoina le teuina lelei.

O se faataitaiga lau Afioga i le Fofoga Fetalai o le vavau lea i le itumalo o Safata i le afioaga o Saanapu i le ana o Seuao. Ou te talitonu ua leva tausaga o galulue ai foi le Matagaluega o le Siosiomaga ma le Pulega o Tagata Asiasi Maimoa Mai i le faatauaina o lea vavau. E manaia tele ma ou te talitonu o le toatele o tagata asiasi maimoa mai e mafai ona afea, e le gata foi i lea a o alo ma fanau a Samoa o lo o i fafo latou te fia asiasi i lea vavau ona o le taua o lea talatuu ma e tele se aoga e mafai ona faatinoina, peitai ane o lea e i luga o nisi o tourist map, ae e le o mafai ona savalia ma uia e i latou. E aoga ai se fautuaga e le gata i le faalauiloa ae ia galulue faatasi ina ia taumafai e toe faaleleia uma nei mataaga a o le i oo atu i le fonotaga lea.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

Ona ou oo mai lea lau Afioga i le Fofoga Fetalai i le fautuaga lona ono i le vaega lea o le sueina o se isi vaega e tuu i ai le tatou culture centre. E moni le fautuaga ae pau lava le tuualalo lau Afioga i le Fofoga Fetalai ona o le faanaunautaiga o lou nei tagata, ia tatou faatauaina o tatou nuu ma afioaga ae le gata i lea o alaalaafaga o lo o ola ai le faa-Samoan. Aua tatou te taumafai e fai mea ia e pei o atunu i fafo e fai le culture centre e o i ai tagata tafafao maimoa mai, ae a mafai ona tatou faia le o o tagata tafafao maimoa mai e savavali ma matauina totolu o afioaga ma alaalaafaga, e fesoasoani foi lea i le puipuia ma le teuteuina o afioaga, ae e le gata foi i lea e mafai ona alu ai le seleni i totolu o afioaga ma alaalaafaga, ae faaititia ai foi seleni o lo o faapea ona faaalu i le teuteuina o nei culture centre e taua e pei ua na o se snapshot, pe na o se vaaiga laitiiti lea, ae ia faataua le faasalalau atu i tua ina ia silasila tagata asiati maimoa mai i tu ma aga ae faapea foi le matagofie o le teuina o afioaga ma alaalaafaga o lo tatou atunu ma faapea ona ola ai pea le tatou aganuu.

O le fesoasoani lea lau Afioga i le Fofoga Fetalai.

**FOFOGA FETALAI:** Tulai mai lau Afioga i le Taitaifono e tali atu i finagalo faaalia ona tuu atu ai lea o le fesili.

**Afioga Hon LEAUPEPE TOLEAFOA APULU FAAFISI:** Malo faafetai.

**Afioga Hon Palusalue Faapo II:** Lau Afioga i le Fofoga Fetalai, faapea lava au e le o le Taitaifono lea, a o lea ta te fia lauga i le mataupu.

**FOFOGA FETALAI:** Malie ia o lea e i ai le isi Lipoti lea e mulimuli mai. Ua tautuaupega leaga o lea ua uma ona fai le faaiuga. Tulai mai le Taitaifono.

**Afioga Hon LEAUPEPE TOLEAFOA APULU FAAFISI:** Ou te tulai atu ma le agaga faaaloalo e tau faamalamalama ma tali atu i nisi o mea sa laga e nisi o sui usufono mamalu o le Palemene.

E momoli atu le faafetai i le sui usufono e pei ona tulai mai i le taimi muamua, le sui usufono mo Faleata Sisifo. E sau lava le fuauli e toa le moa e pei o lea muagagana. Ou te le laeia pe ou te tau selu atu, a o fautuaga faa-Taitai e limataitaiina ma matimati ai le Pulega lenei o Tagata Asiati Maimoa Mai i le latou foi faafogafoga mai. Ou te le i maua atoa le finagalo o le sui usufono a o lo o matau mai le Pulega i le aoga ma le taua o finagalo faaalia o sui usufono mamalu i totolu o lenei Palemene.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

O le tulaga lea i taifau, o lea ua saunoa se tasi o sui usufono o lo o latou feagai ma le faatinoina o le tulaga lea ma ua faapena ona faagasolo i ai fuafuaga a le Matagaluega, ae e i ai foi faafitauli sa feagai ma i latou o lo o faatinoina e pei ona saunoa i ai le sui usufono. E ui o lea lafo maia outou finagalo, e faatupulaia pea ae taumafai lava e faatino faamoemoega ina ia tuuitiitia le aafiaga o i latou tafafao maimoa mai ae faapea foi lo tatou lotoifale i alo ma fanau.

O moli auala, le faamamaina ma le moaina o le vao i auala po o aai foi i le taulaga. O la ua i ai le fautuaga faapena ina ia galulue faatasi Matagaluega o lo o feagai ma moli po o street lights faapea foi le faamamaina o le taulaga ona e le faia e le Pulega o Tagata Asiasi Maimoa Mai le tulaga lea, a o mea uma ia e auga faatasi ma galulue faatasi. O le ala lea e momoli atu ai le faamalo ma le faafetai.

A o faafofoga mai Matagaluega ma i latou o lo o aafia i le tulaga o le manaomia o la outou auaunaga e faapena ona faaleleia ai le taulaga, e le gata i lea o le atunu atoa aua le lagolago i tagata asiasi maimoa mai fafo aemaise foi o le alo atu i taliga malo o lo o loma nei i le masina o Setema i le tausaga nei, ia alolofa faatino le tulaga i le faamoemoe lea ma fautuaga e pei ona lagaia mai e i latou ua avea ma Taitai o le Palestene. E matua lagona le agaga fiafia e faatupu manatu i mea lelei i finagalo e pei ona laga mai e sui usufono mamalu.

O se isi sui usufono na ia laga le tulaga i se faiga i taavale lau pasese i le mea lea o le soona ova o le totogi. O mea masani lava e tutupu, na matimati mai lava i fatia ua sola, e oo mai lava i le taimi nei ae avea lava le lago mate e tasi e fai ma mea e faaleagaina ai le suau manogi ma le auaunaga a i latou o lo o tautuaina le atunu u ala i taavale lau pasese laiti, aemaise foi o le aufai pasi. E ui i lea a o faafofoga mai le Matagaluega e pei ona avatu le fautuaga, ia matimati atili le tulaga lea ina ia taofiofia ai nei uiga solitulafono, ae aoga le laga mai e sui usufono aua o le Maota lenei e alu atu ai fautuaga lelei ina ia limataitaiina ai le auaunaga e le gata o le Malo, ae faapea foi i latou o faipisini.

O le fesiligia foi pe ua maua se vaega eleele e see i ai le vaega autu o le Pulega o Tagata Asiasi Maimoa mai Fafo. O le mea lena o lo o ua lafo i le Pulega e silasila totoa i ai po o fea se ogaelelele avanoa e talafeagai. O lea foi ua maua se fautuaga a se tasi o sui usufono mamalu, e lelei le tuu atu i afioaga ma nuu i tua ona e pei e foliga e mapo lea ina ia atoa i ai le faatinoga o a tatou tu ma aganuu, e le gata i faiva alofi lima ma nafa eseese o lo o faalauiloaina e le Ofisa Autu ma le Pulega i faiva alofi lima o le atunu, ae ia faapea foi ona latou silasila ma molimaunia le mapo o le pulega a Alii ma Faipule o lo o sapi ai nei i le tatou agaifanua ma le aganuu. E manaia foi lea fautuaga, a o le a lafo pea i le Tamaitai Pule ma le Pulega e feutagai ma silasila i ai ona toe lipoti mai ai lea mo le silafia e le Palestene.

**25 MATI 2014**

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

O bookings i le website ma isi mea faapena ma le faalauiloaina o mataaga ae e le o tausia faalelei. E manaia foi lea manatu aua sa oo foi i ai finagalo o le Komiti ma a latou sailiiliga. A o faafogfa mai le atunu, e leai se mea e mafai e le Malo, e leai foi se mea e mafai e le Pulega o Tagata Asiasi Maimoa Mai Fafo, ae sei vagana lava ua tatou galulue faatasi aua o le agaga lena o le galulue faatasi. E le mafai ona faapea e tuu galuega a le Pulega o Tagata Asiasi Mai Fafo ae mataitu lo outou faiva alofilima i lea taimi ma lea taimi, o lea aso foi ma lea aso. E le mafai, ae vagana ua tatou galulue faatasi ona mapo lea ma lelei a tatou atinae aua se lumanaia manuia o le atunu.

Ua outou faafogfa mai foi Samoa ua saunoa le Taitai o le Itu Agai ma ua taofiofigata lona finagalo i le tulaga o le faaopoopoina po o le avaeesea o tupe nei e toese mai i totogi o faletupe ma i latou e ana auaunaga nei o lo o faasaoina ai le tufatufaina lelei atu o penisione. O le tulaga tonu lena o lo o i ai ina ia galulue faatasi. A tatou le maua le galulue faatasi, e le mafai ona mapo le tatou auaunaga i so o se mea lava. Ua ou taua le mea lea e pei ona saunoa inaina i ai le Taitai o le Itu Agai ona o itu ia e ao ona faaleleia ina ia faasaoina mai lea itu, ae faalelei i lea foi itu o le galuega.

O bookings ua faapena ona fetuutuunai. E mafai ona sau sao lava le tagata tafao maimoa mai fafo i le Ofisa Autu, ae mafai foi ona sau sao lava le tagata ia po o a tatou malo asiasi mai i le fale talimalo o lo o fia nofo ai pe a oo mai i totonu o le atunu. O lea lava e tatala le avanoa faapena po o fea o mea e lua e oo i ai le malosi, a o le mea sili ia lava le maketi ma toatele i latou e fia tafafao mai i lo tatou atunu.

E pei o fautuaga ia na tuuina mai, ae ua ou manatu e le faamalieina outou finagalo, a o se tali lena ua mafai ona maua i lenei taimi, a o lo o faapena ona toe faagasolo mai isi Lipoti a lenei Pulega aua e pei ona silasila i ai, o le 2010/2011 e fitoitonu i ai le Lipoti lenei.

Ma lou faaaloalo lava, faafetai.

**FOFOGA FETALAI:** Malo faafetai i lau Afioa i le Taitaifono.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

**P.P. 2013/2014 NU. 31, LIPOTI A LE KOMITI O TUPE MAUA MA  
TUPE TOTOGI I LE P.P. 2011/2012 NU. 86, LIPOTI  
FAALETAUSAGA A LE PULEG A O TUPE FAAVA O MALO MO LE  
TAUSAGA FAALETUPE 2010 – ILOILOGA**

**Susuga Hon PAPALIITELE NIKO LEE HANG:** Lau Afioga i le Fofoga Fetalai ua ou tulai atu ma le agaga faaaloalo e faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana Sailiiliga, Fautuaga ma Iugafono.*

*Faaluaina e le Sui Fofoga Fetalai, le Minisita Lagolago mo Tina ma Tamaitai, Atinae o Nuu ma Afioaga ma Agafesootai, sui usufono mo Sagaga le Usoga, sui usufono mo Falelatai ma Samatau ma le sui usufono mo Aleipata Itupa i Lalo.*

**FOFOGA FETALAI:** Tulai mai le Taitaifono e saunoa faamalamalama i le Lipoti.

**Susuga Hon PAPALIITELE NIKO LEE HANG:** Lau Afioga i le Fofoga Fetalai i le maea o Sailiiliga a le Komiti ua fautuaina ai le Malo e faapea:

**“FAUTUAGA:**

1. **Ia silasila i ni auala e mafai ai ona fesoasoani atu ai le Pulega ma le Malo i le faatosina mai o kamupani ma faalapotopotoga mai atunu i fafo, e faaaogaina le auaunaga a le Pulega o Tupe Faava o Malo a Samoa.**
2. **Ia silasila totoa le Pulega, ina ia mautinoa le faatumauina pea ma mausali le saogalemu a Samoa mai i le faaofiina mai o tupe i ni auala faa-solitulafono mai fafo.**
3. **Ia tausisia aiaiga faale-Tulafono mo le tuuina mai o Lipoti Faale-Tausaga a le Pulega i le maea ai o tausaga faaletupe taitasi mo iloiloga a le Palestene.**

**IUGAFONO:**

I le maea ai o Iloiloga a le Komiti, sa faaiugafonoina ai e fautuaina le Fono Aoao:-

**Ina ia faamaonia le P.P. 2012/2013 Nu. 41, Lipoti Faaletausaga a le Pulega o Tupe Faava o Malo o Samoa mo le Tausaga Faaleletupe 2010/2011.”**

**Faafetai.**

**FOFOGA FETALAI:** Malo faafetai saunoa i lau Afioga i le Taitaifono o le Komiti. E tatala atu le avanoa, tulai mai le sui usufono mo Faasaleleaga Nu. 2.

**P.P. 2013/2014 Nu.19, Lipoti a le Komiti o Oloa Gaosia Tulaga Muamua,  
Mataupu Tau Pisini, Alamanuia ma Leipa i le P.P.2012/2013 Nu.3,  
Lipoti Faaleausaga a le Pulega o Tagata Tafafao Maimoa Mai Fafo mo  
le Tausaga Faaiuina Aso 30 Iuni 2011 - Iloiloga**

Susuga PAPALII LIO FAAVAIAVOMANU TAEU MASIPAU: Faafetai i lau Afioga i le Fofoga Fetalai, faafetai lava i lau Afioga i le Taitaifono mo lenei Lipoti matagofie ma malamalama ua tuuina mai i le Laulau a Fono. Leai o le agaga lava ia e fia faamauina le agaga faafetai, i lenei foi Faalapotopotoga mo le latou sao aua foi ia le faatupeina o tatou au taaalo mo fafo, o lea e maua atu i le Lipoti, o taamilosaga o le ipu o le lalolagi le judo, ma isi taaloga ia le Manu Samoa ma netipolo, o lea pei o lea e fesoasoani ai lea Pulega o le tatou Malo. Malo faafetai. Ou te talitonu lava o le tasi lea sao taua mo le atunu u e tauala i a tatou taaloga ma faalauiloa ai foi lo tatou atunu i fafo, o le agaga lea o le faafetai i le Pulega ma le mamalu foi o le auaunaga mo lea fesoasoani. Ae o lau fesili lava lau Afioga i le Taitaifono, pe maua ai foi se avanoa foi lele o nai au kirikiti a nai nuu i tua, ituaiga mea faapena. Pe le maua ai nai fesoasoani aua o lea e maitau atu, pe agai lava le Faalapotopotoga lea i mea o tau taaloga? E pei o le agaga lena o lea e faafesili atu ai i lau Afioga i le Taitaifono, pe maua foi se avanoa o nai au kirikiti foi ia tau saili tupe mai tua? Aua o lea e maitau atu, o lea foi e tatala lava le avanoa mo le au taaalo.

O le isi mea e fia faamauina le agaga faafetai i lau Afioga i le Taitaifono ma le Komiti, o le fautuaga lava lea mulimuli, mo le tausisia o aiaiga faalekulafono foi ia e tuuina mai ai Lipoti Faaleausaga o Tala o Tupe, e ese le taua o lenei fautuaga, faafetai lava i lau Afioga i le Taitaifono, e te lagalaga lava i mea lelei ma mea e agai ai i luma ia mea nei o faalapotopotoga, aua e ese le taua o lenei fautuaga, e le gata foi i lenei faalapotopotoga a o nisi o faalapotopotoga a le tatou Malo aua e taua ina ia vave oo mai a tatou Lipoti i le Palemene, pei ona fai mai le tatou Tulafono o Pulega o Tupe a le Malo, Public Finance Management Act, ese le taua o le fautuaga lea. E le gata i lenei Pulega ae o isi foi faalapotopotoga o lo o faafogfa mai, e taua tele le fautuaga lea lau Afioga i le Taitaifono ma le mamalu o le Komiti, faafetai.

**FOFOGA FETALAI:** Malo. Ia tulai mai lau Afioga i le Taitaifono.

**Susuga Hon PAPALIITELE NIKO LEE HANG:** Ia e momoli atu le faafetai i le sui usufono mamalu sa faaalia sona finagalo i le Lipoti. O le faafesili i le fesoasoani a le Faalapotopotoga i faalapotopotoga kirikiti, ona o lea e matau e le sui usufono o lo o ave le fesoasoani a lenei foi Faalapotopotoga i nisi o taaloga pei o le Manu Samoa, netipolo ma tulaga faapena, ae o le mataupu lea na laga mai e le sui usufono mamalu, e talosaga sao lava oe i le Faalapotopotoga, pe aafia la outou foi Association Kirikiti i le faatulagaina o tulaga la ua ave ai le faamuamua a le SIFA.

**25 MATI 2014**

**P.P. 2013/2014 Nu. 32, Lipoti a le Komiti o Tupe Maua ma Tupe Totogi i le P.P. 2011/2012 Nu. 95, Lipoti Faaletausaga a le Faalapotopotoga o Inisiua Tau Soifua a Samoa mo le Tausaga Faaletupe 2011 - Iloiloga**

Ma e faafetai foi i lau Afioga ona o le taua o le fautuaga lea i le Lipoti Faaletausaga. O le talitonuga lava o le matou Komiti, e tatau lava ona usitaia Tulafono ia a le Malo, e leai ma se faalapotopotoga a le Malo o lo o taua i lalo o latou tulafono ia e taitaia ai latou le taua ma le tatau ona tuuina mai o Lipoti Faaletausaga pe a maea ia galuega i tausaga taitasi, ma o se tulafono e tatau ona usitaia ma faapena ona mulimultaia e so o se faalapotopotoga aemaise foi ia Matagaluega a le Malo. A o le tulaga la lena e momoli atu ai le faafetai ma le faamalo i lau Afioga.

O le isi mea lau Afioga i le Fofoga Fetalai, e le gata la i taalogia ma tulaga faapena o lo o fesoasoani ai lenei Faalapotopotoga, a o le fesoasoani tele ma taua o le tatou Tala o le Tupe, o lena e le o po se lilo i a outou Afioga i sui usufono mamalu le fesoasoani a le SIFA tausaga uma tausaga uma i le faatupeina o le tatou Tala Faatatau o le Tupe, ma o le fesoasoani taua lea, ou te iloa a maua lava le fesoasoani lea, e mafai lava ona toe soalaupule atu i nisi faalapotopotoga e auala atu ai i le faasoa a le Malo. Ma le faaaloalo tele.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

**P.P. 2013/2014 NU. 32, LIPOTI A LE KOMITI O TUPE MAUA MA  
TUPE TOTOGI I LE P.P. 2011/2012 NU. 95, LIPOTI  
FAALETUSAAGA A LE FAALAPOTOPOTOGA O INISIUA TAU  
SOIFUA A SAMOA MO LE TAUSAGA FAALETUPE 2011  
– ILOILOGA**

**Susuga Hon PAPALIITELE NIKO LEE HANG:** Lau Afioga i le Fofoga Fetalai ua ou toe tulai atu ma le agaga faaaloalo ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana Saililiga, Fautuaga ma Iugafono.*

*Faaluaina e le Sui Fofoga Fetalai, sui usufono mo Aleipata Itupa i Lalo ma le sui usufono mo Falelatai ma Samatau.*

**FOFOGA FETALAI:** Tulai mai lau Afioga i le Taitaifono.

**Susuga Hon PAPALIITELE NIKO LEE HANG:** Lau Afioga i le Fofoga Fetalai, i le maea ai o Iloiloga a le Komiti na faaiugafonoina ai e fautuaina le Malo:-

25 MATI 2014

P.P. 2013/2014 Nu. 32, Lipoti a le Komiti o Tupe Maua ma Tupe Totogi i le P.P. 2011/2012 Nu. 95, Lipoti Faaletausaga a le Faalapotopotoga o Inisiua Tau Soifua a Samoa mo le Tausaga Faaletupe 2011 - Iloiloga

**“FAUTUAGA:**

1. Ina ia faatinoina ma uunaia malosi polokalame faalauiroa a le Faalapotopotoga e faailoa ai i le atunu lautele le taua o le faia o Inisiua Tau Soifua aemaise lava i so o se tagata faigaluega.
2. Ina ia faailoa ma uunaia malosi e le Faalapotopotoga o Inisiua Tau Soifua a Samoa i le atunu lautele le taua o le tausisia ma faatumauina pea lea o le teuina o saofaga tau inisiua ina ia agavaa ai i faamanuiaga ma ponesi tau seleni e maua i le vaitaimi e matua (mature) ai saofaga mo le talaina i tua e Sui-faisaofaga.
3. Ina ia silasila le Pulega ma le Komiti Faafoe mo le faalautele atu o ana auaunaga i le faatinoina lea o isi ituaiga Inisiua e ese mai i Inisiua Tau Soifua e pei ona faatinoina ai le auaunaga a le Faalapotopotoga.

**IUGAFONO:**

I le maea ai o Sailiiliga a le Komiti na faaiugafonoina ai e fautuaina le Fono Aoao:-

Ina ia faamaonia le P.P. 2009/2010 Nu. 5, ma le P.P. 2009/2010 Nu. 103, Lipoti Faaletausaga a le Faalapotopotoga o Inisiua Tau Soifua a Samoa mo le Tausaga Faaletupe 2008, ma le Tausaga Faaletupe 2009.”

Faafetai.

*Na nofoia le Nofoa e le Sui Fofoga Fetalai i le itula e 12.28 seia oo i le itula e 12.31.*

**SUI FOFOGA FETALAI:** Faafetai atu i lau Afioga i le Taitaifono. Ua tatala atu le avanoa mo felafolafoaiga.

Atonu ua leai se finagalo e fia faaalia.

*Na faamaonia le Lipoti.*

**SUI FOFOGA FETALAI:** E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

**P.P. 2013/2014 NU. 33, LIPOTI A LE KOMITI MO LE TOE  
ILOILOGA O TULAFONO FAATONUTONU I  
SR 2011/12-SR 2011/22 – ILOILOGA**

**SUI FOFOGA FETALAI:** Tulai mai lau Afioga i le Taitaifono o le Komiti mo le Toe Iloiloga o Tulafono Faatonutonu.

**Afioga TAFUA MALUELUE TAFUA:** Lau Afioga i le Sui Fofoga Fetalai faapea le mamalu o sui usufono ou te faatu le lafo, *Ina ia faautagia e lenei Fono Aoao le Lipoti a le Komiti, o lo o tuuina atu ai ana Saililiiga, Fautuaga ma Iugafono.*

*Faaluaina e le sui usufono mo Alataua Sisifo ma le sui usufono mo Sagaga le Falefa.*

**SUI FOFOGA FETALAI:** E tuuina atu le avanoa mo Fautuaga ma Iugafono, lau Afioga i le Taitaifono.

**Afioga TAFUA MALUELUE TAFUA:** Lau Afioga i le Sui Fofoga Fetalai ma le mamalu o le Palestene:

**“FAUTUAGA:**

**E** fautuaina e le Komiti Mo le Toe Iloiloga o Tulafono Faatonutonu le Fono Aoao ina ia faautagia lana Lipoti.”

**IUGAFONO:**

**I** le maea ai o ana Iloiloga na faaiugafonoina ai e fautuaina le Fono Aoao, Ina ia faamaonia le Lipoti a le Komiti.”

**Ma le faaaloalo.**

**SUI FOFOGA FETALAI:** O le avanoa mo ni finagalo. Tulai mai le sui usufono mo Aana Alofi Nu. 3.

**Afioga TOEOLESULUSULU CEDRIC POSE SALESA SCHUSTER:** Faafetai i lau Afioga i le Sui Fofoga Fetalai mo le avanoa. O le fesili fia faamalamalama lau Afioga i le Sui Fofoga Fetalai ona e maitau atu, o le tele o Tulafono Faatonutonu nei ua pasia tausaga na faatuina mai ai, ma ou te talitonu foi ua tele ina faaaogaina nei Iloiloga ia suiga. O le fesili lau Afioga i le Sui Fofoga Fetalai, pe tatau ona aumaia nei Tulafono Faatonutonu a o lei faatinoina, pe na ona oo mai lava ae ua maea ona faatinoina? Afai o lea, e talitonu lau Afioga e tuu atu ai se tuualalo mo le lumanai, a i ai ni Tulafono Faatonutonu faapea, ina ia mafai ona talanoaina i totonu o le Maota Fono a o lei faaaogaina, faafetai.

**P.P. 2013/2014 Nu. 33, Lipoti a le Komiti mo le Toe Iloiloga o  
Tulafono Faatonutonu SR 2011/12-SR 2011/22 – Iloiloga**

**Afioga TAFUA MALUELUE TAFUA:** Lau Afioga i le Sui Fofoga Fetalai faafetai mo le fesili. O le tulaga lea ua leva ona fesiligia foi e le matou Komiti, masalo e manatua e lau Afioga le ta talanoaga i le taimi a o faia le tatou malologa, sa ou fautuaina ai ma le malosi, talosia ia ae leai ni fesili, ae faafetai o lea ua e fesili mai, ana ou le faamanatu la ia oe masalo e te le fesili mai. Ui o lea, o le process lava e alu ai e faapea, mo le silafia e le mamalu o le Maota ma le faafogagaaga a lau Afioga o le sa faia le fesili, sa ave le matou tusi i le Afioga i le Loia Sili ma lona ofisa, pe aisea e tuai ai le faagasologa o tatou Tulafono ona oo mai i le matou Komiti? Ia na aumai le tali ae faamalulu atu e le o i le tali masalo po o i se isi o le Maota Fono po o....ae mafai ona aumai i se taimi o i luma po o le isi....po o le uma o le lunch, ia ona aumai lea o le tusi lena e faamalamalama atili ai le fesili. A o le tulaga lava ia, ia e le o se faatamala o le Komiti po o le Palemene nei, o process lava o lea e alu ai a tatou faagasologa. Ma le faaaloalo.

*Na nofoia le Nofoa e le Fofoga Fetalai i le itula e 12.31.*

**FOFOGA FETALAI:** Ia sei tulai atu le Afioga i le Sui Palestia.

**Tofa Hon Fonotoe Nuafesili Pierre Lauofo:** Lau Afioga i le Fofoga Fetalai, ou te fia tulai atu lava sei fai sina tala i le process lea e taua e le Afioga i le Taitaifono o le Komiti. O Tulafono Faatonutonu, e maua mai le malosiaga e fai ai Tulafono Faatonutonu i lalo o Tulafono Autu. O Tulafono Autu la e pasia e le Maota lenei ona ave lea faamalosia, ona fau lea ma tusia Tulafono Faatonutonu e faavae mai lalo o Tulafono Autu. O Tulafono Faatonutonu la na, e le tau aumaia muamua i le Maota e pasia atu i le Maota. E maea loa ona pasia e le Executive po o le Kapaneta, ona ave loa lea e saini mai ai le aao o Lana Afioga Mamalu O Le Ao o le Malo. O le mea la lea e aumai ai mea ia, e aumai mo le silafia e le Maota, o le mafuaaga lena e aumai ai Tulafono Faatonutonu nei.

**FOFOGA FETALAI:** Malo. Sei tulai mai le sui usufono mo Faleata Sisifo.

**Tofa LEALAILEPULE RIMONI AIAFI:** Lau Afioga i le Fofoga Fetalai, e leai, e fia fesoasoani foi i lau galuega, aua o nei mea o SR, aua o le Komiti lenei e fou i le Paeaiga na tea nei sa ou i ai foi, ta te fiu e faitau SR, SR, ae o lena e manaia o lena e sosoo lena tolu, po o le a le mea e le pigi faatasi ai. Ma le faaaloalo lava.

**FOFOGA FETALAI:** Malo. E i ai se isi faaopoopoga lau Afioga i le Taitaifono a o lei tuuina atu le tatou Fesili?

**P.P.2013/2014 Nu.34, Lipoti a le Komiti mo le Toe Iloiloga o Tulafono Faatonutonu i S.R.2011/23 - S.R.2011/31 - Iloiloga**

**Afioga TAFUA MALUELUE TAFUA:** E leai, ma lou faaaloalo lava.

*Na faamaonia le Lipoti.*

**P.P.2013/2014 NU.34, LIPOTI A LE KOMITI MO LE TOE ILOILOGA  
O TULAFONO FAATONUTONU I S.R.2011/23 - S.R.2011/31  
- ILOILOGA**

**FOFOGA FETALAI:** Tulai mai le Afioga i le Taitaifono o le Komiti mo le Toe Iloiloga o Tulafono Faatonutonu.

**Afioga TAFUA MALUELUE TAFUA:** Lau Afioga i le Fofoga Fetalai, ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA ma IUGAFONO.*

*Faaluaina e le Sui Fofoga Fetalai, sui usufono mo Sagaga le Usoga ma le sui usufono mo Faasaleleaga Nu.4.*

**FOFOGA FETALAI:** Tulai mai lau Afioga i le Taitaifono.

**Afioga TAFUA MALUELUE TAFUA:** O nai fautuaga ia ma le faaaloalo lau Afioga:

**“FAUTUAGA:**

1. E fautuaina e le Komiti le Matagaluega o Pisinisi, Alamanua na Leipa ina ia silasila i nisi auala e mafai ona faasaoina ai ana Vaegatupe mai le faatupeina o asiasiga ma malaga i nuu i tua mo le tufatufaina o tau fou o oloa. Talitonu le Komiti, o se tasi lea o auaunaga a le Matagaluega e tatau ona galulue faatasi ai ma le mamalu o Pulenuu ae momoria le feutagai lelei ma le Matagaluega o Tina ma Tamaitai, Atinae o Nuu ma Afioaga ma Agafesootai.
2. Fautuaina le Matagaluega o Pisinisi, Alamanua ma Leipa ina ia amanaia le lelei faafoe o le faasologa o aiaiga mo le Faamauina o Tupe Teu Faafaigaluega mai Fafo ma mataitulelei le tulaga o pisinisi po o gaoioiga tau tamaoaiga e tusa o faamoemoega o lenei Tulafono Faatonutonu.
3. Feutagai lelei ma le Matagaluega mo Tupe Maua ma le Ofisa o le Ulufale mai o Tagata ina ia mautinoa le faamalieina o aiaiga o le Tulafono i vaega e fesootai i ai lana auaunaga ma aiaiga e ao ona faamalieina mo le avea ai o nisi o tagata faipisinisi mai fafo ma Tagatanuu o Samoa.

**P.P.2013/2014 Nu.35, Lipoti a le Komiti mo le Toe Iloiloga o Tulafono Faatonutonu i S.R.2012/1 – S.R.2012/20 – Iloiloga**

**IUGAFONO:**

**I le maea ai o ana iloiloga na faaiugafonoina ai e fautuaina le Fono Aoao,  
Ina ia faamaonia le Lipoti a le Komiti.”**

Ma le faaaloalo lava.

**FOFOGA FETALAI:** Malo.

*Na faamaonia le Lipoti.*

**P.P.2013/2014 NU.35, LIPOTI A LE KOMITI MO LE TOE ILOILOGA  
O TULAFONO FAATONUTONU I S.R.2012/1 – S.R.2012/20  
– ILOILOGA**

**FOFOGA FETALAI:** Tulai mai lau Afioga i le Taitaifono o le Komiti mo le Toe Iloiloga o Tulafono Faatonutonu.

**Afioga TAFUA MALUELUE TAFUA:** Lau Afioga i le Fofoga Fetalai, ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA ma IUGAFONO.*

*Faaluaina e le Sui Fofoga Fetalai ma le sui usufono mo Sagaga le Usoga.*

**Afioga TAFUA MALUELUE TAFUA:** Lau Afioga i le Fofoga Fetalai, o nisi nei o Fautuaga ma le faaaloalo:-

**“FAUTUAGA:**

1. Fautuaina e le Komiti le Faalapotopotoga ina ia silasila i ni aiaiga talafeagai mo le fausiaina o ni tane fou faaopoopo e teuina ai le suauu aemaise le taimi e sii ai le tau o le suauu, e faafetaiai ai le fesiitai o le tau o le suauu mai fafo i masina taitasi, ina ia tumau ai pea le tau o le suauu.
2. Fautuaina e le Komiti le Pulega, ina ia silasila pea i le tulaga mama o faleletaua o le malae vaalele i le taimi nei, a o le i faataunuina galuega toe faalelei e pei ona fuafuaina mo se taimi lata mai.

**25 MATI 2014**

P.P.2013/2014 Nu.36, Lipoti a le Komiti o Mataupu Tau Faamasinoga,  
 Leoleo ma Falepuipui ma Faamasinoga o Fanua ma Suafa i le  
 P.P.2012/2013 Nu.4, Lipoti a le Komisi o le Toefuataiga o Tulafono a  
 Samoa i le Tulafono mo i latou e Suesueina Mafuaaga Lilo o Maliu 1959,  
 Lipoti 02/11 - Iloiloga

3. Fautuaina e le Komiti le Matagaluega o le Soifua Maloloina ina ia uunaia malosi le toe faaaauauina o le Polokalame mo le aoaoina o le tomai faa-Fomai Nifo i le Iunivesite Aoao o Samoa, mo le siitia ma le faaleleia o le auaunaga tuuina atu i le atunu aemaise o i latou o aafiaga i le gasegase o oloa(nifo).

**IUGAFONO:**

I le maea ai o ana iloiloga, na faaiugafonoina ai e fautuaina le Fono Aoao, Ina ia faamaonia le Lipoti a le Komiti.”

Ma le faaaloalo lava.

*Na faamaonia le Lipoti.*

**P.P.2013/2014 NU.36, LIPOTI A LE KOMITI O MATAUPU TAU FAAMASINOGA, LEOLEO MA FALEPUIPUI MA FAAMASINOGA O FANUA MA SUAFA I LE P.P.2012/2013 NU.4, LIPOTI A LE KOMISI O LE TOEFUATAIGA O TULAFONO A SAMOA I LE TULAFONO MO I LATOU E SUESUEINA MAFUAAGA LILO O MALIU 1959, LIPOTI 02/11 – ILOILOGA**

**FOFOGA FETALAI:** Tulai mai le Afioga i le Taitaifono o le Komiti o Mataupu tau Faamasinoga, Leoleo ma Falepuipui ma Faamasinoga o Fanua ma Suafa.

**Tofa TUISA TASI PATEA:** Lau Afioga i le Fofoga Fatalai, ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILILIGA, FAUTUAGA ma IUGAFONO.*

*Faaluaina e se tasi o sui usufono mo Falealili, Tofa Tusa Misi Tupuola, sui usufono mo Palauli, sui usufono mo Gagaifomauga Nu.2, sui usufono mo Alataua Sisifo ma se tasi o sui usufono mo Vaimauga Sisifo, Tofa Lenatai Victor Faafai Tamapua.*

**FOFOGA FETALAI:** Tulai mai lau Afioga i le Taitaifono o le Komiti.

**25 MATI 2014**

**P.P.2013/2014 Nu.37, Lipoti a le Komiti o Mataupu Tau Faamasinoga,  
Leoleo ma Falepuipui ma Faamasinoga o Fanua ma Suafa i le  
P.P.2012/2013 Nu.93, Lipoti a le Komisi o le Toefuataiga o Tulafono a  
Samoa i le Tulafono o Komisi Suesue 1964, Lipoti 06/11 – Iloiloga**

**Tofa TUISA TASI PATEA: Lau Afioga i le Fofoga Fatalai:**

**“FAUTUAGA:**

**I le faia i luga o ana Sailiiliga, e fautuaina ai e le Komiti le Malo:-**

**Ina ia faautagia le Lipoti a le Komiti o le Toe Fuataiga o  
Tulafono a Samoa, o lo o auliili atu ai ni fautuaga taua mo le toe  
fuataiga o le Tulafono mo i latou e Suesueina Mafuaaga Lilo o  
Malu 1959.**

**IUGAFONO:**

**I le maea ai o Iloiloga a le Komiti, na faaiugafonoina ai e  
fautuaina le Fono Aoao:**

**Ina ia faamaonia le P.P.2012/2013 Nu.4, Lipoti a le Komisi o  
le Toefuataiga o Tulafono a Samoa i le Tulafono mo i Latou e  
Suesueina Mafuaaga Lilo o Malu 1959, Lipoti 02/11.”**

**Ma le faaaloalo lava.**

**FOFOGA FETALAI: Malo. Faafetai i lau Afioga i le Taitaifono.**

***Na faamaonia le Lipoti.***

**FOFOGA FETALAI: E tusa ai ma le Tulafono Tumau 54, e ao i le  
Malo ona tuuina mai i le Fono Aoao se Pepa e tali atu ai i Fautuaga na  
tuuina atu i le Malo mai le Lipoti a le Komiti filifilia ia le silia le 90 aso  
talu ona faamaonia e le Fono Aoao le Lipoti.**

**P.P.2013/2014 NU.37, LIPOTI A LE KOMITI O MATAUPU TAU  
FAAMASINOGA, LEOLEO MA FALEPUIPUI MA FAAMASINOGA  
O FANUA MA SUAFA I LE P.P.2012/2013 NU.93, LIPOTI A LE  
KOMISI O LE TOEFUATAIGA O TULAFONO A SAMOA I LE  
TULAFONO O KOMISI SUESUE 1964, LIPOTI 06/11 – ILOILOGA**

**FOFOGA FETALAI: Tulai mai le Afioga i le Taitaifono o le Komiti o  
Mataupu tau Faamasinoga, Leoleo ma Falepuipui ma Faamasinoga o  
Fanua ma Suafa.**

**25 MATI 2014**

P.P.2013/2014 Nu.37, Lipoti a le Komiti o Mataupu Tau Faamasinoga,  
Leoleo ma Falepuipui ma Faamasinoga o Fanua ma Suafa i le  
P.P.2012/2013 Nu.93, Lipoti a le Komisi o le Toefuataiga o Tulafono a  
Samoa i le Tulafono o Komisi Suesue 1964, Lipoti 06/11 – Iloiloga

**Tofa TUISA TASI PATEA:** Lau Afioga i le Fofoga Fetalai, ou te faatu  
le lafo, *Ina ia faautagia e lenei Fono Aoao le Lipoti a le Komiti o lo o  
tuuina atu ai ana SAILILIGA, FAUTUAGA ma IUGAFONO.*

*Faaluaina e se tasi o sui usufono mo Vaimauga Sisifo, Tofa Lenatai  
Tamapua ma le sui usufono mo Gagaifomauga Nu.2.*

**FOFOGA FETALAI:** Tulai mai lau Afioga i le Taitaifono.

**Tofa TUISA TASI PATEA:** Lau Afioga i le Fofoga Fetalai:

**“FAUTUAGA:**

I le faia i luga o ana Saililiga, e fautuaina ai e le Komiti le Malo:-

Ina ia faautagia le Lipoti a le Komiti o le Toe Fuataiga o  
Tulafono a Samoa, o lo o auiliili atu ai ni fautuaga taua mo le  
toefuataiga o le Tulafono o Komisi Suesue 1964.

**IUGAFONO:**

I le maea ai o Iloiloga a le Komiti, na faaiugafonoina ai e  
fautuaina le Fono Aoao:

Ina ia faamaonia le P.P.2012/2013, Nu.93, Lipoti a le Komisi  
o le Toefuataiga o Tulafono a Samoa i le Tulafono o Komisi  
Suesue 1964, Lipoti 06/11.”

Ma le faaaloalo lava.

**FOFOGA FETALAI:** Malo faafetai i lau Afioga i le Taitaifono.

*Na faamaonia le Lipoti.*

**FOFOGA FETALAI:** E tusa ai ma le Tulafono Tumau 54, e ao i le  
Malo ona tuuina mai i le Fono Aoao se Pepa e tali atu ai i Fautuaga na  
tuuina atu i le Malo mai le Lipoti a le Komiti Filifilia ia le silia le 90 aso  
talu ona faamaonia e le Fono Aoao le Lipoti.

**P.P.2013/2014 NU.38, LIPOTI A LE KOMITI O OFISA O LE  
PALEMENE I LE P.P.2010/2011 NU.13, FAAMATALAGA O TUPE O  
LE PENISIONE MO LE PALEMENE MO LE TAUSAGA  
FAALETUPE FAAIUINA ASO 30 IUNI 2010 – ILOILOGA**

**Afioga MUAGUTUTAGATA FAAMAUSILI AUIMATAGI PETER AH HIM (Taitaifono, Komiti mo Ofisa o le Palestene): Lau Afioga i le Fofoga Fatalai, ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA MA IUGAFONO.***

*Faaluaina e le Sui Fofoga Fatalai, se tasi o sui usufono mo le Au Palota Taitoatasi, Susuga Hon Papaliitele Niko Lee Hang, se tasi o sui usufono mo Faasaleleaga Nu.1, Afioga Hon Gatoloaifaana Amataga Alesana Gidlow ma le sui usufono mo Aleipata Itupa i Lalo.*

**FOFOGA FETALAI:** Tulai mai lau Afioga i le Taitaifono.

**Afioga MUAGUTUTAGATA FAAMAUSILI AUIMATAGI PETER AH HIM:** Lau Afioga i le Fofoga Fatalai:

**“FAUTUAGA:**

**I le maea ai o ana Iloiloga e fautuaina e le Komiti le Malo ina ia:-**

1. Silasila i ni Teuteuga Talafeagai o le Tulafono o le Penisione mo le Palestene e faatulafonoina ai le avea o le Komiti Faatino o le Faaputugatupe mo le Lumanai Manua o Tagata ma Komiti Faatino o le Penisione mo le Palestene ae faataape le Komiti Faatino o lo o i ai nei ina ia faasaoina ai Tupe Faaalu.
2. Saunia ma tuuina atu faamatalaga o paleni o saofaga mo tausaga taitasi i Sui Faisaofaga taitasi o le Penisione mo le Palestene ina ia silafia ai le faagasologa o le faagaoioiga o le Palestene.

**IUGAFONO:**

**I le maea ai o iloiloga a le Komiti na faaiugafonoina ai e fautuaina le Fono Aoao:**

**Ina ia faamaonia le P.P.2010/2011 Nu.13, Faamatalaga o Tupe o le Penisione mo le Palestene mo le Tausaga Faaletupe na faaiuina aso 30 Iuni 2010.”**

**Ma le faaaloalo lau Afioga i le Fofoga Fatalai.**

25 MATI 2014

P.P.2013/2014 Nu.43, Lipoti a le Komiti o Tupe Maua ma Tupe  
 Totogi i le P.P.2012/2013 Nu 18, Lipoti Faaleausaga a le  
 Faalapotopotoga mo Taui o Faalavelave Faafuasei  
 mo le Tausaga Faaleture 2011 - Iloiloga

**FOFOGA FETALAI:** Malo.

*Na faamaonia le Lipoti.*

**FOFOGA FETALAI:** E tusa ai ma Tulafono Tumau 54, e ao i le Malo ona tuuina ma ii le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti filifilia ia le silia le 90 aso talu ona faamaonia e le Fono Aoao le Lipoti.

**P.P.2013/2014 NU.43, LIPOTI A LE KOMITI O TUPE MAUA MA TUPE TOTOGI I LE P.P.2012/2013 NU.18, LIPOTI FAALETAUSAGA A LE FAALAPOTOPOTOGA MO TAUI O FAALAVELAVE FAAFUASEI MO LE TAUSAGA FAALETUPE 2011 – ILOILOGA**

**Susuga Hon PAPALIITELE NIKO LEE HANG:** Lau Afioga i le Fofoga Fetalai, ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA ma IUGAFONO.*

*Faaluaina e tasi o sui usufono mo Faasaleleaga Nu.1, Afioga Hon Gatoloaifaana Amataga Alesana Gidlow, sui usufono mo Sagaga le Usoga ma le sui usufono mo Aleipata Itupa i Lalo.*

**FOFOGA FETALAI:** Tulai mai lau Afioga i le Taitaifono.

**Susuga Hon PAPALIITELE NIKO LEE HANG:** Lau Afioga i le Fofoga Fetalai;

**“FAUTUAGA:**

I le maea ai o Sailiiliga a le Komiti, ua fautuaina ai le Malo e faapea:-

1. Ia tausisia pea e le Faalapotopotoga le totogi atu o taui talafeagai mo le atunu lautele e aafia i faalavelave faafuasei e aunoa ma se tuai, ma ia faatumauina pea le lelei faafoe o tulaga tau saofaga ma tulaga tau tupe a le Faalapotopotoga.

**P.P.2013/2014 Nu.43, Lipoti a le Komiti o Tupe Maua ma Tupe  
 Totogi i le P.P.2012/2013 Nu 18, Lipoti Faaletausaga a le  
 Faalapotopotoga mo Taui o Faalavelave Faafuasei  
 mo le Tausaga Faalelupu 2011 - Iloiloga**

2. Ia faaauauina pea ma uunaia malosi e le Faalapotopotoga le faatinoina o polokalame faalauiloa i luga o le televisi ma leitio faasalalau, auala e puipuia ai le saogalemu o le atunuu lautele mai faalavelave tutupu faafuasei, ma faalavelave tau taavale ua matauina le faatupulaia i luga o ala tetele ua maumau ai le tele o soifua o le atunuu lautele.
3. Ia ave le faamuamua a le Faalapotopotoga ma le Komiti Faafoe mo le fausia loa o le maketi i Fugalei mo le faatauina atu o fua o faaeleeleaga a le aufaifaatoaga o lo o faaaogaina lea nofoaga. Ua matauina e le Komiti o lipoti mo le tausaga faalelupu 2010/2011 e pei ona lipotia mai sa pasia ai e le Komiti Faafoe le faataunuina o lenei poloketi, peitai e oo mai i le taimi nei, e lei faataunuina lava lea faamoemoe.”

Lau Afioga i le Fofoga Fetalai, na o se faamatalaga faaopoopo i le tulaga lea ona sa tapena le Lipoti lea e lei faataunuina le galuega, a o lea ua maitau atu i lenei taimi o la e ua faagasolo le galuega lea. Ma lou faaaloalo.

**“IUGAFONO:**

I le maea ai o iloiloga a le Komiti, sa faaiugafonoina ai e fautuaina le Fono Aoao:

Ina ia faamaonia le P.P.2012/2013 Nu.18, Lipoti Faaletausaga a le Faalapotopotoga o Taui mo Faalavelave Faafuasei mo le Tausaga faaiuina Aso 30 Iuni 2011.”

Faafetai.

**FOFOGA FETALAI:** Malo faafetai i lau Afioga i le Taitaifono. Faafetai foi mo le faamatalaga faaopoopo. E manatu o lo o nofo malamalama foi le tatou Maota i le tulaga lea. E pei lava ona taumafai e faapupula atu a tatou Lipoti nei, o lea lava tatou te taumafai e faatino e tusa ai ma ala o le Tulafono o le tuuina mai o Lipoti ina ia faataunuuaiaiga o le Tulafono Tumau aua le faasoasoaina ma le faataunuina o Lipoti a Komiti ma Taitaifono, a o lea lava ua maua, o le ala foi lea o le lagolelei o le faalogologo atu a le Maota, ona o lo o nofo malamalama i tulaga uma e pei ona saunoa i ai lau Afioga i le Taitaifono.

Ia, sei tuu atu le avanoa i le Taitai o le Itu Agai e tulai mai.

**P.P.2013/2014 Nu.43, Lipoti a le Komiti o Tupe Maua ma Tupe  
 Totogi i le P.P.2012/2013 Nu 18, Lipoti Faaletausaga a le  
 Faalapotopotoga mo Taui o Faalavelave Faafuasei  
 mo le Tausaga Faaleture 2011 - Iloiloga**

**Afioga Hon PALUSALUE FAAPO II:** Lau Afioga i le Fofoga Fetalai, na o se faafesili lava e uiga i le maketi lea ona o lea e tuu e avatu lau fesili tusitusia mo le Aso Tofi nei, a o lea ua maua le avanoa e tusa ai ma le Lipoti lenei. O le fesili e tuuina atu i le Minisita o le Faalapotopotoga o Taui mo Faalavelave Faafuasei ona o le tulaga o i ai le maketi. Ua maitauina ua gasolo lava le tulaga o le galuega lea, ua i luga pou uamea ma iviivi uamea ma tulaga uma. A o le mea lea e fia malamalamama ai, po o faaauauina e konekarate Saina le galuega lea, po ua sui se konekarate e faaauauina le galuega. Afai ua sui, pe sa toe faasalalau la se tauofoga mo le konekarate o faaauauina nei le fausiaina o le maketi e tusa ai ma faiga faavae a le tatou Malo?

O lona lua, o le a la le umi o totoe nei o le maketi, aua o lea na folafola e uma i le vaiaso lenei, vaiaso mulimuli o Mati, ae o lo o timuia lava ma laina le aufaifaatoaga. O se tulaga lea e fesili atu ai e faamalamalamama i le tulaga tonu lava ua agai ai nei le galuega o le maketi, po o ai le konekarate lea ua faaauauina nei, pe sa uia faiga faavae a le Malo ina ia faasalalau ma taufo...

**Tofa Hon Fonotoe Nuafesili Pierre Lauofo:** Lau Afioga i le Fofoga Fetalai...

**FOFOGA FETALAI:** Ia, o lea ua maua le finagalo o le sui usufono.

**Afioga Hon PALUSALUE FAAPO II:** Faamolemole lau Afioga e lei uma lau fesili.

**FOFOGA FETALAI:** Ia, tuu atu le avanoa i le Afioga i le Sui Palemia.

**Tofa Hon Fonotoe Nuafesili Pierre Lauofo:** Ona ua lata mai le taimi o le tatou malologa, ae pau lava lea ou te tulai atu e faamanatu atu i le Taitai o le Itu Agai, sei tatou oo i le Lipoti o le tausaga lena ona aumai lea o au fesili. O le Lipoti lea o le 2010 lea... E te lei faafofoga mai lava i le saunoaga a le Taitaifono? O mea na e te fesili mai ai o...

**Afioga Hon PALUSALUE FAAPO II:** Lau Afioga, o la e malamalamama lava le aumai ai o le maketi.

**FOFOGA FETALAI:** Se i faauma le saunoaga a le Sui Palemia.

Ia, e manatu o lea sa... o le ala foi lea lau Afioga i le Taitai o le Itu Agai sa ou manatu ai o le a le tee le uluga aua o lea e gasolo mai le tele o a tatou Lipoti.

**P.P.2013/2014 Nu.43, Lipoti a le Komiti o Tupe Maua ma Tupe  
 Totogi i le P.P.2012/2013 Nu 18, Lipoti Faaleausaga a le  
 Faalapotopotoga mo Taui o Faalavelave Faafuasei  
 mo le Tausaga Faaleture 2011 - Illoiloga**

O le tulaga o lau faafesili, a lea e te silasila atu i le galuega ua alu ae? E le soona faia se galuega e le Malo e aunoa ma ni faiga faavae, ae lagapapale pea o lea e silasila le tatou atunu, o lea lava ua faasolosolo le tatou galuega. Ia taatia sei tatou oo atu i lea taimi ona tali manino lea o le Minisita e a ia le galuega, ona tatou manino ma malamalamama uma ai lea i tuutuuga o lo o ua gasolo i ai. A o le taimi lenei, o lea foi ua faamalulu mai le Afiofa i le Taitaifono e a ia le Tulafono, ua pasi i tua le mea lea tatou te talanoa ai i le mea lea, ae o lo o i ai le Lipoti o lo o mulimuli mai, masalo po o le Lipoti 57, o lo o i ai le isi Lipoti a le Komiti, ona agai tonu lea o le fesili e fetaui tonu lava ma le mea lea tatou te tulituliina atu. A o le taimi lenei, o lea tatou te taumafai e faagasolo mea ua tuanai.

**Afiofa Hon Palusalue Faapo II:** Lau Afiofa i le Fofoga Fetalai, o le faalavelave o lea ua e tali mai. O lea na ou fesili sao lava i le Afiofa i le Minisita. O lea ua e saunoa mai, leaga o lea na lavea le faiga o le maketi fou i le Lipoti.

**FOFOGA FETALAI:** O lea o le a ou faamalamalamaina atu le mea lea na ala ai ona lagalaga le mataupu lenei. O le Lipoti lea na faamalamalamama mai e le Taitaifono, o le taimi lea e le i faia se maketi. E leai se maketi e tasi na faia, a o lea ua faamalulu mai ona o le faataotoga, o lea ua agiga e lei faia se galuega, a o lea ua manino ma malamalamama, tatou te oo i le Lipoti lena ua lipoti mai ai mafuaaga o le fesuiaiga. Ma aua e te fesili soo i le mea lea o lou tali atu. E le talafeagai le mea lea o lou fesili, o ai e tali? Ua e silafia ea o lea e taumafai e faamalamalamama? O lau tali o le tali lena a le Minisita pe a e le fia malamalamama i le tali a le Minisita. O lea ou te taumafai atu pea e faamalamalamama, anusane foi lou le malamalamama atili. A o lea ou te taumafai atu pea e faamalamalamama ma saga faamalamalamama. O i ai foi nisi, o lea ua tulai mai nisi o tali ma tusitusia, o lea e lava lo tatou avanoa e tulai ai tali ma fesili pei ona outou atugalu ai foi i Aso Tofi ma mea faapena.

Ua tatou taunu i le tatou taimi malolo, ma ou te talitonu ua lava foi le galuega o lenei aso. O lea ua tatou taunu i le 17 a tatou Lipoti, o se galuega tele lenei galuega. Ua umi lava o le faalavelave soo o le Taitai o le Itu Agai i le tatou Fono lea e fai, a o lea e tuu atu lava le avanoa, e le faapea o se mea e taotaomia lo outou finagalo, e taua la outou faamanatu ma la outou tuualalo Taitaifono. O lea foi e faamanatu mai lava Taitaifono ua tuai le taunu mai o a tatou Lipoti, o lea faatoa tatou talanoa, a o lo o agai pea i luma galuega a le tatou Malo.

**P.P.2013/2014 Nu.43, Lipoti a le Komiti o Tupe Maua ma Tupe  
 Totogi i le P.P.2012/2013 Nu 18, Lipoti Faaleausaga a le  
 Faalapotopotoga mo Taui o Faalavelave Faafuasei  
 mo le Tausaga Faaletupe 2011 - Iloiloga**

E momoli atu le agaga faafetai i lenei aso i le paia ma le mamalu o le tatou Maota, o tiute ma faalelegafulu o lenei aso, malo le tofa, faamalo atu le onosai ma le faapalepale aemaise foi o tulaga o le tolaulauina o a tatou Lipoti i a outou Afioga i Taitaifono, o le tali atu foi a lau Afioga i le Sui Palemia ma Minisita o le Kapaneta, malo le tauatai.

E faamalo atu foi i le paia ma le mamalu o lea tala na atoa i lau Afioga i le Taitai o le Itu Agai ma sui usufono, malo. O suaga ia o le tatou galuega, e aumai avatu. A i ai foi se mea ua ou vaai atu ua tau sipa ese, ona ou taumafai lea e faasaosao atu. A o tulaga ma le faamoemoe, ia tasi le auga ina ia malamalama ma manino le faafofoga mai a Samoa. Faafetai Samoa i lau tapuaiga i lenei aso. E manatu ua le tunoa le faiva o Samea, ua le falalatau foi le matagi i le niutea e ala i lau tapuaiga. E momoli atu le agaga faafetai ma le faamalo ua ae manuia faiya o lou Palemene i lenei aso. O le faamoemoega o le a tatou tatao ai i i i le pauuga lea o le tatou galuega, o le a faaaauai ai pea le tatou Fono i Fono ao, ta le 9:00 i le itula e 1:00, e manatu foi e tele tuatuanoa o le tatou Malo, aemaise foi o le tatou faatiligamalosi i fuafuaga o lenei aso ma le faamoemoe.

O lo o i ai le tatou taligasua masani o lo o tapenaina pea e le Ofisa o le Fono le tulaga o le faaaloaloga e tou te afifio atu ma tala atu aao e tali la outou sua i le tatou Maota o Tofilau Eti Alesana, ma togiai sa outou foai i aao o le Komiti Faafoe o lo o nafa ma le tapenaina o taumafataga. E le faamalosia, a o le tulaga e faaali i ai lau tofa ma lau faautautaga loloto aua le faaaauauina o lea faamoemoe.

E i ai le faamoemoe o le a tatou toe tauaofia faapenei i le tatou Aso Fono i le aso a taeao. Faafetai atu le onosai, malo le faapalepale, ua iu male manuia le tatou Fonotaga mo lenei aso. Ou te valaau atu i lau Susuga i le Faafeagaiga Tofa Tapuai Toese Ah Sam, tulai maia e te tatalo mo le Taitai o le Itu Agai i lenei afiafi.

*Na motusia Felafolafoaiga ina ua tolopo Tauvalumaga a le Fono Aoao i le itula e 1:02 i le aoauli.*